

**Hitesranjan Sanyal Memorial Collection**  
**Centre for Studies in Social Sciences, Calcutta**

Record No.	CSS 2000/135	Place of Publication:	Calcutta
		Year:	1931sambat (1875)
		Language	Bangla
Collection:	Indranath Majumder	Publisher:	Saradaprasad Chattopadhyay 30, Raja Kalikrishna Lane, Shovabazar Natun Bangla Jantra
Author/ Editor:	Harachandra Ghosh	Size:	13x20.5cms
		Condition:	Brittle
Title:	Sapatnisaro	Remarks:	Fiction (based on true stories)

# সপত্নী সরো

যথার্থ ঘটনামূলক উপাখ্যান।

শ্রীহরচন্দ্র ঘোষ কর্তৃক বিরচিত

এবং


হর্গলী হইতে প্রকাশিত।

"O beware, my lord, of jealousy ;

It is the green-eyed monster, which doth mock

The meat it feeds on."

*Shakspeare.—Othello.*



শ্রীসারদাপ্রসাদ চট্টোপাধ্যায়

কর্তৃক

কলিকাতা, —শোভাবাজার রাজা কালীকৃষ্ণের লেন ৩০ নং ভবনস্থ

নূতন বাঙ্গালা যন্ত্রে

মুদ্রিত।

সংখ্য ১৯৩১।

# সপত্নীসরো

## প্রথম অধ্যায়।

### আদিমাধব গোস্বামীর বিদেশ যাত্রা।

চান্দ্র কার্তিক পূর্ণমাসী দিবসে অতি প্রভূষে আদিমাধব প্রাতঃ-  
কৃত্য সমাপন করিয়া শিষ্যকে কহিলেন “আমি পতিসার গ্রামে চলি-  
লাম। কাল শুদ্ধ আছে। কএকজন মন্ত্র গ্রহণ করিবে। কিন্তু দূরদেশ।  
পর্যটন কষ্টসাধ্য। কি করি”। আদিমাধব অদ্বৈতবংশ্য। গোস্বামী।  
ভাগীরথীর পূর্ব প্রদেশে স্থানে স্থানে তাঁহার অনেক শিষ্য সেবক  
ছিল ও প্রায় প্রতি বৎসরই তথায় গিয়া বার্ষিক সাধিয়া আনিতেন।  
তাহাতেই সংসার ধর্ম চলিত এবং ক্রিয়া কলাপও হইত। শিষ্য ললিত  
কহিলেন “যে আজ্ঞে”। “কিন্তু আজি পূর্ণমাসী তিথি”। মাধব জিজ্ঞা-  
সিলেন “তায় ক্ষতি কি”?

ললিত কহিলেক ঐ তিথি জ্যোতিষমতে অষাট্রিক। “পক্ষান্তে  
নিষ্কলা যাত্রা”। মাধব কিঞ্চিং ভাবিয়া কহিলেন “বটে বটে”।  
“তবে কালি প্রাতে যাত্রা করিব”। ললিত কহিলেক “সেই উত্তম”।  
“কৃষ্ণা প্রতিপদ তিথি শুভদাত্রী হইবে”।

ললিত নব্য হইলেও বিলক্ষণ ব্যুৎপন্ন ছিলেন ও তজ্জন্য গোস্বামী তঁহাকে শ্রদ্ধা করিতেন। ললিত বাটীতে সংবাদ দিয়া যথোচিত আয়োজন করিতে লাগিল। গোস্বামী পরদিন প্রত্যুষে যাত্রা করিবেন এই স্থির করিলেন। সমভিব্যাহারে পুরাতন ভৃত্য দুইজন যাইবেক। যে হেতু সে পথ ঘাট বিলক্ষণ সজ্জাত ছিল ও আদিমাধবের পিতা পিতামহের সহিত কখন কখন গমনাগমন করিয়াছিল। কথা বার্তায় দিবাবসান হইলে সন্ধ্যার পর গোস্বামী শিষ্যকে লইয়া পরামর্শ করিতে বসিলেন। সে দিন সায়ংসন্ধ্যা ছিল না। ভৃত্য সম্মুখে বসিল। সে প্রবীণ লোক। বাটীর মধ্যে কাহাকেও ভয় করিত না এবং বৃত্তি সাধিয়া আনিতেও তাহার বিলক্ষণ পটুতা ছিল। আদিমাধব তাহাকে উক্ত গ্রামের আধুনিক অবস্থা ও পথ ঘাটের বিবরণ জিজ্ঞাসিতে লাগিলেন। কথোপকথনে রাত্রি হইয়া উঠিল। পরদিন প্রত্যুষে আদিমাধব প্রাতঃস্নানান্তে ললিতকে ডাকিয়া কহিলেন “তবে আসি”—“তুমি শ্রীপাট রক্ষা করিবে”। ললিত “যে আছে” বলিয়া প্রণাম করিল ও পেটিকার মধ্যে গোস্বামীর নামাবলী ও গ্রন্থাদি যাহা রাখিয়াছিল তাহা একে একে দেখাইয়া দিল। মাধব “শ্রীহরি” বলিয়া যাত্রা করিলেন। প্রাচীন ভৃত্য পেটিকা মাথায় লইয়া গোস্বামীর অনুগামী হইল।

কিয়দূরে গোস্বামী জাহ্নবী পার হইয়া দেখিলেন যে দুই দিকে ছই পথ গিয়াছে; কোন্ পথে যাইবেন তাহা হঠাৎ স্থির করিতে না পারিয়া দাঁড়াইয়া ভাবিতে লাগিলেন। বোধ হয় আদিমাধব এ পথ দিয়া পূর্বে আর কখন গমনাগমন করেন নাই। সমভিব্যাহারী ভৃত্য কহিল “ঠাকুর—আমাকেও যেন কেমন কেমন ঠেক্চে—আর বেলাও হয়েছে, এইখানে সেবা হউক”। “পথের নির্ধাস না হলে হঠাৎ

যাওয়া হয় না”—“সে কথাও বটে”। প্রাচীন ভৃত্যের প্রস্তাবে মাধব সন্মত হইয়া সমীপবর্তী আপণে গিয়া উপস্থিত হইলেন ও কিঞ্চিৎক্ষণ বিশ্রাম করিয়া সংক্ষিপ্ত মধ্যাহ্ন ভোজনান্তে বিদায় হইলেন। ও পথিক-গণের স্থানে পথের তথ্য লইয়া নিঃসন্দেহে পর্যটন করিতে লাগিলেন। দেখিতে দেখিতে বেলা তৃতীয় প্রহর হইল ও পথশ্রান্ত হইয়া বিস্তীর্ণ শাখা-পল্লব-বিশিষ্ট প্রবীণ বটবৃক্ষের মূলে বসিয়া শ্রম দূর করিতে লাগিলেন। প্রাচীন ভৃত্য পেটিকা ভূমে রাখিয়া তামাক টানিতে টানিতে নিদ্রাকুঠ হইল ও বৃক্ষমূলে পড়িয়া স্ননিদ্রিত হইল। সম্মুখে দীর্ঘ জলাশয়। স্থান অতি নিম্নল ও সূশীতল। উভয় পার্শ্বে আত্মের উপবন। সম্মুখে শিবালয়। আদিমাধব মনোহর স্থান দেখিয়া পুলকিত হইলেন ও পেটিকা হইতে আসন বাহির করিয়া তাহার উপর উপবেশন করিলেন ও মনে মনে কহিতে লাগিলেন “কিঞ্চিৎ বিশ্রাম করি, না হয় সন্ধ্যার সময় কোন্ নিকটবর্তী গ্রামে গিয়া অতিথি হইব”। “আমি অদ্বৈতবংশ্য; সর্বত্রই পূজ্য—কে-না স্থান দিবেক”। মাধব তক্ষমূলে আসীন হইয়া ইত্যাদিরূপ আলোচনা করিতে লাগিলেন। ইতি মধ্যে কতিপয় পথিক তপ্তকাঞ্চনের ন্যায় কান্তিবৃক্ত গোস্বামীকে দেখিয়া ধর্মাবনত প্রণাম করিয়া সম্মুখে দাঁড়াইল। আদিমাধব উভয় হস্ত তুলিয়া তাহাদিগকে আশীর্বাদ করিলেন ও জিজ্ঞাসিলেন “কতদূরে গ্রাম পাইব”। পথিকেরা উত্তর করিল—“বহুদূরে নয়”।

“কতদূর?”

“তিন ক্রোশের মধ্যে হবে”।

“কোন্ গ্রাম?”

“পতিসার গ্রাম”। “তথায় রাজবাড়ীও আছে”।

আদিমাধব মাথা তুলিয়া উর্দ্ধ দৃষ্টে কিঞ্চিৎক্ষণ ভাবিতে লাগিলেন ও মনোমধ্যে কহিতে লাগিলেন—“পতিসারে পিতার অনেক শিষ্য আছে আমার কাহারও নাম মনে নাই”। “যা হউক গুরুকে কেহ বিশ্বৃত হ'বে না”। “সরস্বতী দাসী দীক্ষিত হবে, এ আমার মনে হ'তেছে তাহার লোক এসেছিল”। “এরূপ দশ পাঁচ জন মন্ত্র গ্রহণ করলেই দশটাকা লাভ হ'বে”।

আদিমাধব মনে মনে এই রূপ লাভের আলোচনা করিতে লাগিলেন। পথিকেরা প্রণাম করিয়া বিদায় হইল। পঠক মহাশয়েরা অবশ্য বিদিত থাকিবেন যে, গোস্বামীরা যখনজাতি ভিন্ন আর প্রায় সর্ব প্রকার বর্ণকে মন্ত্র দিয়া থাকেন। পতিসার গ্রামে মাধবের পিতার অনেক শিষ্য ছিল ও তাহার প্রায় অধিকাংশই নবশাক।

আদিমাধব পূর্বে কখন পতিসার গ্রাম দেখেন নাই। লোক মুখে গ্রামের কাহিনী শুনিয়া ক্রমশঃ তাঁহার তথায় গমনের স্পৃহা বৃদ্ধি হইতে লাগিল। তাহার পর নিবিড় বৃক্ষাবলীর অন্তরালে আসিয়া উর্দ্ধ দৃষ্টে দেখিলেন যে বেলা প্রায় অবসান হইয়া আইল। ও সম্বরে আসিয়া ভৃত্যকে জাগাইলেন। প্রাচীন ভৃত্য চক্ষুঃ মুছিতে মুছিতে উঠিয়া পেটিকা মাথায় লইল ও গোস্বামী “ত্রিহরি” সন্নিহিত প্রস্থান করিলেন। গোস্বামী প্রায় সার্ক দুই ক্রোশ পথ অতিক্রম করিলে সন্ধ্যা হইল ও তত্রত্য পথের পার্শ্ববর্তিনী পুষ্করিণীর ঘাটে পাদপ্রক্ষালন করিয়া সন্ধ্যা করিতে বসিলেন। এমত কালে তথায় দেখিলেন যে গেরুয়া বসন পরিহিত দীর্ঘ ফোঁটায়ুক্ত দৃষ্টতঃ ব্রাহ্মণ এক জন তথায় সন্ধ্যা আঙ্কিক করিতেছে ও আদিমাধবের ব্রাহ্মণ বেশ দেখিয়া ঈষৎ মন্তকে তাঁহাকে নমস্কার করিয়া বসিতে ঈঙ্গিত করিলেন।

আদিমাধব সন্মান পূর্বক হাত তুলিয়া নমস্কার করিয়া সন্ধ্যা করিতে বসিলেন।

প্রাচীন ভৃত্য পেটিকা রক্ষা কার্যে নিযুক্ত রহিল। উভয়ের সাযং-সন্ধ্যা সমাপন হইলে আদিমাধব জিজ্ঞাসিলেন—“দেবতা নিবাস কোথায়?” পথিক বিজ্ঞ কহিলেন “বহুদূর,” “সম্প্রতি পতিসারে গিয়া রাত্রি যাপন করিব”। আদিমাধব অনপেক্ষিতরূপে অভিলষিত পথিক পাইয়া পরম পুলকিত হইলেন ও ক্রমে ক্রমে পরস্পরের পরিচয় হইল। কিন্তু সহযোগী পথিকের লোহিত বসন দেখিয়া আদিমাধবের ক্রমে ক্রমে শঙ্কার উদ্ভেক হইতে লাগিল ও পরিশেষে কপালে রক্তচন্দনের ফোঁটা দেখিয়া নিশ্চয় জানিলেন যে এ ব্যক্তি ঘোর শাক্ত হইবে। ও তখন তাঁহার সঙ্গ বর্জনেচ্ছা করিলেন। পাঠক মহাশয়ের অবশ্য বিদিত থাকিবে যে অদ্বৈতবংশ্য ঘোর বৈষ্ণব ও শাক্তের প্রতি তাঁহাদের চিরবৈরিত্ব ও ঘেঁষ আছে। আদিমাধব কহিলেন “দেবতা, আমিও পতিসারে যাইব”। “কিন্তু সন্ধ্যা আগত এবং গ্রাম ও কিয়দূর আছে”। “বিশেষতঃ পথ পর্য্যটনে আমি শান্ত হইয়াছি, আজ নিকট-বর্তী কোন গ্রামে নিশি প্রবাস করিব”। লোহিতবাস বিজ্ঞ কহিলেন “যে রূপ আপনার ইচ্ছা”।—

দেখিতে দেখিতে রাত্রি প্রায় এক প্রহর হইয়া উঠিল। পতিসার গ্রাম তখনও কিঞ্চিৎ দূরে আছে। পরিশান্ত গোস্বামী ধীরে ধীরে সমীপবর্তী গোপের গ্রামে গিয়া অতিথি হইলেন ও তথায় রাত্রি বাস করিয়া পরদিন প্রাতে প্রস্থান করিলেন। কিঞ্চিদূর গমন করিলে পতিসার গ্রাম নিকট হইল ও আদিমাধব অন্তর হইতে গ্রামের শুভ্রকায় ইষ্টকালয় ও দেউল ও প্রাচীর প্রভৃতি দেখিতে পাইয়া কহিলেন “আহা!

কি মনোহর দর্শন!” পরে বেলা প্রায় এক প্রহরের সময় গ্রামের নীচে শ্বেতবাহিনী নদীর তটে আসিয়া স্নান পূজা করিলেন ও যৎকিঞ্চিৎ জলযোগ করিয়া নদী পার হইয়া গ্রামে উপনীত হইলেন ও চারিদিকে নিরীক্ষণ করিয়া কহিলেন—“কি অপূর্ব গ্রাম!”—ও অনিমেষ নয়নে ভূম্যধিকারীর অত্যাচ্ছ অট্টালিকা দেখিতে লাগিলেন এবং মনে মনে কহিলেন—“বুঝি এই রাজ নিকেতন হইবে”। তাহার পর জানিলেন যে তাহা রাজবাটী বটে ও তাহার কমনীয় শোভা দেখিয়া চমৎকৃত হইলেন।

ভূম্যধিকারীর মনোহর ভদ্রাসন ভবন গ্রামের প্রায় মধ্যস্থলে ছিল আর ঐ শুভ্রকান্তি সুন্দর পুরী দুর্গম গড়ে বেষ্টিত। লৌহময় বহির্দ্বারের সম্মুখ হইয়া রাজপথ পর্যন্ত যে পথ গিয়াছে, তাহার উভয় পার্শ্বে রোপিত সুচারু দেবদারু তরু রাজিতে পথের সম্যক শোভা বৃদ্ধি হইয়াছে। গ্রীষ্মকালে মস্তৃপ্ত ও বিশ্রান্ত পথিকেরা তাহার সুশীতল ছায়ায় বসিয়া বিরাম করিত। তরুগণ উভয় শ্রেণীতে একরূপ সুরোপিত যে তাহাদের মধ্যে প্রথমতঃ পরস্পর যে স্বল্প বিচ্ছেদ ছিল, তাহা কালে লোপ হইয়া তাহাদের বিচিত্র শাখা পল্লব ও জটাজুট একত্র মিলিয়া নীলীবর্ণ চন্দ্রাতপের ন্যায় একরূপ নিবিড় হইয়াছিল যে মধ্যাহ্ন-রবির কিরণও তাহা ভেদ করিতে পারিত না। এই পথের দক্ষিণে ও বামে মনোহর পুষ্পোদ্যান ও প্রস্ফুটিত নানা জাতি কুম্বুমের স্খবাসে মলয়ানিল তারাক্রান্ত হইয়া অবিরত যে সৌরভ বিস্তার করে তাহাতে মুনিমানসও লম্বিত হয়। ফলতঃ পুষ্পোদ্যানের অপরূপ শোভা দেখিলেই যৌথ হয় বুঝি বসন্ত বারমাসই এই স্থানে বাস করেন। পুষ্পোদ্যানের উত্তর দিগে অমরবাঙ্কিত যুগল জলাশয় ও তৎসম্মুখে বিবিধ দেবাগয়-

শিবালয়—দোলমঞ্চ—রাসমঞ্চ, পাঠশালা ও অতিথিশালা। তাহাতে পুরীর একরূপ শোভা বৃদ্ধি হইয়াছিল যে পথিকেরা গমন কালে নির্নিমেষ নয়নে তাহা লক্ষ্য করিতে করিতে গমন করে। গ্রামের নীচে শ্বেতবাহিনী নামে নদী। তাহার জল নির্মল ও সুশীতল এবং বার মাস স্রোত বহিতেছে। লোকে কহে যে ঐ নদী তগবতী গঙ্গাদেবীর অঙ্গজা। এ কারণ তাহার বারি পবিত্র জানে গ্রামস্থেরা পারলৌকিক মঙ্গলার্থে তাহাতে অল্পদিন অবগাহন করে। বিশেষতঃ দশহরা ও বারুণ্যাদি যোগে ও গ্রহণাদিকালে আবাল বৃদ্ধ বনিতারা দিগ্দেশ হইতে আসিয়া স্নান করিয়া থাকে। তটিনীর উভয় তটেই মনোহর ঘাট—তাহা রক্ত পাটের ন্যায় শ্বেত প্রস্তরে নির্মিত। দ্বিজেরা তাহাতে বসিয়া দেব পূজা করেন। স্ত্রী পুরুষের অবগাহনের পৃথক পৃথক ঘাট। স্ত্রীলোকদিগের ব্যবহারার্থ ঘাট উচ্চ প্রাচীরে বেষ্টিত ও তাহাতে অবগাহনের স্থান অতি বিরল হওয়াতে কুল-নারীরা অক্লতোভয়ে স্নান করেন।

ভূম্যধিকারীর সিংহদ্বারের সম্মুখেই ইনস্পেক্টরের থানা। আর ঐ বিপুল বিস্তীর্ণ গ্রাম প্রায় সর্ব প্রকার জাতিতে পরিপূর্ণ এবং বসতিরও সুচারু শৃঙ্খলা। সমস্ত ভদ্রজাতির বাস এক ভাগে ও অন্ত্যজ বর্ণেরা স্বজাতীয়ের মধ্যে অপর ভাগে বাস করিয়াছে। আর ক্রিয়াবান্ নবশাকেরা সংসমাজেই বাস করিতেছে। সংস্কৃত পাঠার্থে গ্রামে চৌবাড়ী আছে। স্বর্গীয় ভূম্যধিকারী অপূর্ব বৃত্তি দানে ঐ সকল বিদ্যালয়কে এক প্রকার চিরজীবী করিয়াছেন। তাহাতে অধ্যাপক ও অধ্যাপিতেরা উভয়েই উপকৃত হইয়াছিল। আর এই সমস্ত সংকার্যের নিমিত্ত স্বর্গীয় ভূম্যধিকারীর বদান্যতার ধী শব্দ ধীরগণেরা করিতেন।

স্বর্গীয় ভূম্যধিকারীর স্থাপিত চক্‌যাহাকে লোকে “রাজার চক্‌” বলিয়া ব্যাখ্যা করিত, সেই রাজার চকে প্রতিদিন বাজার হয়।—ও তাহাতে অসংখ্য লোক আসিয়া ক্রয় বিক্রয় করে। এতদ্ভিন্ন বহু গঞ্জ গোলা ও হাটখোলা আছে—তাহাতে দান তোলার অনুমতি নাই।

গ্রামের নীচে বহুতা নদী থাকায় গ্রামের বাগিজ্যের বিস্তার আছে। এবং উদয়াস্ত কালের মধ্যে হাট্‌ ঘাট্‌ অলি গলি কোনখানেই ব্যবসায়ের বিরাম নাই। সকলেই স্বজাতিসিদ্ধ ব্যবসায়ে ব্যস্ত। তাহাতে বিদেশী বিদ্যার্থী বা অন্য কেহ ইন্স্পেক্টরের থানা পশ্চাৎ করিয়া নগরে প্রবেশ করিলেই তাহার ভারতচন্দ্রের কথা মনে পড়িত—

“পশ্চাৎ করিয়া রায় কোটালের থানা

দেখে জাতি ছত্রিশ ছত্রিশ কারখানা”।

গ্রামের সুরূপ ও সৌন্দর্য্য দেখিয়া আদিমাধব পুলকিত হইলেন ও যে দিকে দৃষ্টি করেন সেই দিকেই তাঁহার মনোহর বোধ হয়।

দেখিতে দেখিতে বেলা প্রায় দুই প্রহর হইয়া উঠিল। আদিমাধব উর্দ্ধে দৃষ্টি করিয়া চঞ্চল হইলেন ও প্রাচীন ভূত্যকে কহিলেন “আরে ছল্লভ, কোথায় যাওয়া যায়?” ভূত্য উত্তর করিল “ঠাকুর স্থানের অভাব কি। আপনকার পিতার অতিশয় অহুগত অধিকারী ঠাকুর। তাঁর মঠ প্রায় দেখা যায়”। অধিকারীর মঠ অনতিদূরে ছিল ও স্বল্প পর্য্যটন করিয়া আদিমাধব স-সেবক মঠের দ্বারে উপনীত হইলেন। দৃষ্টতঃ পরম ভাগবত ও নামাবলীতে আবৃত গোস্বামীকে দেখিয়া অধিকারী আন্তে ব্যস্তে “আসুন—আসুন—আসতে আজ্ঞা হউক” বলিয়া সমাদর পূর্ব্বক তাহাকে অভ্যর্থনা করিলেন। তাহার পর প্রাচীন ছল্লভকে চিনিয়া তাহার প্রমুখাৎ আদিমাধবের পরিচয়

পাইলেন ও অধিকারী আপনাকে কৃতকৃত্য মানিয়া যথা বিধানে তাঁহার আতিথ্য করিলেন। অনন্তর দেব সেবা হইলে গোস্বামীর সেবা হইল। তাহার পর আখড়াধারী ও অর্তিখি অভ্যাগত লোকেরা প্রসাদ পাইল। ভোজনান্তর পথশ্রান্ত গোস্বামী বিশ্রাম করিতে লাগিলেন। প্রাচীন ছল্লভ পেটিকার এক ভাগে মস্তক রাখিয়া ক্ষণমাত্র নিদ্রিত হইল।

## দ্বিতীয় অধ্যায় ।

### ভূম্যধিকারীর বাটীর বৃত্তান্ত ।

অনন্তর আদিমাধব নিজা ভঞ্জে উঠিয়া দেখিলেন যে সূর্য্য প্রায় অস্তা-চলচূড়াবলধী হইয়াছেন, এবং সন্ধ্যা নিকটবর্ত্তিনী। তাহার কিঞ্চিৎ পরে প্রতিষ্ঠিত দেবগণের আরতি হইল। গোস্বামী তাহা দর্শন করিয়া সায়ংসন্ধ্যা করিলেন ও প্রাচীন ভূত্যকে নিকটে ডাকিয়া সিজাসিলেন যে স্বর্গীয় গোস্বামী এ গ্রামে আসিয়া রাজবাটী গমন করিতেন কি না। পাঠকেরা অবগত থাকিবেন যে ঐশ্বর্য্যবান্ প্রবল ভূম্যধিকারীগণকে গ্রাম্য লোকেরা “রাজা” বলিয়া উল্লেখ করে।

আদি মাধবের প্রশ্নে পুরাতন সেবক হাসিয়া কহিল “ঠাকুর, কি বলেন?—সেইখানেই ত দশ টাকা লাভের পিতেশ। যদি রাজবাটী না যাবেন তবে এখানে এলেন কেন?”

গোস্বামী এক প্রকার লজ্জিত হইয়া কহিলেন—“না সে কথা নয়, তবে কর্তাদের কি প্রথা ছিল তাই কেবল জানিবার জন্য জিজ্ঞাসা”।

আমরা পূর্ব্ব প্রকাশ করি নাই যে আদিমাধব গোস্বামীর কথকর্তা

ব্যবসায়ও ছিল—তাহা এ পর্যন্ত গ্রামে প্রকাশ হয় নাই। গোস্বামী স্বরবান্ ছিলেন ও তাঁহার সংগীতশক্তিও ছিল। ভৃত্যকে কহিলেন “তবে চল, কাল প্রাতে বারবেলার পূর্বে গিয়া ভূপতিকে আশীর্বাদ করিয়া আসি—লাভানাত প্রাক্তন”। প্রাচীন ভৃত্য সায় দিয়া কহিল “চলুন—তার কি আর কথা আছে”। পরদিন পূর্বাঙ্কে আদিমাতব প্রাতঃস্নান করিয়া “হরি” ধ্বনি দিয়া বাহির হইলেন। সঙ্গে পুরাতন সেবক আসন লইয়া চলিল। বাম হাতে পিতল বাঁধা ছঁকা—দক্ষিণ হাতে খস্টি—গোস্বামীর কাঠি পাছকার খট্ খট্ শব্দে পাড়ার লোক তটস্থ হইল ও ছোট ছোট শিশুরা ভয় পাইল। পথের লোক এক ধার হইতে লাগিল ও ছোট বড় সকল লোকেই গলায় বস্ত্র দিয়া পথের দুই দিকে সারি সারি গড়াইতে লাগিল।

রাজা কাছারীতে বসিয়া আছেন। সম্মুখে প্রবীণ মিত্র দেওয়ান। বাম ভাগে গঙ্গাধর গেজেট। স্বর্গীয় ভূম্যধিকারীর একমাত্র পুত্র ছিলেন। তিনিও অপ্রাপ্ত ব্যবহার। নাম দেবেক্রমোহন। কিন্তু গ্রামস্থ ছোট বড় সমস্ত লোকে তাঁহাকে সাদরে “রাজা বাবু” বলিয়া ডাকিত। তাহাতে সেই অবধি তিনি “রাজা বাবু” নামে বিখ্যাত হইয়াছিলেন। “রাজা বাবু” প্রথমতঃ গ্রাম্য পাঠশালায় পাঠ করিয়া পুরাতন প্রণালী মতে বাঙ্গালা শিক্ষা করিয়াছিলেন। তাহার পর জিলাস্কুলে রীতিমত ইংরাজী পাঠ করেন। ইতি মধ্যে পিতার পরলোক হওয়াতে তাঁহাকে অগত্যা পাঠাগার পরিত্যাগ করিতে হইল। রাজা বাবু পিতার পরলোক হওয়াতে যক্রপ বিষণ্ণ হইয়াছিলেন, পাঠাগার পরিত্যাগ করিতে তক্রপ খিদ্যমান হন নাই। তিনি বাল্যকালেই অস্বারোহণ অভ্যাস করিয়া অত্যুগ্র অশ্বগণকে অনায়াসে আজ্ঞাবহ করিয়া অল্পকালেই নিপুণ

মৃগয়ু হইয়াছিলেন; এবং ব্যাত্র ভল্লুক ও মৃগ বরাহ প্রভৃতি হিংস্রক পশ্বাদি মারিয়া রাশি রাশি করিতেন। ইহাতে মৃগয়ু বলিয়া তাঁহার বিশেষ পৌরুষ প্রকাশ হইয়াছিল। ফলতঃ অস্বারোহণে ও মৃগয়াতে তাঁহার যাদৃশ নৈপুণ্য হইয়াছিল, বিদ্যালয়ে তাদৃশ খ্যাতি হয় নাই। তাঁহার অল্প বয়সে পরিণয় হয়;—ও বিদ্যাধ্যয়নের প্রকৃত কালে তাঁহার বাল্যস্বী তরুণযৌবনা হওয়াতে রাজাবাবুর পাঠাভ্যাসের ব্যাঘাত হইয়াছিল কিন্তু এজন্য আমরা রাজাবাবুর দোষ দিতে পারি না। সে কেবল দেশাচার দোষ এই কথাই স্বীকার করিতে হইবেক।

প্রাচীন মিত্র দেওয়ান জমীদারীর সমস্ত চলিত কৰ্ম নিৰ্বাহ করিয়া থাকেন। দেওয়ানজী প্রবীণ পুরুষ ও অতি বিচক্ষণ এবং ধর্মপরায়ণ লোক ছিলেন। এজন্য সকলে সম্মুখ করিয়া তাঁহাকে “বড় মহাশয়” বলিয়া ডাকিত।

স্বর্গীয় ভূম্যধিকারীর দুই ছুহিতা। উভয়েই অশ্রুতপূর্ব, অলৌকিক রূপসী ছিলেন। জ্যেষ্ঠা “স্বরস্বন্দরী”—কনিষ্ঠা “গোলাপকুমারী”। জ্যেষ্ঠার অনেক অসাধারণ গুণ ছিল; তিনি সকলকে প্রিয়ভাবে সম্বোধন করিতেন ও বার ব্রতাচারে কাল কাটাইতেন। তাঁহার বয়ঃক্রম দ্বাবিংশতি বর্ষ। কোন সম্ভান সম্ভতি হয় নাই।

কনিষ্ঠা গোলাপকুমারী তরুণযৌবনা—ক্ষীণমধ্যা ও সূচাকুনয়না। হীরকভরণে ভূষিতা হইয়া যখন পুষ্পাদ্যানে ভ্রমণ করিতেন, তখন তাঁহার রূপলাবণ্যে কুম্মকলাপের কান্তি হরণ করিত। স্বর্গীয় ভূম্যধিকারী ঐহ আয়াস করিয়া জ্যেষ্ঠা কন্যাকে কৌলিক প্রথা মতে পূর্বদেশীয় কোন সংকুলীনে দান করিয়াছিলেন। এ কারণ বরপাত্রেয় বিদ্যা বুদ্ধি ও গুণাণ্ড কিছুই দেখা হয় নাই। জ্যেষ্ঠ জামাতা এত



দেশে আসিয়া স্বদেশসিদ্ধ যে ভাষা প্রথমতঃ ব্যবহার করিতেন তাহা লোকের বুঝাই কঠিন হইত। তিনি এক দিবস ভোজনের সময় কহিলেন যে “খলিখাতার দ্যাশে আমার বিয়া খরার খেবল এই মানস চিলো যে ইন্দুরী নারী অইবে,—নচেৎ আমাগারের দ্যাশে মায়াবর অবাব কি? যা—হউধ,—দ্যাশ্ বটে। কিন্তু আমাদের দ্যাশে গৃত, দদি, হুগুদ, সানা, ডালাও। কায় কেডা। এ দ্যাশে ক্যাবল ইঁটি পান গুলাই বালো। আর মায়াগুলান দেহবার চিকণ। আর ইংরাজ খোম্পানীর রাজদানী”। জামাতা বাবুর কথা শুনিবার জন্য আমোদার্থে তাঁহার জলযোগের সময় জ্বীলোকের জনতা হইত, ও হাসিতে হাসিতে শেষ লোকের পেট ব্যথা করিত। সুরসুন্দরীর অসাধারণ পতিভক্তি; স্বামী বরিশাল দেশীয় বিশাল বাঙ্গাল বলিয়া তৎপ্রতি তাঁহার শ্রদ্ধার মান্য হয় নাই। তিনি বিদ্যাভ্যাস করিয়াছিলেন ও বার ব্রতাচারে কালহরণ করিতেন। ইহার কারণ কেহ অশ্বেষণ করে নাই; এবং সুরসুন্দরীর মনের কথাও কেহ জানিতে পারে নাই।

গোলাপকুমারী যেমন সুরসুন্দরী, বিধাতাও তেমনি তাঁহার ঘর বর দিয়াছেন। গোলাপকুমারীর সদগুণ সমূহ তাঁহার অলৌকিক সৌন্দর্যের শোভা বৃদ্ধি করিয়াছিল। তিনি বালিকা বিদ্যালয়ে শিক্ষা পাইয়া অনেক সখ্যাতি লাভ করিয়াছিলেন। তাঁহার প্রত্যাশিতমতি ও ধারণাবতী বুদ্ধি ছিল। এবং তাঁহার সৌভাগ্য ও তদহরূপ। বহু আয়াস ও যত্ন করিয়া কখন কখন পিতা মাতা অপাত্রে কন্যাদানি করিয়া থাকেন আর কখন কখন কন্যা অনায়াসে স্পাত্রে পড়িয়া কুলোজ্জ্বল করে। ইহার উদাহরণ সেই সুরসুন্দরী ও গোলাপকুমারী। ফলতঃ

ইহাতে কাহারো দোষ নাই। বিধাতার মনে যাহা থাকে তাহাই ঘটয়া উঠে। বথা—

“কিংন করোতি বিধিযদি রুঠঃ।

কিংনকরোতি সএবহি তুঠঃ ॥

উষ্ট্রে লুম্পতি রম্বা মম্বা

তস্মৈ দত্তা বিপুলনিতম্বা”।

অস্যার্থ।

বিধাতা যদি রুঠ হন, তবে তিনি কোন্ অনিষ্ট না করিতে পারেন? আর যদি তিনি তুঠ হন তবে কোন্ ইষ্ট সিদ্ধ না হয়? কেন না “উষ্ট্র” শব্দের কখন র কখন ম লোপ করে এমত যে গণ্ডমূর্থ তাহাকেও তিনি নিবিড় নিতম্বিনী চার্কাদী দান করিয়া থাকেন। বোধ হয় সুরসুন্দরীর মানসিক বিষাদ তজ্জন্যই হইবেক।

রাজা বাবুর মাতুল রায় মহাশয় ভিন্ন অন্যান্য অনেক লোকে রাজা বাবুর সংসারে প্রতিপালিত হইত। দেওয়ান্দফতরে গঙ্গাধর বিশ্বাস নামক এক ব্যক্তি কর্ম করিত। “গঙ্গাধর গেজেট” বলিয়া গ্রামে তাহার খ্যাতি আছে। গ্রামে বা গ্রামান্তরে যে দিন যেখানে যে ঘটনা হয় গঙ্গাধর তাহা অগ্রে অবশ্যই জানিবে; এবং গ্রহাচার্যেরা যেমন রাজবাটীতে প্রতিদিন পঞ্জিকা শুনাইয়া যায়, গঙ্গাধর গেজেটও সেইরূপ রাজা বাবুকে প্রতিদিন গ্রামের সংবাদ কহিত। দেবালয় হইতে মুদির দোকান পর্যন্ত যেখানে যাহা হইবে গঙ্গাধর গেজেটের তাহা কিছুই অবিদিত থাকে না। গঙ্গাধর সচ্চচিত্র নহে; স্বভাবতঃ অতি লুদ্ধ ও পিশুন এবং বিনা প্রয়োজনেও অনিষ্ট করে। অন্তঃপুরে সরস্বতী দাসী—পরিচারিকা। সে শঙ্কুসুরের কন্যা—লক্ষ্মীর সপত্নী ও গঙ্গাধরের

জাতিকন্যা। গ্রামের মধ্যে গঙ্গাধরের কএক ঘর জাতি কুটুম্ব আছে—  
তন্মধ্যে শম্ভু সুরই প্রধান। ইহার সন্দেহাঙ্গ জাতীয়। ফলতঃ সকলেই  
দোল ভ্রুগোংসবাদি ক্রিয়া কলাপ করে এবং সকলেরই অন্ন বিস্তর চাষ  
আছে। গ্রামস্থ সমস্ত লোকেই ভূম্যধিকারীর অনুগত। অপরাধ বাটত  
কোন কর্ম গ্রামে উপস্থিত হইলে ভূম্যধিকারী সম্মত না হইলে তাহা  
প্রায় প্রমাণ হয় না। কখন কখন সম্বয় হয়। পক্ষাৎ প্রায় ছাড়া  
নাই। ইতর লোকের মধ্যে কোন বিবাদ বিসম্বাদ হইলে অগ্রে তাহা  
ভূম্যধিকারীর দ্বারে উপস্থিত হইবে, ও তথায় যেরূপ নিষ্পত্তি হইবে  
তাহা ভাল হউক বা মন্দ হউক তাহাই চূড়ান্ত। ভূম্যধিকারীর এরূপ  
প্রবল প্রতাপ যে তৎপক্ষের লোকে “হাঁ” বলিলে কাহার “না” বলিবার  
সাধ্য নাই, এবং “না” বলিলে কাহার “হাঁ” বলিবার সাধ্য নাই। বোধ হয়  
পরাক্রান্ত ও প্রবল জমীদারেরা প্রায় সর্বত্রই এইরূপ।

রাজা বাবু কাছারীতে বসিয়া আছেন এমত সময় আদিমাধব  
গোস্বামীর আগমনের সংবাদ হইল। ও বলিতে বলিতে গোস্বামী উপ-  
নীত হইলেন ও “জয় হউক” বলিয়া আশীর্বাদ করতঃ আসনান্তরে  
বসিলেন। রাজা বাবু পূর্বে গোস্বামীকে কখন দেখেন নাই। যথা-  
বিহিত অভ্যর্থনা করিয়া কুশল জিজ্ঞাসিলেন। গোস্বামী কহিলেন  
“শ্রীপতি আপনকার রাজশ্রীর উন্নতি করুন,—তাহাতেই এ আশীর্বাদক-  
দিগের কুশল। নচেৎ অনুচরদিগের আর মঙ্গল কি”। আদিমাধব অনেক  
ক্ষণ বসিয়া শিষ্টালাপ করিলেন ও শ্রীমদ্ভাগবতাদি শাস্ত্র কথা কহিয়া  
রাজা বাবুকে বিলক্ষণ সন্তুষ্ট করতঃ গাত্রোথান করিলেন। রাজা বাবু  
সেই সময় কিঞ্চিৎ প্রণামী দিয়া গোস্বামীকে স্তব করিলেন। এমন  
সময় নিকটস্থ আখড়ার তুরী ভেরী বাজিতে আরম্ভ হইল। প্রাচীন

ভৃত্য আসন তুলিল ও খস্তী উঠাইয়া লইল। শিষ্য সেবকগণ যাহারা  
গোস্বামীর আগমনের সংবাদ শুনিয়া আসিয়াছিল, তাহারা সঙ্গে সঙ্গে  
চলিল। গোস্বামী গা তুলিলে সেই সময় গঙ্গাধর গেজেটও গোস্বামীর  
সঙ্গে সঙ্গে পশ্চাতে আসিতেছিল,—সম্মুখ হইয়া প্রণাম করতঃ কহিল  
“প্রভো”—“আপনকার পিতা আমাকে বিলক্ষণ জানিতেন—আমি  
আপনকার ক্রীত দাসের মধ্যে”। আদিমাধব কহিলেন—“বাপু”  
—আমি অপরিচিত”। অল্পসঙ্গী প্রাচীন সেবক কহল—“ঠাকুর”—  
“কর্তা গোস্বামী গেজেট মহাশয়কে বড় ভাল বাসতেন—গেজেট  
এই সরকারে অনেক দিন আছেন—কেমন লোকটা পরে জানিবেন”।  
মনে মনে কহিল—“বেটার হাড়ে ভেলকী হয়”। আদিমাধব কহিলেন  
“তাই তো দেখি”। “যা হোক, বাপু, আমাদের শিষ্য সেবকগণ কে  
কোথায় আছে জানি না”। গেজেট কহিল “আমি সকলকে জানি—  
দেখাইয়া দিব”। “সম্প্রতি নিবেদন—সরস্বতী দাসী মন্ত্র গ্রহণ করবে”।  
আদিমাধব কহিলেন—“হাঁ হাঁ তা আমার মনে আছে—আমি সরস্বতীর  
লোক মুখে শুনেছি—শুভদিন দেখিয়া তোমাকে বোলবো”। গেজেট  
“যে আজ্ঞে” বলিয়া সঙ্গে সঙ্গে চলিল। আদিমাধব খড়ম পায়ে দিয়া  
বেগে গমন করিতে লাগিলেন। শিষ্য সেবকগণ এবং বৈষ্ণবেরা পশ্চাৎ  
পশ্চাৎ চলিল। সকলেই মহা ব্যস্ত—বরণ এক প্রকার বিব্রত। গ্রামে  
অগ্নি লাগিলে যেরূপ হলস্থূল হয়, গোস্বামীর আগমনে বৈষ্ণব সমাজে  
সেইরূপ হইল। গেজেট সঙ্গে সঙ্গে গিয়া কথাবার্তায় অগৌণে আদি-  
মাধবের প্রিয় হইল ও একে একে তাঁহার পিতার শিষ্যসেবকদিগের  
বাটী দেখাইয়া দিল। তন্মধ্যে কএক ঘর কাংস্যবণিক ও স্বর্ণকার ও  
কর্মকার ও তন্তবায় ছিল। আদিমাধব প্রায় প্রতি ঘরে এক এক বার

খস্তী গাড়িয়া টাকা, পয়সা, তৈজস ও বস্ত্র কুড়াইতে লাগিলেন। সিধা সামগ্রী দেখিতে দেখিতে বোঝা হইয়া উঠিল। প্রাচীন ভৃত্য ক্রমে ক্রমে তাহা বহন করিতে লাগিল। এদিকে বেলাও প্রায় দুই প্রহর হইয়া উঠিল। গেজেট প্রণাম করিয়া বিদায় হইল। গোস্বামী মঠে গিয়া পাদ প্রক্ষালন করিলেন ও পূজা আঙ্গিক অস্তে জলযোগ করিতে লাগিলেন ও সেই সময় ভৃত্যকে কহিলেন—“আরে ছন্নভ”—  
“তৈজস ও বস্ত্রগুলিন সাবধানে রাখ—যা ঘরে যায় সেই লাভ”।  
ব্রাহ্মণী পথ পানে চেয়ে আছে। ছন্নভ কহিল “যে আঞ্জে,—তা আমি বেশ জানি”। “গোস্বামীদের ঘেরেরা তাতে বেশ পটু”।  
“ছেঁড়া কানি থানি—তাও ছাড়ে নু না”। আদিমাধব ঈষৎ হাসিয়া কহিলেন “তুই তোন্”। প্রাচীন ছন্নভ বকিতে বকিতে প্রাপ্ত সম্পত্তি পেটিকার মধ্যে রাখিতে লাগিল। গোস্বামী তখন চাঞ্চল্য দূর করিয়া পান খাইতে বসিলেন।

### তৃতীয় অধ্যায়।

“সরো”—ও গঙ্গাধর গেজেটের মন্ত্রণা।

গ্রামের মধ্যে সামান্যরূপ ক্রিয়াবান্ সদগোপ জাতীয় কএক ঘর লোক বাস করিত। তন্মধ্যে শম্ভুস্বর প্রধান। ভূম্যধিকারীর পুষ্পোদ্যানের ঈশান কোণে উক্ত শম্ভুস্বরের বাটী ছিল। শম্ভু নিতান্ত নিঃস্ব ও কৃষিজীবী ছিল না;—বরং দোল হুগোৎসব ও পিতৃ মাতৃর শ্রাদ্ধ ও আর আর ক্রিয়া কলাপ করিত। তাহাতে শম্ভুকে ভদ্র সমাজে ভদ্র লোকের

মধ্যে গণনা করিত। শারদীয়াপূজাকালে ব্রাহ্মণ সজ্জনেরা শম্ভুর নিমন্ত্রণ গ্রহণ করিতেন। শম্ভুর দুই পুত্র ও দুই কন্যা ছিল। জ্যেষ্ঠ গুরুদাস—কনিষ্ঠ অবিনাশ। বড় কন্যা লক্ষ্মীমণি বৈধব্যাবস্থা হইতে পিতৃগৃহে বাস করিতেছিল। কনিষ্ঠা কুমুদিনী কখন কখন পিতৃ গৃহে আসিয়া যৎকিঞ্চিৎ দিন থাকিয়া শম্ভুরালয়ে পুনর্গমন করিত। কুমুদিনী তরুণযৌবনা ও সুরূপা ছিল, এবং বালিকা বিদ্যালয়ে কিঞ্চিৎ পাঠাভ্যাসও করিয়াছিল।

বার্দ্ধক্য হেতু শম্ভু স্বয়ং কৃষি কার্যের তত্ত্বাবধারণ করিতে পারিত না। জ্যেষ্ঠ পুত্র প্রতিদিন মাঠে গিয়া কৃষাগদিগের কার্য দেখিত, ও যখন যাহা রোপণ ও বপন করিতে হইত গুরুদাস তাহা উপযুক্ত-কালেই আরম্ভ ও সমাধা করিত; ও অনবধানতা হেতু কৃষিকার্যের কোন বিঘ্ন হইত না। গুরুদাস যৎস্বল্প লেখা পড়া জানিত। বাল্যকালে গুরুমহাশয়ের নিকট “গুরু দক্ষিণা” ও “দাতাকর্ণাদি” পাঠ করিয়া স্বনাম স্বাক্ষর মাত্র করিতে পারিত। ফলতঃ কৃষাগের বিদ্যা প্রায় স্বল্পানু হইয়া থাকে। গুরুদাস অনতিবিলম্বে তাহা বিস্মৃত হইয়া যে কৃষাগ সেই কৃষাগ হইয়াছিল। গুরুদাসের কনিষ্ঠ ভ্রাতা অবিনাশ রীতিমত ইংরাজী বাঙ্গালা উভয় বিদ্যাভ্যাস করিয়া গ্রামস্থ প্রাপ্ত-আত্মকূল্য পাঠশালার শিক্ষকতা পদে নিযুক্ত হইয়াছিল। অবিনাশ ইংরাজী কোমল সাধুভাষা বুদ্ধিতে পারিত। তাহার কিঞ্চিৎ জ্ঞানবল ও ছিল, ও স্বজাতিসিদ্ধ সাধুস ও স্থূল বুদ্ধি ছিল না। উভয় ভ্রাতারই বিবাহ হইয়াছিল,—ও বধুরা স্বামীগৃহে বাস করিত। কাহারও সন্তান সম্বতি হয় নাই। স্বরের কেবল এক দৌহিত্রী ছিল। সে লক্ষ্মীমণির অনুরূপা কন্যা—ফলতঃ বিবাহ্য হইয়াছিল। তাহার সম্বন্ধ আসিতেছিল;—

কোথাও স্থির হয় নাই। শব্দ “ভবিতব্য মূল” বলিয়া বসিয়া ছিল।

আমরা পূর্বে উল্লেখ করিয়াছি যে ভূম্যধিকারীর বাটীতে সরস্বতী নামে একজন পরিচারিকা ছিল। সে উক্ত গঙ্গাধর গেজেটের জ্ঞাতিকন্যা ও শব্দস্বরের হুহিতা লক্ষ্মীমণির সপত্নী। তাহাকে সর্বদা সকলে “সরো ভাণ্ডারনী” বলিয়া ডাকিত। স্বামীবিয়োগ হইলে লক্ষ্মীমণি সপরিবার পিতৃগৃহে আইল। সরো ভরণপোষণের উপায়ান্তর না দেখিয়া গঙ্গাধর গেজেটের মধ্যবর্তিতায় ভূম্যধিকারীর বাটীতে পরিচারিকা হইল। সরস্বতী স্বভাবতঃ গর্ভিতা; ও এরূপ হুর্ভাগ্যেও তাহার খর্বতা হয় নাই। সরো আজন্ম কুটিলস্বভাব হেতু কখন কাহারো প্রিয় হইতে পারে নাই। এবং সপত্নীসম্বন্ধ হেতু লক্ষ্মীর সহিত তাহার ঘোর বহিরঙ্গতা ছিল। সরস্বতী যাহাকে ভাল বাসিত লক্ষ্মী তাহাকে চাহিত না। ও লক্ষ্মী যাহাকে প্রেম হইত সরস্বতী সে গ্রাম দিয়া যাইত না। কিন্তু সর্বনিয়ন্তা ভগবান তাহাদের এতদ্রূপ অহিনকুলতা আর দেখিতে না পারিয়া স্বামীকে অচিরে ডাকিয়া সপত্নীদিগের পার্থক্য সাধন করিলেন। পাঠক মহাশয়রা অবশ্যই বিদিত থাকিবেন, যে এতদ্দেশে এই প্রবাদ আছে যে স্বামীর বিয়োগ হইলেই সপত্নীদের মধ্যে সন্ধি হইয়া থাকে। কিন্তু হুর্ভাগ্যক্রমে আমাদের লক্ষ্মী ও সরস্বতীতে এতদ্রূপ সামঞ্জস্য ঘটে নাই। সরোর দ্বৈজনিত ছরাশার বার্তা আমরা পশ্চাতে প্রকাশ করিব।

পরদিন রাত্রি প্রায় দেড় প্রহর গত হইলে গঙ্গাধর গেজেট কাছারী হইতে বাটী আসিয়া আহাৰ করিয়া বসিয়া আছে,—এমত-

কালে অতি মৃদুস্বরে বাহিরে “বিশ্বেস্ মশাই”—“বিশ্বেস্ মশাই”— বলিয়া কে ডাকিল। গেজেট মনে করিল কোন স্ত্রীলোকের গলা হইবে। ও ভিতর হইতে জিজ্ঞাসিল—“কে গো?” “আমি যে হই তার প্রয়োজন নাই—সরস্বতী তোমাকে ডাক্চে”। “কেন?” “তাজানিনে”। গেজেট কবাট মুক্ত করিয়া দেখে যে বাহিরে কেহ নাই। ও তাহাতে চমৎকৃত হইয়া এই বিবেচনা করিল, যে কোন অপদেব বা অপদেবী হইলেও হইতে পারে। “যাহা হউক সরস্বতীর নাম ধরে যখন ডাক্চে, তখন আমার যাওয়াই আবশ্যিক”। ইহা কহিয়া গেজেট চাদর ও ছড়ী লইল—ও চাদর মাথায় বান্ধিয়া ছড়ী হাতে প্রস্থান করিল। পথে কাহাকেও দেখিল না;—তাহাতে ভয়ে গেজেটের শরীর রোমাঞ্চ হইল।

ও দিকে সরস্বতী ছল ক্রমে ভূম্যধিকারীর বাটী হইতে বিদায় লইয়া আপন পিতৃস্বামীর বাটীতে আসিল। তাহার পিসী সে রাত্রি স্থানান্তরে ছিল। সরো কবাট রুদ্ধ করিয়া নিভূতে বসিয়া আছে। বাটীতে আর জনমানব নাই। সম্মুখে একটা প্রদীপ জ্বলিতেছে। আলোর প্রভা নাই। সরো সান্ন্যাসরহিত। একাকিনী নির্জনে বসিয়া গালে হাত দিয়া ভাবিতেছে ও মৃদুস্বরে কহিতেছে—“গেজেটকে ডাকিয়াছি—অবশ্য আসিবেক। সতিনের জ্বালা আর সঙ্ক হয় না!—লোকে বলে স্বামী মরিলে দুই সতিনে ভাব হয়;—কিন্তু আমার এমনি কপাল যে স্বামী নাই তবু সতিনের কাঁটা। কুমুদ রাত্রি দিন গোলাপকুমারীর কাণ ভারি করিতেছে;—গোলাপের কটু কথা আমার কালকূট্ জ্ঞান হয়। রাজাবাবুর বাটীতে আর আমার তিষ্ঠান ভার!—মোটা ভাত মোটা কাপড়ের অভাব কি?—জাত কুটুমের বাড়ী গেলেও তারা অযত্ন করিবে না”। সরো এইরূপ হুশ্চিন্তা করিতেছে, এমতকালে গেজেট

আসিয়া কবাটে যা মারিল। সরো আস্তে ব্যস্তে উঠিয়া কবাট মুক্ত করিল, ও গেজেটকে দেখিয়া একাকিনী সরোর ভরসা হইল। গেজেট কহিল “কি গো বাছা”—“কথা কি?” সরো কহিল—“লক্ষ্মী আমাকে গ্রামে থাকতে দেবে না।—সে বলে যে ছুটু সরস্বতীকে দাগু দিয়ে গ্রাম হইতে দূর করে দেবে। এ ভয়ানক কথা!—আমি পুকুরঘাটে আজ একথা শুন্লেম। আর কুমুদতো গোলাপের কাছে লেগেই আছে—চিটিতো আসচেই। তুমি এর যা হয় কর।” ইহা কহিয়া সরো-নয়নাশু পাত করিলে, গেজেট তাহা দেখিয়া ছুঃখিত হইয়া কহিল “ও কাষের কথা নয়। সতিনে সতিনে এমনকবলা কওয়া হয়ে থাকে।” সরো কহিল—“আপনি তাচ্ছল্য করবেন না।—লক্ষ্মীর অসাধ্য কর্ম নাই। কুমুদ তো মিছরির ছুরি। যদি তুমি এর প্রতিকার না কর তবে আমার দেশত্যাগী হওয়াই ভাল।” গেজেট অতঃপর ভাবিতে ভাবিতে কহিল “কি করিব বল?” সরো কহিল—“যাহাতে সুরের সঙ্গে রাজা বাবুর বিরোধ হয়, তুমি তার উপায় কর। তা হ’লে কুমুদে ও গোলাপে তেমন ভাব থাকবে না; ও সুরের অনিষ্ট হ’লেই লক্ষ্মী কষ্ট পাবে। তার পর লক্ষ্মীর মেয়ের বিয়ের সম্বন্ধ স্থির হ’লে তার অপবাদ দাও যে বিয়ে না হ’তে পায়। আর ছোট ছুঁড়ী যদি রাঁড় হয়, তবে আমার মনের ছুঃখ যায়।” গেজেট হাসিয়া কহিল “সে ঈশ্বরের হাত।” সরো কহিল “আমাদের হাত নয় কেন?—গুণ করলে কি না হয়?” গেজেট সে কথার কোন উত্তর না দিয়া মৌন রহিল—ও সরোকে কহিল “আমি আজ চলেম, তুমি যে যে কথা বললে তা আমার মনে রইলো;—আচ্ছা যাতে ভাল হয় তাই হ’বে। আমি এখন আসি।” ইহা কহিয়া গেজেট গাত্রোথান করিল। তাহার পর স্মরণ হইল যে

গোঁস্বামী গ্রামে আসিয়াছেন; ও সরোকে সেই কথা কহিল। সরো কহিল—“তা আমি শুনিচি। তুমি গোঁস্বামীকে জিজ্ঞাসা করবে যে মন্ত্রের ভাল দিন কবে। আমি মন্ত্র নেবো আর রামকবচ ধারণ করবো;—আমার চারিদিকে শত্রু!” গেজেট কহিল “তা হ’বে—আমি এখন আসি।” ইহা কহিয়া গেজেট প্রস্থান করিল। ও সরো এইরূপ ছুষ্টি-স্তায় ও অনিদ্রায় রাত্রি প্রভাত করিল। পর দিন প্রাতে সরো প্রাতঃ-স্নান করিয়া রাজাবাবুর বাটাতে প্রবেশ করিল।

সরো ও গেজেটের মধ্যে এইরূপ মন্ত্রণা হইলে, তাহার দুই দিন পরে গেজেট মনে মনে স্থির করিল যে “রাজা বাবু ও শম্ভুসুরে যাহাতে কলহ হয়, আমি প্রথমেই তাহার উপায় করিব। এবং তাতেই শম্ভু উৎপাতে পড়বে।” এইরূপ মনে মনে স্থির করিয়া আছে, তাহার পর এক দিন সায়ংকালে রাজাবাবু পুষ্পোদ্যানে ভ্রমণ করিতেছিলেন। সঙ্গে গঙ্গাধর গেজেট। এবং আরও কএক জন গ্রামস্থ লোক ও অধ্যাপক ভট্টাচার্য্য ও আমলা ছিল। গেজেট জল “উঁচু নীচু” বলিয়া রাজাবাবুর মন রক্ষা করিতেছে। রায় মহাশয় রাজাবাবুর পশ্চাতে। যে হেতুক তিনি রাজাবাবুর তাদৃশ প্রিয় ছিলেন না। ইতস্ততো বেড়াইতে বেড়াইতে রাজাবাবু জিজ্ঞাসা করিলেন “আজ কি তিথি?” ভট্টাচার্য্যের আস্তে ব্যস্তে কহিলেন “ধর্ম্মাবতার, অদ্য ত্রয়োদশী—ও শাস্ত্রমতে সর্ব্ব সিদ্ধ।” কিন্তু রাজাবাবুর প্রশ্নের আভাস তৎকালীন কেহই বুঝিতে পারিল না। কিঞ্চিৎক্ষণ পরে রাজাবাবু অঙ্গুলী বাড়াইয়া দেখাইলেন—“ও তুমি টুকি কার?” রাজাবাবুর পুষ্পোদ্যানের পার্শ্বে শম্ভুসুরের এক খানি ইক্ষুর ভূমি ছিল। তাহাতে যথেষ্ট ইক্ষু জন্মিত এবং কখন কখন তুৎ ও হইত। তুমি টুকি অত্যন্ত উর্ব্বরা; ও তাহাতে শম্ভুসুরের

বৎসর বৎসর দশ টাকা বিলক্ষণ লাভ হইত। গেজেট দেখিল যে রাজাবাবু ঐ ভূমী লক্ষ করিয়াছেন, ও অগ্রসর হইয়া কহিল “জমী খানি শস্তু সুরের”। ও মনে মনে কহিতে লাগিল, এই “বেশ সুযোগ হয়েছে!”— তাহার পর কহিল—“ধর্ম্মাবতার, ভূমীখানি প্রায় দ্বাদশ মন্দিরের সংলগ্ন। ও খানে উত্তম নাচঘর হ’তে পারে”। রাজাবাবু জিজ্ঞাসিলেন “বটে?” গেজেট কহিল, “আজ্ঞে হাঁ”। রাজাবাবু কহিলেন “ভূমী টুকু পাওয়া যায়?” গেজেট কহিল “তার আটক কি। আপনি ধরাপতি। আপনকার রাজ্য। ইচ্ছা হয় লউন। আমি শস্তু সুরকে কহিব”। তাহার পর সূর্যাস্ত হইল; ও সে দিন তৎসম্বন্ধে আর কোন কার্য হইল না। রাজাবাবু অন্তঃপুরে প্রবেশ করিলেন, ও পারিষদেরা যে যাহার ঘরে গেল।

পরদিন প্রাতে রাজাবাবু কাছারিতে বসিয়া কহিলেন—“এমারত-সরকারকে ডাক”। আজ্ঞা মতে এমারত-সরকার আসিয়া সম্মুখে দাঁড়াইল, ও সেলাম করিয়া জিজ্ঞাসিল “কি হুকুম?” রাজাবাবু কহিলেন “সুরের জমী জরিপ করিয়া নক্সা কর,—দেখিব”। সরকার “যে আজ্ঞা” বলিয়া প্রস্থান করিল। মুহর্ত্তেকে ফিরিয়া আসিয়া জিজ্ঞাসিল যে সীমা কে চিহ্নিত করিবে। রাজাবাবু গেজেটের মুখ পানে চাহিয়া হাস্য করিলেন। ও সরকারকে কহিলেন “ভূমি যাও, লোক যাচ্ছে”। গেজেট মর্শ্ব বুঝিয়া মনে মনে পুলকিত হইল ও রাজাবাবুকে মৌখিক সবিনয়ে কহিল—“ধর্ম্মাবতার, অন্য কেহ যাউক, এ আমার কর্শ্ব নয়। শস্তু সুরের কন্যা লক্ষ্মী অত্যন্ত প্রবলা। আমাকে শাঁপ দিবেক। একেতো এ জন্মে এই হচ্ছে, তার পর আরজন্ম আর কেন খাই। শস্তু শুনিলে আমারে নিমন্ত্রণ বারণ করিবে, ও সৎসরের পিঠা পুলির প্রত্যাশা একেবারে যাইবেক”। রাজাবাবু হাসিয়া কহিলেন “এ তোমারি

কর্শ্ব—ভূমিই যাও”। গেজেট অতঃপর হাসিতে হাসিতে “যে আজ্ঞে” বলিয়া প্রস্থান করিল;—ও সরকারী আমীনের পশ্চাতে পশ্চাতে দৌড়িল। আছন্দে পুলকিত। গেজেটের চিহ্নিত মতে আমীন পরিমাপ করিতে আরম্ভ করিলে, শস্তু সুরের জ্যেষ্ঠ পুত্র গুরুদাস উর্দ্ধ্বাসে দৌড়িয়া আইল। গেজেটকে দেখিয়া কহিল “খুড়ো, তোমার এই কর্শ্ব!” আমীন জিজ্ঞাসিল “হাঁ গো, আপনি গুরুদাসের কেমন খুড়ো?” গেজেট আমীনের কাণে কাণে কহিল—“হরির খুড়ো”। আমীন মুসলমান। কথিত সম্পর্কের মর্শ্ব বুঝিল না। ও গেজেটকে কহিল যে “হেন্দুদের মধ্যে মিল নাই”। “কি ভাজ্জব!” গেজেট গুরুদাসের কাণে কাণে কি কহিয়া আপাততঃ তাহাকে ক্ষান্ত করিল। তাহার পর আমীন পরিমাপ সমাধা করিয়া নক্সা টানিয়া রাজাবাবুকে দিল। রাজাবাবু তাহা আপন নিকট রাখিলেন। তাহার পর গুরুদাস মাঠে হইতে ঘরে গিয়া গঙ্গাধর গেজেটের ঐ কর্শ্ব আপন পিতাকে কহিল। শস্তু কহিল—“আগে গেজেটের নিকট এর বিবরণ জানি, তার পর কথা হ’বে”।

## চতুর্থ অধ্যায়।

শস্তু সুরের বাটীর স্বভাস্ত ও ভূমিঘটিত পরামর্শ।

রাজা বাবু পুষ্পোদ্যান পরিসর করণাশয়ে শস্তু সুরের সংলগ্ন ভূমী পরিমাপ করাইলেন। সেই দিন অপরাহ্নে সেই কথা বড় মহাশয় ও রাজাবাবুর মাতার কর্ণগোচর হইল। দেওয়ানজী তদ্বিষয়ে বহি

বাদানুবাদ করিয়া নব্য ভূম্যধিকারীকে বুঝাইলেন যে প্রজার মালের জমী আপনকার জমীদারীর অন্তর্গত হইলেও তাহা ওরূপে লওয়া বৈধ হইবে না। তবে মূল্য দিয়া লওনের কোন বাধানাই। কিন্তু প্রজারা এরূপ শস্যশালিনী উর্ধ্বর ভূমী প্রায় পরিত্যাগ করে না। বিশেষতঃ শম্ভুসুর নিঃস্ব নহে। দেওয়ানজীর আপত্তি বৈধ বুঝিয়া রাজা বাবু মৌন রহিলেন। এই সময় গঙ্গাধর গেজেট্ অগ্রসর হইয়া কহিল—“আমার নিবেদন আছে”। গঙ্গাধরের আইনজ্ঞতারো কিঞ্চিৎ অভিমান ছিল। রাজাবাবু কহিলেন “কি?” গঙ্গাধর গেজেট্ উত্তর করিল—“হালে ৭০ সালে দশম আইন হইয়াছে, অবশ্যই লওয়া যাইতে পারে;—হয় না হয় দেওয়ানজীকে জিজ্ঞাসা করুন”। গঙ্গাধরের কথা শুনিয়া রাজাবাবু বহুদর্শী প্রাচীন দেওয়ানের প্রতি দৃষ্টি করিলেন। যে হেতু রাজাবাবু বিলক্ষণ জানিতেন যে গঙ্গাধর এক প্রকার বুদ্ধিহীন বাচাল লোক। বড় মহাশয় ভূম্যধিকারীর ইঙ্গিতের অভিপ্রায় বুঝিয়া সন্ত্রম পূর্বক কহিলেন—“ধর্ম্মাবতার, সে আইন রাজ্যাধিপতি রাজার প্রতি বর্তে,—অর্থাৎ রাজপ্রয়োজন হইলে উক্ত আইনের ব্যবস্থামতে রাজা মূল্য দিয়া ভূমী লইতে পাবেন। ভূম্যধিকারীর প্রতি সে আইনে কোন ক্ষমতা প্রদত্ত হয় নাই”। দেওয়ান মহাশয়ের সছুত্তরে গেজেট্ অপ্রতিভ হইল। ও রাজাবাবু প্রবোধ পাইয়া কহিলেন “যেমত হয় পরে বিবেচনা করা যাবে—আজ অনেক রাত্ হইয়াছে”। ইহা কহিয়া রাজাবাবু অন্তঃপুরে প্রবেশ করিলেন। তাহার পর মালখানা রুদ্ধ হইল। দেওয়ান গৃহে গমন করিলেন। আম্লাগণ স্ব স্ব স্থানে প্রস্থান করিল। গঙ্গাধর আপনাকে হতসম্মান জ্ঞান করিয়া “এত বড় সংসাবে একটা লোক আইন জানে না” ইত্যাদি রূপ বকিতে বকিতে

সিংহদ্বার ছাড়াইল। পরদিন সূর্যোদয়ের প্রাক্কালে গঙ্গাধর শ্বেত-বাহিনীর পবিত্র বারিতে প্রাতঃস্নান করিয়া শম্ভুসুরের পুরদ্বারে ঘা মারিয়া ডাকিয়া কহিল, “শম্ভু দাদা দ্বার খোল গো,—কথা আছে”। শম্ভুসুর ভিতর প্রবেশ করিতে সায়া দিয়া কহিল—“কেও ডাকে গো,—ভায়া না কি?” গঙ্গাধর কহিল “আমি গো”। শম্ভুসুর কথার স্বরে নিশ্চয় বুঝিল গঙ্গাধর গেজেট্ বটে। শম্ভু অতিপ্রভূষে উঠিয়া পাট কাটিতে ছিল। গৃহিণী ও জ্যেষ্ঠা কন্যা ও বড় বধু বাটার মধ্যে ক্ষেত্রোৎপন্ন ধান্য সিদ্ধ করিতেছিল। রাখাল গরুর পাল লইয়া মাঠে যাইবার উদ্যোগ করিতেছিল। শম্ভু পুনর্বার ডাক দিয়া কহিল “দাঁড়াও গো ভায়া—খুল্টি”। ইহা কহিয়া মনে মনে চিন্তা করিতে লাগিল, যে “গেজেট্ এত সকাল কেন আইল—বোধ করি সেই কথার জন্মই হ’বে, অথবা অন্য কোন সমাচার থাকবে”। ইহা ভাবিতে ভাবিতে দ্বার খুলিয়া দিয়া দেখিল যে গঙ্গাধর গেজেট্ বটে। গঙ্গাধরকে দেখিয়া শম্ভু হাসিয়া কহিল “তবে ভায়া এত সকালে যে? কি মনে করে?” গঙ্গাধর কহিল “বল্টি চল”। ইহা কহিয়া উভয়ে সুরের চণ্ডীমণ্ডপে গিয়া সপের উপর বসিল। গঙ্গাধর ইতস্ততঃ নিরীক্ষণ করিয়া সুরের পাট কাটার সজ্জা দেখিয়া কহিল, “দাদা একি? পাট কাট নাকি?—এখন আর তোমার পাট কাটা ভাল দেখায় না। ঈশ্বরেচ্ছায় তুমি ভাগ্যবান লোক;—পুত্র স্কুলমাষ্টার, কনিষ্ঠ জামাতা ইন্স্পেক্টর,—তোমার অন্ন খায় কে”। কন্যা দুটা সুরশীলা—লক্ষ্মী তো লক্ষ্মী। কুমুদের কথা কি ক’ব—আমাদের জেতের মধ্যে এমন মেয়ে দেখা যায় না!” শম্ভু গঙ্গাধরের স্তুতিবাদ শুনিয়া ঈষৎ হাসিয়া কহিল—“আরে ভাই এ সমস্ত পরিশ্রম আমাদের জেতের ধর্ম্ম, তা’তে

আমাদের নিন্দে নেই। তুমি যেন আজ দুদিন জমিদারী কাছারিতে কর্ম কোচো,—কিন্তু তোমার বাপ্ শিতামহ এই কাজ করে গেছেন। ক্ষেতে পাট থাকতে কেন দড়ি কিনবো?” শম্ভুর অললিত অথচ সত্য কথা শুনিয়া গঙ্গাধর কিঞ্চিৎ বিমর্ষ হইল, ও সুরকে ঈষদ্বিত্তি করিয়া কহিল, “তা বটে—তা বটে;—তথাপি যখন যেমন তখন তেমন”। ইহা কহিয়া গঙ্গাধর সত্বরে বাটার ভিতরথণ্ডে প্রবেশ করিয়া দেখিল সুরের গৃহিণী ও জ্যেষ্ঠা কন্যা ধান সিদ্ধ করিতেছে, ও তাহার বড় বধু ঐ সিদ্ধ ধান্য বিছাইয়া শুষ্ক করিতেছে। গঙ্গাধর ডাক দিয়া কহিল, “কি গো লক্ষ্মীর মা কেমন আছ?” গৃহিণী মুখ তুলিয়া দেখেন যে গঙ্গাধর। এবং ঈষদ্বাস্য করিয়া কহিল “সব ভাল?—তোমার সব ভাল তো গা? এত দিনের পর আমাদের মনে পড়েচে?” ইহা কহিয়া সুরের বনিতা গঙ্গাধরকে একখানি কাষ্ঠাসন অর্থাৎ পিড়া আনিয়া দিল। সুরের জ্যেষ্ঠপুত্রবধু গঙ্গাধরকে দেখিয়া অবগুপ্তিকা টানিয়া দিয়া বসিল। কারণ গঙ্গাধর তাহার সম্পর্কে খুড়খণ্ডর হইত। সুরের জ্যেষ্ঠপুত্রবধুর মৃতবৎসা দোষ ছিল। গঙ্গাধর তহুপলক্ষে জিজ্ঞাসা করিল, “হাঁ গো—বড় বউমার সন্তান সন্ততি রক্ষা হয় না—কি কচো?” গৃহিণী কহিল, যে “কতক কতক দৈব কর্ম করা গেছে ও কবচ ধারণ হয়েছে। তারপর ওর কপাল! সম্প্রতি লক্ষ্মীর কন্যার সম্বন্ধ স্থির না হওয়ায় আমরা বড় উৎকণ্ঠিত আছি।—তার বয়েস্ প্রায় এগার বার বচর্ হোলো, তায় আবার বাড়ন্ত গড়ন। আমি মেয়ে মাল্লষ আমার সাধ্য কি তা বল? আর এখনকার সময় এমনি পড়েছে, যে যথাসর্ব্ব্ব না দিলে মেয়ে পার করা ভার। কায়েৎবামণের ঘরে যে রূপ, আমাদেরো সেই রূপ হয়ে উটেচে। লক্ষ্মীর যা কিছু আছে তা

তোমাদেরতো অবিদিত নেই”। গঙ্গাধরের সহিত গৃহিণীর এই রূপ কথোপকথন হইতেছিল, এমতকালে সুরের কনিষ্ঠা কন্যা কুমুদিনী আসিয়া গঙ্গাধরকে প্রণাম করিল। গঙ্গাধর কুমুদকে ঈষদ্বিত্তি করিয়া কহিল, “কি গো মা—ভাল আচ তো? এবার অনেকদিনের পর আসা হয়েছে”। স্বভাবতঃ স্মশীলা কুমুদিনী গঙ্গাধরের কোন কথার উত্তর দিল না। ও পলার্ক কালের জন্য গঙ্গাধরকে অপাঙ্গে দৃষ্টি করিয়া কিয়-দূরে গিয়া বসিল। কুমুদিনীর মনোহর রূপলাবণ্য দেখিয়া গঙ্গাধর মনে মনে কহিতে লাগিল,—“আহা—যেন ভদ্রঘরের মেয়ে—কি স্ত্রী!” ইহা মনে করিয়া গৃহিণীকে পুনঃ সম্বোধনপূর্ব্বক কহিল, “দেখ লক্ষ্মীর মা, তোমার কুমুদিনী ও রাজাবাবুর কনিষ্ঠা ভগ্নী গোলাপকুমারীতে হুজনে এক প্রাণ। তবে গোলাপ বড় ঘরের মেয়ে—হীরামতি-জড়িত। বিচিত্রাভরণে তাহার আরো অঙ্গসৌষ্ঠব করেছে। শুনেছি নাকি গোলাপকুমারী তোমার কুমুদকে অত্যন্ত ভালবাসে;—হুজনে বহুদিন বিদ্যাভ্যাস করাতে আন্তরিক হৃদয়তা জন্মেছে”। গৃহিণী কহিল “আশীর্বাদ কর বেঁচে থাকুক”। গঙ্গাধর ভিতর প্রকোষ্ঠে কথোপকথন করিতেছিল, শম্ভু তাহার আমার বিলম্ব দেখিয়া পাট কাটিতে আরম্ভ করিল। কৃষ্ণাণেরা বলদ লইয়া মাঠে গেল। শম্ভুর জ্যেষ্ঠ পুত্র একটা ছোট হাঁকা হাতে করিয়া তামাক টানিতে টানিতে কৃষ্ণাণদের অনুগামী হইল। এমত সময় গঙ্গাধর গেজেট্ লক্ষ্মীর মাকে ডাকিয়া কহিল, “ও গো—আমি এখন চলেম—বেলা হয়। শম্ভু দাদার সঙ্গে কথা আছে”। গৃহিণী কহিল, “যাবে কেন গো?—আজ এখানে স্নান ভোজন কর”। গেজেট্ উত্তর করিল, “সে তো ঘরের কতা—খেলিই হোণো—মাজ্ থাকুক—পিটে সংক্রান্তির দিন এসে আহার



কোব্বো,—আর সে তো হাতে হাতে”। ইহা কহিয়া গঙ্গাধর বাহির-বাটীতে গেল। শত্ৰুস্বরের আহারব্যবহার এক প্রকার ভালই ছিল। ইহা আমরা পূর্বে প্রকাশ করিয়াছি। শত্ৰু মাকরী সংক্রান্তি দিবসে জাতিগোত্র ও কুটুম্বগণকে নিমন্ত্রণ করিয়া বহু উপচারে পায়স পিষ্টক ভোজন করাইতেন; ও তদুপলক্ষে গ্রামস্থ অনাহত অনেক ইতর লোকও পাত পাড়িয়া বসিয়া যাইত। গঙ্গাধর উক্ত নিয়মিত ভোজের প্রতি লক্ষ করিয়া উক্ত সংক্রান্তি দিনে ভোজন করণের অভিপ্রায় প্রকাশ করিল। গঙ্গাধর গেজেট স্বজাতির “বিশ্বাস”; সূতরাং কুলীন-সম্প্রদায়-ভুক্ত ছিল। গৃহিণীর তাঁহাকে এতাদৃশ যত্ন করণের এই যৎকিঞ্চিৎ কারণ ছিল। গঙ্গাধর বাহির বাটীতে আসিয়া দেখিল, যে শত্ৰু পাট কাটিতেছে; ও নিকটে বসিয়া কহিল, “দাদা, যে কথার জন্যে আসা, তা বল্চি। রাজাবাবুর ফুল-বাগানের পাশে তোমার যে ইক্ষুর ও তুঁতের ভূমি আছে, রাজাবাবু তোমার সে ভূমি টুকু নিতে চান। আমি বলেচি যে শত্ৰু দাদার এই ভূমি খানি উৎকৃষ্ট ও উর্বরা;—শত্ৰু যে তাহা ত্যাগ করে, এমত বোধ হয় না। তবু আমি তাঁকে অনেক বল্লম, কিন্তু কিছুতেই তাঁর মন ফিরুলোনা”। রাজাবাবুর নিকট গঙ্গাধর গেজেট এই ভূমি সম্বন্ধে প্রথমতঃ যাহা কহিয়াছিল তাহা পাঠকদিগের স্মরণ থাকিবে। গঙ্গাধর “বরের বরের মাসী, কন্যার বরের পিসী”—“যে দিকে জল পড়ে সেই দিকে ছাতি ধরে”। এই কথা শুনিয়া শত্ৰুর মাথায় যেন আকাশ তালিয়া পড়িল! শত্ৰু কহিল, “বল কি?” গঙ্গাধর কহিল, “এই বাস্তব, কোন উপায় থাকে কর। কিন্তু শুনেচি যে বড় মহাশয় রাজাবাবুর এই প্রস্তাবে বিরুদ্ধ মত দিয়াছেন। এবং কর্তী ঠাকুরাণীও এতে মত

দেন নাই।—ইহাও আমার জানা আছে;—এই তোমার পক্ষে সুবিধা। কিন্তু রাজাবাবু স্থিরপ্রতিজ্ঞ,—তাঁহার মতে সম্মত না হওয়া সর্বনাশের সোপান”। এই বলিয়া গঙ্গাধর একেবারে গাজোখান করিল; ও বিদায় হুগুন কালে কহিল—“যেমত হয় পশ্চাৎ বলবো। আমি এখন চল্লেম—বেলা হয়”। শত্ৰুস্বর চিন্তিত হইয়া বাটীর ভিতর প্রবেশ করিল, ও গৃহিণীকে সমস্ত কহিল। তাহা শুনিয়া সপরিবারে বিষণ্ণ হইল; এবং অবশেষে এই স্থির হইল যে সাধ্য মতে ঐ ভূমি ত্যাগ করা নয়—তাহাতে যাহাই হউক। গৃহিণী কহিল যে “জলের মধ্যে ঘর করে কুমীরের সঙ্গে বাদ্ করা বড় বিষম;—বরং যাঁতে রাজাবাবুর মন ফেরে, এখন তারি চেষ্টা করা উচিত”। প্রাচীন গৃহিণী বুদ্ধিমতি ছিল; শেষে এই উপায় অবলম্বন করিতে কহিল, যে কুমুদিনী গিয়া গোলাপকুমারীকে অনুরোধ করুক। তাহাতে যদি গোলাপকুমারীর মনোযোগ হয়, তা হলে সুবিধা হবে ও আর কোন ভয় থাকবে না। গোলাপ কুমুদকে অত্যন্ত ভাল বাসে,—তাহার কথা অবশ্য রাখবে। আর গোলাপ তাহার মায়ের অতিশয় প্রিয়। এই প্রকার কথোপকথন ও ভাবনা চিন্তায় প্রায় দুই প্রহর বেলা হইয়া উঠিল, ও পল্লীগ্রামের লোকের স্নান-ভোজনের সময় হইয়া আইল। স্বরের জ্যেষ্ঠ পুত্র কৃষিকার্যের তত্ত্বাবধারণ করিয়া গৃহে ফিরিয়া আইল। লক্ষ্মী তাহা দেখিয়া রন্ধনার্থে পাকশালায় গমন করিল। কুমুদিনী মাতাকে ডাকিয়া কহিল—“মা, স্নানে যাও—বেলা হয়েছে”। ইহা কহিয়া অনতিবিলম্বে একটা ছোট কাংস্যবাটীতে করিয়া কিঞ্চিৎ সর্ষপতৈল আনিয়া দিল। জ্যেষ্ঠা বধু—সে তৈল মাখে না। আধুনিক প্রথামতে জ্যেষ্ঠা বধু কিঞ্চিৎ নারিকেল তৈল মাখিয়া শাশুড়ীবধু স্নান করিতে শ্বেতবাহিনীর ঘাটে গমন

করিল। বৃদ্ধ সুর পুনর্ব্বার পাট কাটিতে আরম্ভ করিল। বাটীতে একটা মাত্র দাসী। সে আপন প্রাতঃকৃত্য সমাধা করিয়া চেকিশালায় ধান্য কুটিতে ছিল।

লক্ষ্মীমণি মধ্যে মধ্যে পাকশালা হইতে উঠিয়া তথ্য লইতে ছিল। কুমুদিনী ও কনিষ্ঠা বধু অগ্রেই খিড়কীর পুষ্করিণীতে স্নান করিয়াছিল।— তাহার বাহিরে যাইত না। কারণ উভয়েই তরুণযৌবনা। তবে যোগে যোগে প্রাচীনাজীলোকদিগের সহিত গিয়া কখন কখন নদীতে স্নান করিয়া আইসে,—ইহাতে নিষেধ নাই। তাহার পর কুমুদিনী উঠিয়া বাহির বাটীর দ্বারের অন্তরালে দাড়াইয়া দেখিল, যে পিতা তখনও পাট কাটিতেছেন। কুমুদিনীর অচলা পিতৃ-ভক্তি। পিতার মুখ দেখিয়া মুহূৰ্ত্তে জিজ্ঞাসা করিল—“বাবা স্নান করবে না?—বেলা যে অনেক হয়েছে।” সুর কহিল “মাই মা—এই হোলো।” ও বাহিরে আসিয়া দিবাকর প্রদেশে উর্দ্ধ দৃষ্টি করিয়া দেখিল, যে বেলা দুই প্রহর অতীত হইয়াছে। তখন পাট কাটা স্থগিত রাখিয়া কুমুদকে কহিল, “কুমুদ, একটুকু তেল এনে দাও—একটা ডুবু দিয়ে আসি।” কুমুদিনী এক খানি ক্ষুদ্র খুরীতে করিয়া কিঞ্চিৎ তৈল আনিয়া দিলে, সুর তাহা মুহূৰ্ত্তেকে স্বহস্তে রাখিয়া এক খানি মলিন জীর্ণ গাম্ছা স্কন্ধে লইয়া নদীতে গমন করিল। এমন সময় গৃহিণী ও জ্যেষ্ঠপুত্রবধু অবগাহন করিয়া আসিল। সুর স্নানান্তে সংক্ষেপে আঙ্কিক করিয়া গৃহে আইলে, কনিষ্ঠা বধু ঈষৎ অবগুণ্ঠিকা টানিয়া শ্বশুরের পিড়ার সম্মুখে যৎকিঞ্চিৎ জল-যোগের দ্রব্য রাখিয়া গেল। যে হেতু সে সময় অন্নব্যঞ্জন প্রস্তুত হয় নাই। পল্লীগ্ৰামে অনেক বেলায় স্নান ভোজন করা এক প্রকার প্রথাসিদ্ধ। কি ভদ্র লোক, কি ইতর লোক, সকলেই প্রায় বেলায় স্নান,

ও যথা কালে ভোজন, করিয়া থাকে। তাহা পাঠক মহাশয়ের বোধ হয় অবিদিত নাই। শস্ত্র যৎকিঞ্চিৎ তরল ইক্ষুগুড়, মুড়ি সংযোগে সংক্ষিপ্ত জলপান করিয়া পুনর্ব্বার বাহির বাটীতে আইল, ও কাটা দড়ী একত্র করিয়া এক জন কৃষাণ সহকারে তাহা তাল পাকাইতে লাগিল। শস্ত্র বাহির বাটীতে এক খানি চৌরী ঘর হইতে ছিল, ও তাহাতে ঘরামী লাগিয়াছিল। তজ্জন্য বাঁশ, বাখারী, খড়, দড়ীতে উঠান ও চণ্ডীমণ্ডপে প্রায় তিলার্ক স্থান ছিল না। এবং সেই হেতু শস্ত্রও ব্যস্ত ছিল। কারণ লোকজন অমইলে বসাইবার স্থান নাই। দুই প্রহর অতীত হইলে পর ঘরামির কিঞ্চিৎ ভিজ্ঞ চাউল জলযোগ করিয়া সলা ছিটিতে আরম্ভ করিল। শস্ত্র তাহা দাঁড়াইয়া দেখিতে লাগিল। মাখায় মলিন মহিষা-ধরা একখানি গামোছা—হাতে খেলো হুঁকা। মধ্যে মধ্যে তাহা এক এক বার টানিতেছিল। ঘরামীদের তিন প্রহরে ছুটি। দেখিতে দেখিতে বেলা একটা অতীত হইল, এমতকালে লক্ষ্মী ডাকিয়া কহিল—“বাবা, ভাত খাওসে।” শস্ত্র ঘরামীদের নিকট কৃষাণকে রাখিয়া বাটীর মধ্যে প্রবেশ করিল। যে হেতুক ঘরামীদের নিকট লোক না থাকিলে উহারা প্রায় কৰ্ম্মে শৈথিল্য করিয়া থাকে। এমত সময় জ্যেষ্ঠা বধু দুইখানি পিঁড়া পাতিয়া এক এক ঘটা জল রাখিয়া গেল। জ্যেষ্ঠ পুত্র পিতার সন্নিহিতে আস-নান্তরে বসিল। তাহার পর লক্ষ্মীমণি দুইখানি কাংস থালে অন্ন, ও বাটীতে দাল, ও অন্নের পার্শ্বে কিঞ্চিৎ ব্যঞ্জন ও অঞ্চল দিয়া উভয়ের সম্মুখে রাখিয়া গেল। পিতাপুত্র ভোজনে বসিলে, কনিষ্ঠা বধু ও কন্যা পাকশালায় গিয়া ভোজনে বসিল। গৃহিণী ও জ্যেষ্ঠ বধু শেষে আহার করিয়া থাকে। ইহাদের আহার হইলে, কৃষাণেরা পাত পাড়িয়া উঠানে আহার করিতে বসিল। কনিষ্ঠ পুত্র স্কুলে কৰ্ম্ম করে। দশটার

সময় আহার করিয়া কক্ষে গিয়াছে। তাহার আহারব্যবহারের রীতি স্বতন্ত্র ছিল। সকলের আহার হইলে পর শেষ লক্ষ্মী ভোজন করিল। যে হেতুক লক্ষ্মী বিধবা। আমিশের ব্যাপার সমস্ত না হইলে, নিরামিষ রন্ধন হইত না। লক্ষ্মীমণি আহার করিয়া বসিলে, ভূম্যধিকারীর বাটীর ঘণ্টার ৩ টা বাজিয়া উঠিল। তাহা শুনিয়া ঘরামীরা ব্যস্ত হইয়া শলা মশলা ফেলিয়া, শণসুতালি ও দা গুলি একত্র করিয়া, বাটীর ভিতর গিয়া ডাকিয়া কহিল, “ওগো গিন্নি, দা রাখ—আমরা চলেম— তিনটে বেজেচে”। গৃহিণীর সে সময় অন্ন তন্ত্রা আসিয়াছিল; ও একটি কাঠির মাজুরীর উপর শয়ন করিয়া পুরাতন উপাধানে মস্তক রাখিয়াছিল। ঘরামীদের চীৎকারে তন্ত্রা ভাঙ্গিল, ও ডাকিয়া কহিল, “দা দাওয়ান রেখে যা”। ঘরামী দা রাখিয়া প্রস্থান করিল। কর্তী তাহা দেখিয়া পুনর্ব্বার উপাধানে মস্তক রাখিল। কিন্তু তাহার পর আর নিজা হইল না। তাহার অব্যবহিত পরেই কনিষ্ঠ পুত্র স্কুল হইতে প্রত্যাগত হইয়া জলযোগ করিতে বসিল। কর্তী তাহা দেখিয়া উঠিয়া বসিল। অবিনাশ সংক্ষেপে কিঞ্চিৎ জলযোগ করতঃ একখানি বাঙ্গালা সংবাদ পত্র হাতে করিয়া বাহির বাটীতে গমন করিলে, গৃহিণী তাহার কিঞ্চিৎ পরে কুমুদিনী কন্যাকে নিভৃত ডাকিয়া ভুমি ঘটিত পূর্ব্ব বৃত্তান্ত তাহাকে বিদিত করিয়া কহিল, “মা—তুমি একবার গোলাপ-কুমারীর নিকটে গিয়া যাহাতে আমাদের প্রতুল হয় তাহা চেষ্টা কর। কুমুদিনী তাহা শুনিয়া বিষন্ন ভাবে মাতাকে কহিল, “মা—আমা হ’তে কি হ’তে পারে?—গোলাপকুমারী বড় ঘরের মেয়ে। যদি আমার কথা না রাখে, তবে এতে মান হানি ও মনোহুঃখ হ’বে”। ইহা কহিয়া অতি চিন্তিতের ন্যায় মাটিতে বসিয়া নখের দ্বারা ক্ষিতি আঁচড়াইতে

লাগিল। তাহার পর মাতার মুখ পানে চাহিয়া কহিল, যে “আর এক কথা এই, যে ছোট জামাইবাবু প্রায় অন্তঃপুর পরিত্যাগ করেন না; সেই হেতু গোলাপকে বিরলে পাওয়া বিষম কঠিন। যাহা হউক, যখন তুমি এরূপ ব্যগ্র হ’তেছ, আমার তথায় একবার যাওয়াই উচিত; কপালে যাহাই থাকুক,—আমি কালি কিম্বা পরশু, সময় বুঝিয়া অবশ্যই যাইব”। পাঠক মহাশয়েরা বিদিত থাকিবেন, যে এতদেশাচার মতে বড় মাহুষের অন্তঃপুরে স্বগ্রামের বা গ্রামান্তরের ভদ্র লোকের স্ত্রীলোকদের গমনাগমনের নিষেধ নাই। কুমুদিনীর পুনর্বিবাহ হইলে পর, কুমুদ আর বাটীর বাহিরে গমন করিতু না। স্মরণ্য গোলাপকুমারীর সঙ্গে তাহার সাক্ষাৎ হইবার তাদৃশ সঙ্গায় ছিল না। কিন্তু পাঠাগারে উভয়ের যেরূপ হৃদয়তা জন্মিয়াছিল, তাহার মান্দ্য হইবার কোন লক্ষণ অল্পভূত হয় নাই। ইহাই কুমুদিনীর ভরসা ছিল। তদনন্তর কুমুদিনী মাতাকে কহিল, “মা—তুমি নিশ্চিত থাক, আমার যাওয়া স্থির”। ইহা শুনিয়া গৃহিণী আনন্দে গৃহদ্বারের কক্ষে নিবিষ্ট হইল। কুমুদিনী আপন ঘরে সন্ধ্যা দিয়া বয়স্যা ছোট বধুর সঙ্গে কথোপকথন করিতে লাগিল। গঙ্গাধর গেজেট স্রের বাটী হইতে পূর্ব্বাহ্নে বিদায় হইয়াছিল, ইহা পাঠকদিগের স্মরণ থাকিবেক। তদনন্তর গঙ্গাধর ভূম্যধিকারীর কাছারির “দেওয়ান দফতরে” হাজিরী দিয়া নমস্কারপূর্ব্বক রাজাবাবুর সমীপে গিয়া বসিল। রাজাবাবু গঙ্গাধরকে দেখিয়া জিজ্ঞাসা করিলেন, “কি গেজেট—সমাচার কি?” গঙ্গাধর কহিল, “নগরের সকল মঙ্গল। পুরোহিতবাটীতে আগামী ১ মাঘ “শ্রীমদ্ভাগবত-কথা ও পাঠ আরম্ভ হইবেক”। রাজাবাবু কহিলেন, “তা আমি জানি;—তার পর?” গেজেট কহিল, “তার পর ভূমির কথা এই, যে শস্ত্র দাদা সহজ লোক নয়, হঠাৎ

সম্মত হইবে না,—তথাচ আমি অনেক বলিব। সুরের জ্যেষ্ঠ পুত্র—  
সেটা অস্বপ্ন!—ক্রুদ্ধ হইলে সুরাসুর কিছুই মানে না। ওবেটাও তেমনি,—  
কন্যার সময় ভাসুর শ্বশুর কিছুই জানে না। আপনকার যা সন্ধিবে-  
চনা হয়, তাই করুন। আমি প্রতিপালিত ও চিরদিনের অনুচর, জিজ্ঞা-  
সিত না হইলেও আমাকে অবশ্যই আপনকার হিত বলতে হয়”। ইহা  
কহিয়া গেজেট পুনর্ব্বার প্রণাম করিয়া দফতরখানায় গেল। রাজা-  
বাবু ঘড়ী দৃষ্টে স্বীয় স্নানের সময় হইয়াছে বুঝিয়া অন্তঃপুরে প্রবেশ  
করিলেন।

### পঞ্চম অধ্যায়।

#### কুমুদিনী ও গোলাপকুমারী।

পরদিন প্রাতঃকালে কুমুদিনী প্রাতঃকৃত্য সারিয়া মাতাকে কহিল,  
“মা—আমি আজ গোলাপকুমারীর সঙ্গে দেখা করিব”। মাতা  
কহিল—“ভালই তো, যাও। তবে সকাল সকাল স্নান কর”।  
ইহা কহিয়া কুমুদিনীর কবরী মোচন করিতে লাগিল। তাহার পর  
কুমুদিনী তৈল মাখিয়া খিড়কীর পুষ্করিণীতে স্নান করিয়া আইল;  
ও অঙ্গমার্জনা করিয়া মুক্তকুন্তলে বালার্কের কোমল কিরণ সেবন-  
করিতে লাগিল। দিবা আনুমানিক দেড় প্রহর হইলে, কুমুদিনীর জ্যেষ্ঠা  
ভগিনী লক্ষ্মীমণি কহিল, “কুমুদ—তুই ভাত খা”। ভোজনের  
অসময় বলিয়া কুমুদ স্বল্পমাত্র আহার করিতে পারিল। তাহার পর  
কেশবিন্যাস করতঃ সামান্যরূপ একখানি শুভ্রশাড়ী পরিয়া খিড়কীর

পথ দিয়া বাহির হইল। সেই সময় লক্ষ্মী কুমুদিনীর কাণে কাণে  
কহিয়া দিল—“দেখিস্ যেন সেই সর্বনাশী সরোর সঙ্গে দেখা শুনা  
হয় না”। সঙ্গে একটা প্রাচীনা দাসী চলিল। কুমুদিনী বাটী হইতে  
বাহির হইয়া ঐশৎ অবগুপ্তিকা টানিয়া দিল; ও সত্বরগমনে ভূম্যধি-  
কারীর বাটীর পশ্চাত্তাগের সেতু পার হইয়া খিড়কীদ্বারে উপনীত  
হইল। তথায় সে সময় দুই জন পাইক প্রহরী দাঁড়াইয়াছিল।  
কুমুদকে দেখিয়া উভয়ে সম্মুখে একপার্শ্ব হইল। যে হেতুক গ্রামস্থ  
সমস্ত ভদ্রলোকের পরিজনদিগের এই পথ হইয়া ভূম্যধিকারীর বাটীর  
অন্তঃপুরে গমনের কোন নিষেধ ছিল না। কুমুদিনী প্রথম দ্বার পার  
হইয়া নিঃশব্দ হইল। যে হেতুক খিড়কীর দ্বিতীয় দ্বার জ্বীলোকে  
রক্ষা করিত। কুমুদ তাহা জানিত।

মুহূর্ত্তকে কুমুদিনী তদ্বারে উপনীত হইয়া দেখিল, যে এক জন  
জ্বীলোক যক্ষিহস্তে দ্বাররক্ষা করিতেছে। কুমুদকে দেখিয়া কহিল,  
“কি গো মা, অন্তরে যা’বে?—যাও”। ইহা কহিয়া এক পার্শ্বে দাঁড়া-  
ইল। ও কুমুদ অকুতোভয়ে অন্তঃপুরে প্রবেশ করিল। এই সময় সমভি-  
ব্যাহারিণী দাসী তথা হইতে বিদায় হইল। কুমুদিনী অন্তঃপুরের প্রথম  
খণ্ড ছাড়াইয়া দ্বিতীয় খণ্ডে প্রবেশ করিয়া দেখিল, যে রাজাবাবুর মা  
নীচে বসিয়া আছেন। কুমুদিনী তাঁহাকে প্রণাম করিয়া এক ধারে  
দাঁড়াইল। কত্রী কুমুদকে দেখিয়া কহিলেন, “কে গো কুমুদ!—  
আয়। গোলাপ উপরে আছে; সে সর্বদা তোর নাম করে, আর বলে  
যে মা, কুমুদ বুঝি আমাকে তুলে গেচে?। কুমুদিনী মুহু স্বরে উত্তর  
করিল, “জেঠাইমা,—সে কি কথা!—তিনি যে আমাকে মনে করেন,  
সেই আমাদের ভাগ্য”।

তদনন্তর রাজাবাবুর মা কুমুদিনীকে উপর প্রকোষ্ঠে গমনের নূতন সিঁড়ির পথ দেখাইয়া দিয়া কার্যান্তরে গমন করিলেন। কুমুদ অবরুদ্ধ সিঁড়ির কবাট ঈষন্মুক্ত করিয়া অতিশয় স্তম্ভিত দারুণময় সিঁড়ির প্রথম সোপানে পাদক্ষেপ করিবামাত্র, গভীর রবে হিন্দী ভাষায় শুনিল—“কোন্ যাতা হ্যায়?” ও সেই সময় ভীম নাদে কুক্কুর ডাকিয়া উঠিল। স্বভাবতঃ মুহু ও সাহসহীনা কুমুদিনীর কর্ণে তাহা ভীমের গদার ন্যায় বাজিল, ও সতয়ে কুমুদিনীর হৃৎকম্প হইল। হাত পা কাঁপিতে লাগিল। ও যেখানকার পা সেইখানেই রহিল।

অনন্তর কম্পিতা কামিনী সতয়ে পশ্চাতে অবলোকন করিয়া দেখিল, যে নিবিড় কুম্ববর্ণা, করালবদনা, এক পশ্চিমা নারী গবাক্ষের দ্বারে দাঁড়াইয়া আছে। আর তাহার অনতিদূরে লোহশৃঙ্খলে বদ্ধ নেপাল-দেশীয় বিশালদস্তযুক্ত লোমশ কাল কুক্কুর একটা বসিয়া আছে। উক্ত উভয় অকুশল মূর্তি দেখিয়া কুমুদিনীর আরও ত্রাসবৃদ্ধি হইল। এবং অদূরে ক্ষুধার্ত দ্বীপী দেখিয়া কুরঙ্গিনী যেরূপ চঞ্চলা ও ব্যাকুলা হয়, কুমুদিনীর এক্ষণে সেই ভাব হইল। ও মনে মনে কহিতে লাগিল, “হায় হায়! কেন বা এসেছিলেম্। যদি না আস্তেতম্ তো ভালই হতো। বৃদ্ধি, আজি কুক্কুরেরি ভক্ষ্য হবো”।

বোধ হয় উক্ত পশ্চিমা নারী কুমুদকে পূর্বে কখন দেখে নাই। অনন্তর, কুমুদিনীর কমনীয়া শ্রী দেখিয়া উক্ত ভীষণ নারীমূর্তি ললিত-স্বরে কহিল, “যাও মাই—উপর যাও”। এ কথায় কুমুদিনী আকাশ হাতে পাইয়া শটনঃ শটনঃ সিঁড়িতে উঠিতে লাগিল,—ও সতয়ে চতুর্দিকে এক এক বার নিরীক্ষণ করিতে লাগিল,—যে পাছে আর কেহ কোন দিক্ হইতে আসিয়া তাহার উপরে গমনের প্রতিবন্ধক হয়। কিন্তু

কোন দিকে আর কাহাকেও না দেখিয়া কুমুদিনী অতঃপর ত্যক্তভ্রাস হইয়া উপরে উঠিল; ও নব-রচিত-প্রাসাদের চিত্রকার্য দেখিয়া ও তাহার কমনীয় শোভায় আকৃষ্ট হইয়া মনে মনে কহিতে লাগিল, যে “আহা, যনে কি না হয়!” এইরূপ চিন্তা করতঃ কুমুদিনী কিয়দূরে গিয়া মনে মনে করিল, যে “গোলাপকুমারীর সহিত আমার অনেক দিন সাক্ষাৎ নাই। পাছে আমাকে চিনিতে না পারে। কেন না মানুষের মন সব সময় এক রূপ থাকে না। বিশেষতঃ বিপুল বিভবে মনের বিকার জন্মায়। আর আমাতে ও গোলাপকুমারীতে অনেক অন্তর”। এই মত হুশ্চিন্তা করিতে করিতে কুমুদ গোলাপকুমারীর প্রকোষ্ঠের সম্মুখে উপনীত হইল।

তখন বেলা প্রায় দুই প্রহর অতীত হইয়াছে। গোলাপকুমারী ও ছোট জামাতাবাবু আহার করিয়া উভয়ে পর্যঙ্কে বসিয়া কথোপকথন করিতেছেন। কবাট ঈষন্মুক্ত ছিল। কিন্তু সহসা কুমুদিনী কবাট মুক্ত করিয়া প্রবেশ করিতে সাহস পাইল না। ও দাঁড়াইয়া ক্ষণেক কাল ভাবিতে লাগিল। ইতি মধ্যে সরোভাণ্ডারনীকে যাইতে দেখিয়া মনে মনে করিল, যে সরো আত্মকুল্য করিলেও করিতে পারে। কিন্তু সরো তাহার ভগ্নীর সপত্নী, ও সেই ঘেঘেহেতু কুমুদকে কোন সাহায্য করিল না। সরো কুমুদকে তথায় দেখিয়া অপরিচিতের ন্যায় একেবারে যেন আকাশ হইতে পড়িল; ও কুমুদকে জিজ্ঞাসিল—“এখানে কেন?” কুমুদ কহিল “দোষ কি?” “গোলাপের সঙ্গে দেখা করিব”। সরো অপ্রসন্ন বদনে কহিল—“এখন দেখা হওয়া ভার,—বিশেষ জামাই-বাবু ঘরের ভিতর রয়েছেন। এখন কে যা'বে?” ইহা কহিয়া সরো গর্বিতা নারীর ন্যায় সদর্পে পাদক্ষেপ করতঃ চলিয়া গেল। কুমুদ

দাঁড়াইয়া ভাবিতে লাগিল; ও মনে মনে করিল, যে “ যদি এতদূর এসে দেখা না করতে পারি, তবে বড় লজ্জার কথা হ’বে, আর কৰ্মেরও হানি হ’তে পারে ”। ইহা বিবেচনা করতঃ সাহসে ভর করিয়া কুমুদ নতরূপে কবাটে ছুই তিন বার আঘাৎ করিল; ও তৎক্ষণাৎ ভিতর হইতে শব্দ হইল—“ কে ও ? ” “ কে রে ? ” কুমুদিনীর যৎকিঞ্চিৎ বিদ্যাবল ছিল; স্ততরাং প্রাণ্ড সন্মাদরবিহীন সম্বোধনে কোন সাহস না দিয়া সাহসপূর্বক পুনর্বার তদ্রূপে কবাটে আঘাৎ করিল। গোলাপ তাহা শুনিয়া আপনি উঠিয়া কবাট খুলিয়া দেখিলেন—যে কুমুদিনী! ও হাসিয়া কুমুদের হাত ধরিয়, ঘরের ভিতর লইলেন। জামাইবাবু কুমুদকে বহুদিন দেখেন নাই। হঠাৎ কুমুদিনীর যৌবন-ক্রী ও লাভ্য দেখিয়া বিস্ময়াপন্ন হইলেন। জামাতাবাবুকে দেখিয়া কুমুদিনী লজ্জিতা হইল। তাহার পর গোলাপকুমারী কুমুদকে লইয়া অন্য প্রকোষ্ঠে বসাইয়া কুশল জিজ্ঞাসা করিতে লাগিলেন; ও সৌজন্যপূর্বক কহিলেন যে “আজ আমার ভাগি।” কুমুদ কহিল, “সে—আমার বটে। তোমার সঙ্গে দেখাসাক্ষাৎ হওয়া বড় সৌভাগ্যের কৰ্ম।

এতরূপ শিষ্টাচারিতার পর কুমুদ কহিল, “ দেখ—তোমার দাদাবাবু আমাদের প্রতি অন্যায় করিতেছেন। আমার বাপমা প্রাচীন, ও তোমাদের আশ্রিত প্রজা। যাহাতে তাঁরা মনোহুঃখ না পান, তা তুমি করবে। গোলাপ কহিল “ সে কি কথা! ” কুমুদিনী কহিল, “ তা বল্চি। পৃথিবীশুদ্ধ তোমাদের। পিতার ছুই হাত ভূমী লয়ে তোমাদের ঐশ্বর্যের কি বৃদ্ধি হইবেক। সে কেবল মহাসাগরে এক বিন্দু বারির ন্যায়। তাহাতে সাগরের বৃদ্ধি নাই; কিন্তু জলগণ্ডের হানি আছে।

আমরা বড়গাছের তলে আশ্রয় লইয়াছি,—দৈবাৎ ফল পাওয়া না গেলেও আমরা ছায়া হ’তে কেন বঞ্চিত হ’ব। পাঠশালায়,—মনে কর, তুমি আমাকে “ মকর ” বলে ডাক্তে, অদ্যাপিও আমার সে স্পর্ধা আছে। আর যদিও তোমায় আমায় এরূপ সম্পর্ক অসমান বটে, কিন্তু—”। গোলাপকুমারী আজ হইয়া কুমুদিনীর হাত ধরিল; ও অশ্রুপূর্ণ নয়নে কহিল, “ মকর,—আর কেন ? যে তুমি, সে আমি। বিষাদ ত্যাগ কর। মাতা বিদ্যশানে তোমাদের অকুশল নাই। আমার বোধ হয়, এ সকল গঙ্গাধর গেজেটের কৰ্ম হ’বে।—সেই দাদাবাবুকে এ সকল প্রবৃত্তি দিয়ে থাক্বে। যা হোক তুমি ভেবো না। আমি তোমাদের পক্ষে রইলেম্ ”। ইহা কহিয়া গোলাপকুমারী কুমুদকে প্রবোধ দিয়া এক প্রকার নিশ্চিন্ত করিলেন। তাহার পর কুমুদকে বিবিধ উপাদেয় খাদ্য দ্রব্য দিয়া জলযোগ করাইলেন। সে সময় বেলা আড়াই প্রহর হইয়াছিল। কুমুদিনী, প্রায় বেলা অবসান হইল জানিয়া, একেবারে গা তুলিয়া গোলাপকুমারীকে কহিল, “ মকর, তবে এখন আসি ”। গোলাপ কহিলেন, “ তা হ’বে না,—এখনও অনেক বেলা আছে ”। ইহা কহিয়া কুমুদিনীর হাত ধরিয়া বসাইলেন। আর জিজ্ঞাসিলেন, “তোমার দিদির মেয়ের কবে বিবাহ হ’বে”। কুমুদ কহিল, “মাঘ ফাল্গুন মাসে হ’তে পারে। বিয়ে না হ’লে আমি যেতেও পারবো না”। গোলাপ কহিল, “ সেটা ভাল দেখাবে না। তোমার দিদি তো—আবার সেই মাছ । কুমুদিনী কথার আভাসে যৎকিঞ্চিৎ স্তত্র পাইয়া কহিল, “দিদির কথা আর কি বল্বে! আমি মধ্যে মধ্যে কেতাব পড়ি, ছোট বউ পশম বোনে, এতেই আর রক্ষা নাই! দিদি বলেন, “ওমা,—আমাদের গেরস্ত ঘরের মেয়েদের কি এত বাবু হ’লে চলে। আমরা

ধান্ ভান্‌বো, ধান্‌সিদ্ধ কর্‌বো, গোবর নেদি দেবো, ঢেঁকি পেঁড়ে চাল কুট্‌বো, নদী থেকে জল আন্‌বো, কুট্‌নো কুট্‌বো, বাট্‌না বাট্‌বো, রান্‌না বাড়্‌না কর্‌বো । হোক্‌ ব্যানে, আমরাও তো এক সময়ে সোমভ ছিলেম । আমাদেরও তো রূপ ছিল । তা'তেই কি আমরা দ্বার দিয়ে ঘরে বসে বাবু আনা করেচি ? এখনও যা কর্‌চি, তখনও তাই করেচি । এতেই কি আমাদের জাত্‌ গেছে ? এখনকার চাষাদের মেয়েরাও বাবু হয়ে উঠ্‌লো ! একটু কন্‌ ওসারের কাপড় পরে ন্‌ না । মোটা কাপড় পরে ন্‌ না । যাঁদের পুরুষরা ক্ষেতে খেটে খাবে, তাদের মেয়েদের এতটা ভাল দেখায় না ” । দিদি কখন কখন মাৰ্‌ কাছেও এ সকল আন্দোলন করে থাকেন ।—বলেন, “দেখ মা, তোমার ছোট মেয়েটি ও ছোট বউটি,— এঁরা দুটি বাবু । ঘরকন্‌নার কিছুই দেখে ন্‌ না । কুটো গাছটি ছেঁড়ে ন্‌ না । কেবল গেঁজে গাঁথ্‌বেন্‌, জুতোর পশম তুল্‌বেন্‌ । একি আমাদের ঘরে পোষায় ?” মা কিছু বলে ন্‌ না । এতেই বা দিদির রাগ কত !” কুমুদিনীর কথা শুনিয়া গোলাপকুমারী হাসিয়া কহিলেন, “ভগ্নীতে ভগ্নীতে হিংসা আছেই তো । তায় যদি এক জন সধবা, ও আর এক জন বিধবা হয়, তা'তে আরো রিশ্‌ জন্মে । তত্রাচ এতে আন্তরিক স্নেহ দূর হয় না । যা হোক্‌ তুমি ছোট ভগিনী, তোমাকে বড়র কথা সহ্য করা উচিত ” । উভয়ে এইরূপ কথাবার্তা হইতে হইতে বেলা প্রায় অবসান হইল । এমন সময় এক জন দাসী বাহিরে দাঁড়াইয়া কহিল, যে “স্বরেরদের বাড়ী থেকে এক জন মেয়ে লোক কুমুদকে নিতে এসেচে ” । কুমুদিনী তাহা শুনিয়া চঞ্চলা হইল, ও কবাট্‌ মুক্ত করিয়া দেখিল, যে সূর্য্য প্রায় অস্ত হইলেন । ও ব্যস্ত হইয়া গোলাপকুমারীর হাত ধরিয়া কহিল, “মকর,—তবে আমি এখন আসি ” । গোলাপ কহিল, “আবার কবে দেখা হ'বে, তা বল ” ।

কুমুদ কহিল, “তা এখন কেমন করে বল্‌বো ” । গোলাপ জিজ্ঞাসিলেন, “পুরোহিতবাড়ী কথা শুন্তে আস্‌বে ?—সে উত্তরায়ণ দিনে ” । কুমুদ কহিল, “সে দিন লোকজন থাক্‌বে, ও মা ও দিদি গঙ্গান্নানে যা'বেন্‌,—সে দিন আমার যাওয়া ভার । যদি পারি তো বলে পাঠা'ব ” । ইহা কহিয়া কুমুদিনী সম্মুখে গোলাপকুমারীর হাত ধরিয়া বিদায় যাচ্‌ঞা করিল । গোলাপ সিঁড়ীর নীচে পর্য্যন্ত কুমুদের সঙ্গে সঙ্গে গিয়া কুমুদকে পরিতোষপূৰ্ণক বিদায় করিলেন । কুমুদের সঙ্গে তাহার বাটীর প্রাচীনা দাসী চলিল । গোলাপকে দেখিয়া পূৰ্ব্বোক্ত কুক্কুর সানন্দে পুচ্ছ নাড়িতে লাগিল । সে সময় পশ্চিম দাই তাহার অঙ্গের ধূলি ঝাড়িতে ছিল । দাই কহিল, “মাই, হামনে পহ্‌লা ওহ্‌ লেড্‌কিকো রোখি থি, ফের্‌ আনে দিয়া ” । গোলাপ কহিল, “ওহ্‌ হামারি বহুৎ পিয়ারি হেয়,—রোখো মৎ ” । ইহা কহিয়া গোলাপকুমারী উপরে উঠিলেন । ও কুমুদিনী স্বল্প ক্ষণের মধ্যে বাটীতে আসিয়া সন্ধ্যার পর মাতাকে সমস্ত কহিল । স্বরজয়া হুহিতার মুখে স্নসমাচার পাইয়া সানন্দে কহিল,—“কুমুদ, তো হ'তেই আমার ছঃখু ঘুচ্‌বে । তোকে সার্থক পেটে ধরেছিলেম !” কুমুদিনী মাতৃ-অনুরাগে আপনাকে রুতরুতা মানিয়া স্বগৃহে প্রবেশ করিল ।

## ষষ্ঠ অধ্যায় ।

গ্রামবার্তা ও কৃষিগণের ব্যবহার ।

প্রিয়দ্বদা কুমুদিনী বিদায় হইলে, গোলাপকুমারী উপরে গিয়া বিষম্‌ হইয়া বসিলেন,—ও গালে হাত দিয়া ভাবিতে লাগিলেন । আর মনে

মনে কহিতে লাগিলেন, যে “আমি অঙ্গীকারে বদ্ধ হলেম,—না জানি শেষে কি হবে। দাদাবাবু তো সেই প্রকারের লোক। তা’তে আবার খোসামুদের দল তাঁহাকে ঘিরিয়া আছে; ও জল “উঁচু নীচু” বলিয়া তাঁহার মনরক্ষা করে। আমার কেবল মা ভরসা। যাহা হউক, আমি বিদ্যামানে সুরেদের অমঙ্গল নাই। এতে আমি মরি—বা—বাঁচি। এই-রূপ চিন্তা করিতে করিতে গোলাপকুমারী নিদ্রাকুণ্ঠা হইয়া উপধানে মাথা রাখিলেন; ও ক্ষণমাত্রে স্থনিদ্রিতা হইয়া সংক্ষেপকালের নিমিত্ত তাবৎ চিন্তা হইতে মুক্ত হইলেন। তখন রাত্রি অগ্নিক হয় নাই। রাজাবাবু সেই সময় অস্তঃপুর হইতে বাহিরে গিয়া কাছারীতে উপবিষ্ট হইলেন। “বড় মহাশয়” দেওয়ানখানায় বসিয়া আছেন, এই সময় এয়ারসরকার আসিয়া নমস্কার করতঃ কহিল, “হজুর, কালি পৌষ-সংক্রান্তি; রাজমজুর কারিগরলোকেরা কেহ দুই দিন কর্ম করিতে আসিবে না। অনেকেই গঙ্গান্নানে যা’বে। সেখানে কালি ভারি মেলা। আর যা’রা ঘরে থাকবে, তারাও কর্মে আসবে না;—পিঠে খাবার আমোদে থাকবে।” ইহা কহিয়া সরকার বিদায় হইল। এমত কালে গঙ্গাধর গেজেট আসিয়া উপনীত হইল। তাহাকে দেখিয়া ছোট জামাতাবাবু কহিলেন, “রাজাবাবু, তোমার ইব্বিং গেজেট্ [Evening-Gazette.] পঁহছিল!” গঙ্গাধর প্রণাম করিয়া রাজাবাবুকে কহিল, “ধর্ম্মঅবতার, সুরের বাটীতে কালিকের আমার নিমন্ত্রণ আছে। কালি আমাদের একটা বড় আমোদের দিন!—পিঠে সংক্রান্তি।” পাঠক মহাশয়রা অবশ্যই বিদিত থাকিবেন, যে মাকরী সংক্রান্তি ও উত্তরায়ণ দিনে জাহ্নবীস্নান অতি প্রসিদ্ধ। হিন্দুধর্ম্মাবলম্বী এতদেশীয় প্রায় যাবদীয় লোক অমুদয় কালে গঙ্গান্নান করিয়া থাকেন; ও আমোদ করিয়া পিষ্টকভোজন

করেন। গেজেট্ কহিল, “হজুর, যা’রা দেড় আনার মজুর,—তা’রাও উদর পূরে পিঠে থাকবে। এ পরবে ছোটবড় সকল লোকেরি আমোদ আছে। ভাগীরথীতীরে কোন কোন স্থানে উত্তরায়ণে ভারি মেলা হইয়া থাকে; তাহাতে এতদেশের দোকানী পসারী গিয়া দোকান ফাঁদিয়া ক্রয়বিক্রয় করে। আর বেগারের পুণ্যে গঙ্গান্নানও হইয়া আইসে।”

অনন্তর রাজাবাবু ঘড়িতে দেখিলেন, যে রাত্রি প্রায় নয় ঘণ্টা হইল, ও উঠিয়া অস্তঃপুরে গেলেন। গেজেট্ কাছারির কর্ম্ম সারিয়া ঘরে প্রস্থান করিল। পাঠক মহাশয়রা বিদিত থাকিবেন, যে অধিকাংশ জমীদারী কাছারির কার্য প্রায় রাত্রি কালেই হইয়া থাকে। এবং কর্ম্মপটু ও পরিশ্রমী ভূম্যধিকারীরা স্বয়ংও অনেক রাত্রি পর্যন্ত কাছারীতে বসিয়া থাকেন।

পরদিন অতিপ্রত্যুষে গঙ্গাধর প্রাতঃকৃত্য সারিয়া ভাগীরথীস্নান করতঃ একবার নগরভ্রমণ করিয়া রাজাবাবুর নিকট আসিয়া দেখা দিল। রাজাবাবু সেই সময় পুষ্পোদ্যানে পাদবিচরণ করিতেছিলেন। গেজেট্ কে দৃষ্টি করিয়া জিজ্ঞাসিলেন, “কি সমাচার?” গেজেট্ প্রণাম করিয়া কহিল, “ধর্ম্মঅবতার, আজি নদীর ধারে লোকারণ্য!—ও দেখতে ভারি শোভা হয়েছে!” রাজাবাবু কহিলেন, “কেমন?” গেজেট্ কহিল, “পল্লীগ্রামের অসংখ্যক লোক স্নানে এসেচে। তা’র মধ্যে স্ত্রীলোক প্রায় তিন ভাগ বোধ হয়,—ও পুরুষ এক ভাগ। আমি নদীর তীরে এসে দেখলেম, যে নৌকার সীমা নাই! কেহ বা নৌকায় দাঁড় পাতচে, কেহ বা নৌকা সাজাচ্ছে, কেহ বা নৌকায় বোঝাই করচে, কেহ বা “গঙ্গামাইকি জয়!” বলিয়া নৌকা খুল্চে।



কোথাও বা “পাঁচ পীর বদর!”—“আলাও!” বলিয়া শব্দ হচে। কুমা-  
রেরা গাড়ি গাড়ি হাঁড়ি আনিয়া নৌকা বোঝাই কর্চে। কোথাও বা  
খাতা খাতা মেয়ে গুলো গহনার নৌকায় উঠ্চে। গ্রামস্থ স্বর্ণকার ও  
ছুতারেরা এক এক খানি পুরাতন তোলা ধুতিচাদর পরিয়া যোঁতায়  
নৌকা ভাড়া করিয়া বাবু সেজে বেরিয়েচে;—পায়ে ছেঁড়া ঠাকীং ও দেশী  
ঘোড়তোলা জুতো। কোন কোন খানে কাঁসারীরা রাশি পিতলকাঁসার  
বাসন এনে ফেল্চে; ও মনিহারীরা সারি সারি আর্শী, চিরুণী, মালা,  
ঘুনসীর ঝুড়ি ধরে মুটের মাথায় তুলে দিচ্ছে। কেহ বা “রামির  
মা!”—“রামির মা!” বলিয়া চীৎকার কর্চে। কোথাও বা মাজিরা  
চড়নদারকে ধরে “বাবু মের লায় আইস” বলিয়া টানাটানি কর্চে।  
কোথাও বা ঢোলোক্ মন্দিরে বাজ্চে। কোন খানে বা কেহ মদ খেয়ে  
টলে পড়্চে। আমি দেখে বড় আনন্দিত হলেম্; ও হুই এক জনকে  
জিজ্ঞেস্ কলেম্, “হাঁরে, তোরা কি উত্তরায়ণের মেলায় যাবি?”  
তাঁরা বলিল, “যে আজে, গেজেটী মশাই। এই একটা আমাদের দিন্”।  
তাঁরপর ঘরে এসে দেখি, যে মেয়েরা গুঁড়ি কুট্চে, ও পুলিপিঠের  
আয়োজন কর্চে। তা দেখে মনের হর্ষে দফতরখানায় এলেম্—যে  
শীগ্গির ছুটি নিয়ে আসি। রাজাবাবু সন্তুষ্ট হইয়া গেজেট্কে সংক্রান্তির  
পার্কণী দিলেন। গেজেট্ পার্কণী প্রসাদ পাইয়া রাজাবাবুর যশের  
কীর্তন করিয়া বিদায় হইল।

অন্তঃপুরে রাজাবাবুর মা প্রাতঃস্নান করিয়া মালা করিতেছেন, এমত  
কালে সরোভাগার্নী আসিয়া কহিল, “মাঠাকরুণ, সরকারি ধোপা,  
নাপিত, কামার, কুমার, গোয়াল, মালী, পাইক্, প্রহরী, প্রভৃতির  
নিয়মিত পৌষপার্কণী চাচ্চে। সকলেই নারিকেল, ওড়্ ও চাল্ পেয়ে

থাকে”। কর্ত্তী মস্তক নাড়িয়া ইঙ্গিতে কহিলেন “দেও”। সরোভাগা-  
র্নী কর্ত্তীর অনুমতি পাইয়া উপরি উক্ত সৰ্ব্বপ্রকার ইতর লোকদিগকে  
পৌষপার্কণী দিল। ও তাহারা আপন আপন বৃত্তি প্রাপ্ত হইয়া  
আনন্দিত হইল। পাইকেরা মালসাট্ মারিতে লাগিল, ও ঘরে গিয়া  
আনন্দ করিল; ও উদর পুরিয়া পিঠা ভাং খাইল, ও জমীদারের যশ  
গাহিল। কৃষিজীবী ও দৈনিক বেতনভুক্ লোকদের পায়সের সংযোগ  
হইয়া উঠেনা। উদর পুরিয়া পিঠা ভাত্ পাইলেই,—সেই তাহাদের পর-  
মাণ। পাঠক মহাশয়রা বিদিত থাকিবেন, যে পৌষপার্কণী ও “গাজনে”  
ইতর লোকদিগের যাদৃশ্, আমোদ, হুর্গোৎসবেও তাহাদের তাদৃশ্  
আমোদ নাই।

গেজেট্ সুরের বাটীতে “মধ্যাহ্ন” করিয়া, তাহার পর অপরাহ্নে  
গ্রামে ভ্রমণ করিতে গেল। ও ঘরে ঘরে দেখিল, যে আহ্বারের  
আমোদ। সকল ঘরেই নূতন হাঁড়ি—নূতন মরা। যে হেতুক, নব-  
শাক বর্ণাদি করিয়া হিন্দুমাত্রেরই কেহ “পৌষকালি” রাখেনা। ইহা  
পাঠকদিগের অবিদিত না থাকিবেক। তবে অন্ত্যজ বর্ণেরা সে সকল  
বাঞ্ছেনা। গ্রামের মধ্যে একটি “ঘোষ পাড়া” ছিল। তথায়  
বহুসংখ্যক গোপ জাতির বসতি ছিল। ইহাদের প্রধান উপজীব্য  
কেবল চাষ। তবে কেহবা দধিছক্ক বিক্রয় করিত। প্রায় সকলেরি  
ঘরে দশপাঁচটা গরু ও চামের বলদ আছে। গেজেটের এ পাড়ায়  
সর্বদা গমনাগমন ছিলনা। কএক জন প্রজার বাটীতে ধান্যের মরাই  
ও বিচালির পালুই দেখিয়া গেজেট্ অবাক্ হইল;—যেন ধানের গাছ  
আর কখন চক্ষে দেখেনাই, বা তাহা কি, তাহাও জানেনা। ও কহিতে  
লাগিল, যে “এ এক প্রাণালী মন্দ নয়”। গঙ্গাধর গেজেট্ জমীদারী

আমলা,—ইহা প্রায় গ্রামে কাহারও অবিদিত ছিল না; ও রাজাবাবু জমীদার তাহাকে ভাল বাসেন,—ইহাও রাষ্ট্র ছিল। বীরুগোপ গেজেটকে নিরীক্ষণ করিয়া নমস্কার করতঃ কহিল, “বিশ্বেস মশাই, পায়ের খুলো দেবেন? যদি দয়া করে এদিগে এসেচেন, তবে একবার বসুন”। ইহা কহিয়া বীরুগোপ একখানি কাষ্টাসন আনিয়া দিল। প্রাপ্তসম্রম গেজেট বীরুগোপের সদরদরজার চালার নীচে বসিল। গোপের পুত্র খোন্কা তামাক খেলো হুকায় সাজিয়া আনিয়া হুকু দিয়া গেজেটের হাতে দিল। বীরু আপনি আত্মপাতের নল গড়িল। গেজেট কথা কহিতে কহিতে এক এক বার হুকায় টান দিতে লাগিল। তামাক ধরিল না। পল্লীগ্রামে ইতর লোক “ঘষির” আওণে তামাক খাইয়া থাকে। গেজেট দুই এক বার টানিয়া কহিল, “বড় কড়া তামাক”। কিন্তু হুকায় ত্যাগ করিতে ইচ্ছুক নহে। যেহেতুক, ভাল হউক, মন্দ হউক, তামাকে গেজেটের অত্যন্ত স্পৃহা ছিল। হুকায় টানিতে টানিতে গোপকে জিজ্ঞাসিল, “ওহে বাপু, উঠানের মধ্যখানে গোলাকার এ গুলা কি?” গেজেট ধানের মরাইকে লক্ষ করিয়া এই প্রশ্ন করিল। বীরুগোপ ঈষৎ হাসিয়া কহিল, “বিশ্বেস মশাই, এও কি জাননা যে এগুলো কি? এসব ধানের মরাই। কিঞ্চিৎ কিঞ্চিৎ সঞ্চয় করে না রাখলে রাজার মাল্গুজারী কোথা হ’তে দিব। একদিন খাজানা দিতে বিলম্ব হ’লে রাজা ১০ আঠা করবেন। চামি লোকের কত জ্বালা, তা আপনারা কি জানবেন?” গেজেট কহিল, “তা বটে, কিন্তু—বাপু হে, রাজারও এমনি দায়;—স্বর্ঘ্যাস্ত হ’লে আর রক্ষা নাই। রাজস্বের টাকা শিয়রে করে রাখতে হয়। তোমরা ৬ ইচ্ছায় ভাল প্রজা;—তোমাদের কষ্ট কি?” বীরুগোপের অনেক জমী ছিল। গেজেট তাহা বিশেষ জানিবার মানসে

জিজ্ঞাসিল, “বীরু, তোমার কত খানি জমী আছে?” বীরু কহিল, “পশ্চিম মাঠে কতকটা “ওট বন্দী” আছে। পূর্ব মাঠে বিধা চল্লিশেক ভাগঘোতে করিয়া থাকি। তন্নিম্ন নিজের খাজানার জমীও আছে, আর কিছু কিছু ব্রহ্মোত্তরও চমিয়া থাকি”। তাহা শুনিয়া গেজেট পুনর্বার জিজ্ঞাসা করিল, “ঘোষের পো, “ওট বন্দীর” কত টাকা মাল্গুজারী লাগে?” বীরু কহিল, “তাহার নিয়ম নাই। যে আন্দাজ জমী আবাদ হয়ে উঠে, ফসলের মুখে তাহাই মাপ হইয়া নিরিখ মত সেই আন্দাজ ভূমির মাল্গুজারি দিতে থাকি। আর ভাগঘোতে যাহা আবাদ করি, তাহার খাজানা লাগে না। উৎপন্ন শস্যের অর্ধেক আমি পাই। বাকী অর্ধেক যাহার জমী, সেই লয়। খরচখরচা সকলি আমার। কিন্তু, বিশ্বেস মশাই, আমাদের কায়িক শ্রম ও জন্মান্বয়ের যে কত খরচা,—তা আপনারা সব জানতে পারেন না”। গেজেট যেন জন্মেও কখন চাম্বাস করে নাই, এমনি ভাবে বীরুগোপকে কহিল, যে “বাপু, আমরা কিনে আনি খাই, চাকরি করি,—এই জানি। ও সব আমরা কি জানি?” বীরুগোপ কহিল,—“দেখুন, চোৎবোশেখ মাসের রোদে যখন আপনারা ঘরে হ’তে বাহির হ’তে পারেন না,—তখন আমরা খালি মাথায় মাঠে লাঙ্গল দেই। ছ’পুরের পর একবার এক মুটো ভিজ্জি চাল জল খেয়ে যথাকালে ঘরে এসে ভাং খাই। তায় যদি আবার মাটিখানা শক্ত হয়, তবেই চাম্বার আর কষ্টের শেষ থাকে না। বোশেখ মাসে আকাশপানে রাত্রিদিন চেয়ে থাকতে হয়, তাতে যদি দেবতা সদয় হয়, তবেই চাম্বার মঙ্গল;—নচেৎ অনেক কষ্টে মাটিখান তয় হয়। তা’র পর বুনিতে আরম্ভ করি। গাছ গুলি কিছু কিছু ডাগব হ’লে নিড়ে দেই,—তা’র ছিড়ে নেই। ও আবশ্যিক মতে রোপণ করি। তা’রপর ছেঁচ দরকার হ’লে চাম্বার

আমলা,—ইহা প্রায় গ্রামে কাহারও অবিদিত ছিল না; ও রাজাবাবু জমীদার তাহাকে ভাল বাসেন,—ইহাও রাষ্ট্র ছিল। বীরুগোপ গেজেটকে নিরীক্ষণ করিয়া নমস্কার করতঃ কহিল, “বিশ্বেস মশাই, পায়ের ধুলো দেবেন? যদি দয়া করে এদিগে এসেচেন, তবে একবার বসুন।” ইহা কহিয়া বীরুগোপ একখানি কাষ্টাসন আনিয়া দিল। প্রাপ্তসমুদয় গেজেট বীরুগোপের সদরদরজার চালার নীচে বসিল। গোপের পুত্র খোঙ্কা তামাক্ খেলো হুঁকায় সাজিয়া আনিয়া ফুঁ দিয়া গেজেটের হাতে দিল। বীরু আপনি আত্মপাতের নল গড়িল। গেজেট কথা কহিতে কহিতে এক এক বার হুঁকায় টান দিতে লাগিল। তামাক্ ধরিল না। পত্নীগ্রামে ইতর লোক “ঘষির” আওণে তামাক্ খাইয়া থাকে। গেজেট দুই এক বার টানিয়া কহিল, “বড় কড়া তামাক্।” কিন্তু হুঁকাও ত্যাগ করিতে ইচ্ছুক নহে। যেহেতুক, ভাল হউক, মন্দ হউক, তামাকে গেজেটের অত্যন্ত স্পৃহা ছিল। হুঁকা টানিতে টানিতে গোপকে জিজ্ঞাসিল, “ওহে বাপু, উঠানের মধ্যখানে গোলাকার এ গুলা কি?” গেজেট ধান্যের মরাইকে লক্ষ করিয়া এই প্রশ্ন করিল। বীরুগোপ ঙ্গৎ হাসিয়া কহিল, “বিশ্বেস মশাই, এও কি জাননা যে এগুলো কি? এসব ধানের মরাই। কিঞ্চিৎ কিঞ্চিৎ সঞ্চয় করে না রাখলে রাজার মাল্গুজারী কোথা হ’তে দিব। একদিন খাজানা দিতে বিলম্ব হ’লে রাজা ১০ আষ্ট্র করবেন। চাষি লোকের কত জ্বালা, তা আপনারা কি জানবেন?” গেজেট কহিল, “তা বটে, কিন্তু—বাপু হে, রাজারও এমনি দায়;—স্বর্ঘ্যাস্ত হ’লে আর রক্ষা নাই। রাজস্বের টাকা শিয়রে করে রাখতে হয়। তোমরা ৮ ইচ্ছায় ভাল প্রজা;—তোমাদের কষ্ট কি?” বীরুগোপের অনেক জমী ছিল। গেজেট তাহা বিশেষ জানিবার মানসে

জিজ্ঞাসিল, “বীরু, তোয়ার কত খানি জমী আছে?” বীরু কহিল, “পশ্চিম মাঠে কতকটা “ওট্ বন্দী” আছে। পূর্ব মাঠে বিধা চল্লিশেক ভাগযোতে করিয়া থাকি। তন্মিত্ত নিজের খাজানার জমীও আছে, আর কিছু কিছু ব্রহ্মোত্তরও চষিয়া থাকি।” তাহা শুনিয়া গেজেট পুনর্বার জিজ্ঞাসা করিল, “ঘোষের পো, “ওট্ বন্দীর” কত টাকা মাল্গুজারী লাগে?” বীরু কহিল, “তাহার নিয়ম নাই। যে আন্দাজ জমী আবাদ হইয়ে উঠে, ফসলের মুখে তাহাই মাপ্ হইয়া নিরিখ্ মত সেই আন্দাজ ভূমির মাল্গুজারি দিবে থাকি। আর ভাগযোতে যাহা আবাদ করি, তাহার খাজানা লাগে না। উৎপন্ন শস্যের অর্দ্ধেক আমি পাই। বাকী অর্দ্ধেক যাহার জমী, সেই লয়। খরচখরচা সকলি আমার। কিন্তু, বিশ্বেস মশাই, আমাদের কায়িক শ্রম ও জন্মানুষের যে কত খরচা,—তা আপনারা সব জানতে পারেন না।” গেজেট যেন জন্মেও কখন চাষবাস করে নাই, এমনি ভাবে বীরুগোপকে কহিল, যে “বাপু, আমরা কিনে আনি খাই, চাকরি করি,—এই জানি। ও সব আমরা কি জানি?” বীরুগোপ কহিল,—“দেখুন, চোৎবোশেখ্ মাসের রোদে যখন আপনারা ঘরে হ’তে বাহির হ’তে পারেন না,—তখন আমরা খালি মাথায় মাঠে লাঙ্গল দেই। হুঁপুরের পর একবার এক মুটো ভিজ্জে চাল্ জল খেয়ে যথাকালে ঘরে এসে ভাং খাই। তায় যদি আবার মাটিখানা শক্ত হয়, তবেই চাষার আর কষ্টের শেষ থাকে না। বোশেখ্ মাসে আকাশপানে রাত্রিদিন চেয়ে থাকতে হয়, তাতে যদি দেবতা সদয় হয়, তবেই চাষার মঙ্গল;—নচেৎ অনেক কষ্টে মাটিখান্ তয়ের হয়। তা’র পর বুনিতে আরম্ভ করি। গাছ্ গুলি কিছু কিছু ডাগর্ হ’লে নিড়ে দেই,—তা’র ছিড়ে নেই। ও আবশ্যক মতে রোপণ করি। তা’রপর ছেঁচ্ দরকার হ’লে চাষার

মৃত্যু! কোন কোন খানে জল পাওয়া যায় না। কোন কোন খানে দূরে হ'তে জল আনতে হয়। আর অনাবৃষ্টি হ'লে কেবল ছেঁচনী দ্বারা শস্য রক্ষা হয়, ও অতি বৃষ্টি হ'লে ফসল মারা পড়ে। ধান্ পাঁকিবার পূর্বে ঝড়বৃষ্টি ভারি হ'লে চাষা এক গাছি খড় ও পায়না। জমীদার হাজা-গুকোর কোন ওজর শুনে ন। যিনি বড় দয়ালু, তিনি “কিন্তী-বন্দী” করে মাল্গুজারী ল'তে সম্মত হন। যাঁদের ঘরে দশজন লোক আছে, তাঁদের কতক ভাল,—জন্থরচা অন্ন পড়ে; যাঁদের তা নেই, তাঁদের ইস্তক্ লাঙ্গল দেওয়া অবধি নাগাদ কাটা পর্যন্ত সকলি খরচ। আর যে সকল গ্রামের নিকট হইয়া কোম্পানীর রেইল রাস্তা গিয়াছে, সে সকল গ্রামে জন্মজুর মেলা ভার,—অনেকেই এখন চাষ বাস ছেড়ে রেইলের চাকুরি কছে। গেজেট্ মশাই, আর কি বলবো!—

“যত ছিল নাড়া বুনে,

সব হলো কীতুনে।”

যাঁদের সপৎসরে একটু বস্ত্র যুড়তো না, তাঁরাও এখন হলুদে পাগড়ী মাথায়, রুল হাতে, সড়কের ধারে দাঁড়িয়ে আছে। আমরা যে চাষা—সেই চাষাই আছি। কিন্তু পূর্বপুরুষের বিত্তি ছাড়া যায় না। কালে কি হ'বে, তা ভগবান্ জানেন! এই দেখ, বেলা প্রায় অপরান্ন, ও পৌষপার্বণের দিন, তবু এখনও এক মুটো খাই নাই। ক্ষেতে কাটা ধান্গুলীন পড়ে রয়েছে, এবং কাটতেও অনেক বাকী আছে। দুইজনা কৃষাণ ক্ষেতে হ'তে ধান্ বয়ে আন'চে, দুজনায় কাট'চে। বাটার স্ত্রী-লোকেরা অবকাশমতে সেই ধান্ গোলাজাৎ কছে। পৌষ ও মাঘ মাস এক জনাকে অষ্ট প্রহর চৌকী পহরা দিতে হয়,—নচেৎ এক রাত্রের মধ্যেই চোরে কাটা ধানের অর্ধেক চক্ষুদান দেয়। সীমান-

দারেরা সর্বদা মাঠে থাকেনা, আর কখন কখন স্রয়োগ পেলে চোরের সঙ্গে যোগ দেয়। আর দেখ, গেজেট্ মশাই, বুঝি ধান্চোরের শাস্তি নাই”। গেজেট্ কহিল, “সে কেমন?” বীরু কহিল, “পুলিস্ একলা পথের মাবাপ্। গত সন মাঘ মাসে—আমার ক্ষেতে হ'তে দশ পণ “বোনবোঁটা” ধান্ চোরে যায়। আমি আগে ভয়ে থানায় জানাই নাই, বলি যাক্—গেচে। কিন্তু চৌকীদার গিয়া থানায় সমাচার দিবায়, বিকটাকার, কালোপোশাকপরা, কএক জন লোক আমার ঘরে হঠাৎ উপস্থিত! তাঁদের দেখেই আমার চক্ষুঃস্থির হলো। গুলেমে—তাঁরা “কনিষ্টবল”। আমাকে জিজ্ঞাসা করিল, “মাল্ কাঁহা হয়?” আমি ভয়ে কাঁপতে কাঁপতে বল্লেমে, যে “হারা ও তারার ঘরে পাওয়া যাবে। তারা বদ্ লোক। পুলিস্ তাঁদের খানাতল্লাষ করে আমার সমস্ত “বোনবোঁটা” ধান্ বার কল্লেক। হারা ও তারা কখন এক কাঠা জমীও আবাদ করে নাই। তারা বল্লে, যে “এ আমাদের ক্ষেতের “কণকচুর” ধান্”। পুলিস্ ঐ চোরা ধান্য আমার ক্ষেতের ধানের সঙ্গে মিলন করে দেখলেক, যে ঐ “বোনবোঁটা” ধান্ বটে। তাহার পর থানায় গিয়া রিপোর্ট দিল, যে ঐ ধান্ হারা ও তারার ক্ষেতের “কণক-চুর” ধান্,—আমার “বোনবোঁটা” ধান্ নহে। ও আমাকে বল্লেক্ “আমরা বি [B. Form.] ফর্মে” রিপোর্ট দিলাম। আমি তাহার মর্শ্ব কিছুই বুঝতে না পেরে, হালদারের বাড়ী গিয়ে জিজ্ঞেস্ করলেমে, যে “এ কথা কি?” হালদার মশাই বল্লেন, যে “বীরু, তোর কপাল ভাল যে “ডি [D. Form.] ফর্মে” রিটন্ দেয় নাই”। আমি সেই কথায় বুঝ্লেমে, যে মোকদ্দমায় আমারি এক প্রকার জয় হয়েছে; ও জয়চণ্ডীর পূজা দিয়ে ঘরে এলেমে। গেজেট্ মশাই,

বিবেচনা করুন, যে পুলিশের অসাধ্য কর্ম নাই। যাহার জমী নাই, তাহাকে জমী দেয়,—ও সবটিন্ “বোনবোটা” ধান্কেও “কণক্-চূর” বানাইতে পারে। তা’র পর শুনলেন, ফৌজদারির সাহেব মোকদ্দমা “ডিস্‌মিস্” করে আমার “বোনবোটা” ধান্ তাহাকে দেবার হুকুম্‌ দেন্। এই বিচার!” গেজেট্‌ গালে হাত দিয়া আদ্যোপান্ত বীরগোপের কথা শুনিল। ও দীর্ঘনিশ্বাস ছাড়িয়া কহিল, “তোমাদের অনেক কষ্ট বটে, কিন্তু—তবু তোমরা এক প্রকার আপন বশ বট। ভাই,—রাজসেবায় স্থখ নাই। কৃষিকার্যের প্রতি কমলার রূপাদৃষ্টি আছে।” বীরগোপ কহিল, “তাতো এই শুনলে।” গেজেট্‌ কহিল, “আমরা পরাধীন ও পরান্নজীবী;—এক প্রকারের তিস্কুক্‌ কহিলেও হয়। “নাই—নাই” ভিন্ন আমাদের মুখে আর রব নাই।” ইহা কহিয়া গঙ্গাধর গেজেট্‌ গা তুলিল। বীরগোপ কহিল, “আর এক বার তামাক্‌ খান্।” ও সেইরূপ খোঁকা তামাক্‌ গেটে কলিকায় সাজিয়া ঘুঁটের আঙুণে ধরাইয়া গেজেটের হাতে দিল। গেজেট্‌ দুই এক বার তাহা টানিয়া ছুঁকা রাখিল। ও “বেলা যায়” বলিয়া উঠিয়া পড়িল। সম্মুখে স্তূপাকার গোবরের চিপি দেখিয়া, নাকে হাত দিয়া জিজ্ঞাসা করিল, “বীরগোপ, তোমরা এত গোবর কি কর?” বীর কহিল, যে “স্ত্রীলোকেরা গোবরনেদি দিয়ে শুষ্ক করে। সেই ঘুঁটে পাক্‌-শালায় কাঠের ন্যায় ব্যবহার করে, ও কতক বা বিক্রয় হয়। আমাদের পল্লীগ্রামে কুবিলোকেরা ও আর আর ইতর ব্যক্তির কেউ কাঠ কিনিয়া রসুই করে না। যাদের গরু নাই, তা’রা ঘুঁটে কিনে রসুই করে।” গেজেট্‌ হাসিয়া কহিল, “এতে তো বিলক্ষণ কাঠের সাশ্রয় আছে। না—ভাল বটে।” গেজেট্‌ এমত কাচ কাটিলেন, যে ঘুঁটে যেন কখন

চক্ষে দেখেন নাই,—ও সম্পত্তি জাহাজ্‌ হইতে নামিয়াছেন। গেজেট্‌ অতঃপর ছড়ি হাতে লইয়া গমনোদ্যত হইয়া বীরগোপকে জিজ্ঞাসিলেন, যে “তোমাদের সকলেরি কি চাষ্‌ আছে?” বীর কহিল, “সকলেরি অল্প বিস্তর কিছু কিছু জমী আছে, আর কেহ কেহ দধিছুগ্ধেরও ব্যবসায় করিয়া থাকে।” গেজেট্‌ তাহা শুনিয়া কহিল, যে “দধিছুগ্ধের ব্যবসায় তোমাদের অনেক লাভ আছে। অর্দ্ধেক দুধ, অর্দ্ধেক জল।” ইহা কহিয়া হাসিতে হাসিতে রহস্য করিয়া বীরগোপের পৃষ্ঠে চাপড়্‌ মারিল, ও মাথায় চাদর বান্ধিয়া ছড়ি হস্তে করিয়া প্রস্থান করিল। বীরগোপ নত শিরে নমস্কার করতঃ কহিল, যে “গেজেট্‌ মশাই, দুধেও ঘোলে জল ঢালা গোয়ালা জাতির স্বভাব।” ইহা কহিয়া বীরগোপ পুনর্বার নমস্কার করতঃ বিদায় হইয়া তামাক্‌ টানিতে লাগিল। গেজেট্‌ ছড়ি হস্তে করিয়া ভূম্যধিকারীর ভবনামুখে গমন করিল; ও সন্ধ্যার পর রাজাবাবুর সম্মুখে উপস্থিত হইয়া আমলাৎ সমস্ত কহিল। তাহার পর দফতরখানায় প্রবেশ করিয়া স্বকার্যে মন দিল।

### সপ্তম অধ্যায়।

সরোর মন্ত্রগ্রহণ ও সপত্নী বিনাশের মন্ত্রণা।

উত্তরায়ণের পূর্ব দিবস রাত্রিতে গঙ্গাধর গেজেট্‌ কাছারী হইতে বিদায় হইয়া আদিমাধব গোস্বামীর নিকট আইল; ও ভক্তিভাবে প্রণাম করিয়া তাহার সম্মুখে দাঁড়াইল। গোস্বামী হাত তুলিয়া গেজেট্‌কে আশীর্বাদ করিয়া জিজ্ঞাসিলেন, “সমাচার কি?” গেজেট্‌

কহিল, “প্রভো! সরস্বতী দাসী আজি হবিষ্য করিয়া আছে, কালি মন্ত্রগ্রহণ করিবেক”। গোস্বামী কহিলেন, যে “হাঁ—কালি দিন উক্ত বটে, এবং উত্তরায়ণ। প্রথম চারি দণ্ড বারবেলাস্তে স্নান করিয়া এখানে আসিতে কহিবে”। গেজেট্ “যে গাজে” বলিয়া পুনর্বার প্রণাম করিল; ও বিদায় হওন কালে গোস্বামীকে জিজ্ঞাসিল, “মন্ত্র এই খানেই দেওয়া হ’বে?” গোস্বামী কহিলেন, “তা’র বাধা কি? এ দেবালয়,—সহজেই পুণ্য ভূমী”। গেজেট্ কহিল, “তা বটে; মহাশয়ের নিকট অবিবেচনার বিষয় কি আছে। কিন্তু কালি আপনি অতি ব্যস্ত থাকবেন;—শুন্টি গ্রামে নাকি কথকতা হ’বে?” গোস্বামী কহিলেন, “ভাল মনে করেচ! বাপু, তুমিতো পিতৃ-সখা, যা’তে দশটাকা আমার লাভ হয়, তা’র উপায় করবে। সর্বপ্রকার লোককে আজি গিয়া বল, যে কালি শ্রীমহাগবত হ’বে,—যেন তাঁ’রা সকলে সভাস্থ হন”। গেজেট্ কহিল, “আমি আপনকার দাস। আমাহ’তে কোন ক্রটি হ’বেনা”। আদিমাধব কহিলেন, “বাপু, তোমারি ভরসা”। গোস্বামী আদিমাধবের শিষ্টাচারিতায় গেজেট্ আপনাকে কৃতকৃত্য জ্ঞান করিয়া ধরাবনত প্রণাম করিল; ও বিদায়হওন কালে কহিল, “প্রভো, সরস্বতী দাসীর প্রতি রূপাকটাক্ষ করবেন—সে অনাথা। কেবল ঐ চরণের ভরসা করিয়া আছে”। ইহা কহিয়া গেজেট্ পুনর্বার স্তুতি ও প্রণাম করিতে করিতে বিদায় হইল, ও গৃহে গমন করিয়া সরস্বতীকে সংবাদ পাঠাইল। সরস্বতী সপ্তম করিয়া প্রস্তুত আছে। পরদিন মন্ত্রগ্রহণ করিবেক। মন্ত্র গ্রহণের প্রস্তাবে গোস্বামী হর্ষযুক্ত হইলেন; যেহেতুক তদ্বারা যৎকিঞ্চিৎ লাভের সম্ভাবনা আছে। আদিমাধব গোস্বামী অর্থকীট ছিলেন; ও উপস্থিত মতে কাকিনীও ত্যাগ

করিতেন না। “কিসে ধনাঢ্য হইব”—মনে মনে এই কথা দিবানিশি জপ করিতেন। ভৃত্যটীও তেমনি, যেমন দেবতা—তেমনি ভূষণ। কথকতার প্রস্তাব হওনাবধি আর আলস্য ছিল না;—পাড়ায় পাড়ায় ঘোষণা দিতে লাগিল। ও ছোট বড় সমস্ত লোক ক্রমে ক্রমে জ্ঞাত হইল। ও দিগে পুরোহিতের বাটী পরিকার হইতে লাগিল।

পর দিন প্রাতে সরস্বতী প্রাতঃস্নান করিয়া চারিদণ্ডের পর যাত্রা করিল। ও প্রতিবাসিনী একজন স্ত্রীলোককে সঙ্গে করিয়া গোস্বামীর নিকেতনে আইল; ও ভক্তিতাবে তত্রত্য প্রতিষ্ঠিত দেবতাদিগকে প্রণাম করিয়া গোস্বামীকে অভিবাদন করিল। তাহার পর পা ধুইয়া গোস্বামীর পূজার ঘরে গিয়া বসিল। পরিধান তসরের ঠেঁটী, বাম হাতের অনামিকায় স্বর্ণাঙ্গুরী, গলায় তুলসীর মালা, তৎসঙ্গে একহালি সোণার দানাও আছে। বৈধব্যাবধি সরো অঙ্গে আর কোন অভরণ ধারণ করিত না। ভোজন নিরামিষ্য ও একাহার। কখন কখন বারব্রতও করিত। এইরূপে সরো সংশোধিতা হইয়া কুশাসনে বসিল। তাহার পর আঁচমন করিয়া প্রাক্কালিক মন্ত্র সকল ক্রমে ক্রমে পাঠ করিল। গোস্বামী পূজা সমাধা করিয়া সরোর কাণে কাণে বীজমন্ত্র কহিলেন। সরো মন্ত্র গ্রহণ করিয়া গোস্বামীর পা পূজা করিল, ও দক্ষিণা “যৎকিঞ্চিৎ কাঞ্চনমূল্য” দিয়া গোস্বামীকে ধরাবনত প্রণাম করিল; ও গলায় বস্ত্র দিয়া অক্ষপূর্ণনয়নে গোস্বামীকে স্তব করিল, ও সবিনয়ে নিবেদন করিল, “ঠাকুর, আমার প্রতি কটাক্ষ করে আমার যে সকল ছঃখ আছে তা দূর কর। আমার ছঃখের কথা আর কি নিবেদন করবো!—আমি পতিশোকে কাতর! তার পর, যে সতিন্ আছে, সে আমার শক্তিশেল হয়েছে! ঐ রাক্ষসী যা’তে মরে, আপনি তা’র উপায় বলেন!”

আমার সতিনের নাম লক্ষ্মী। কুমুদ নামে তার এক ভগ্নী আছে ;—সে এক স্বপ্ননখা! না তো নিকষা। ঠাকুর, আমার সতিনের কুল আমার শূল হয়েছে, যাঁতে তাঁরা নিশ্চুল হয়, আপনি এই কল্লে আমার পৃথিবীতে থাকা হয় ;—না হয় তো আমি গেলেম্!” ইহা কহিয়া সরো বহু বিলাপ করিল। গোস্বামী আজ হইয়া কহিলেন, “গোবিন্দ স্মরণ কর,—সকল হুঃখ দূর হ'বে। আমি ভূর্জপত্রে তোমাকে রক্ষক কবচ লিখিয়া দিব। তাঁতেই তোমার রক্ষা হ'বে। সরো কহিল, “ঠাকুর, আমার রক্ষা কি?—আমি শত্রু ক্ষয় চাই। যাঁতে সতিন মরে, সেই কবচ দেও। আর ছোট ছুঁড়ী—তাঁর ভগ্নী যাঁতে রাঁড় হয়, সেটাও আমার মনের মানস। গোস্বামী কহিলেন, যে “অর্থে না হয় এমত কার্য নাই। তুমি দশটাকা ব্যয় কর, আমি তোমাকে “সংহার কবচ” লিখিয়া দিব।” সরো কহিল, “তাঁতে কি হ'বে?” “তাঁতে তোমার শত্রুকুল নিশ্চুল হ'বে, এবং তোমারও ফাঁড়া কাটবে।” “তা যদি হয়, তবে আমি সর্কস্ব দিতে প্রস্তুত আছি। কেবল সতিন মরুক, ও ছোট ছুঁড়ী বিধবা হোক।” তা হ'বে, তুমি উতলা হইওনা। মস্ত্রে না হয় এমত কর্ম নাই। আমি সময় বুঝে তোমাকে ডেকে পাঠাব।”

সরো এইরূপে আপনাকে কৃতার্থ জ্ঞান করিয়া গোস্বামীকে প্রণাম করতঃ বিদায় হইল, ও মনে মনে বিবেচনা করিল, যে “এইবার “আলক্ষ্মীকে” দূর করিব, ও কুমুদের স্নহ হাত হ'বে ;—ছুঁড়ীর ঠেকারে পৃথিবীতে পা পড়ে না।”

দীক্ষিতা সরো বিদায় হইলে, গোস্বামী উপস্থিত আর আর ব্যক্তি-দিগকে মন্ত্রদান করিলেন। প্রাচীন ভূত্য পয়সার কাঁড়ি করিল।—

সকলি দক্ষিণা। গোস্বামী তদৃষ্টে পুলকিত হইয়া “গোবিন্দের ইচ্ছা!” বলিয়া গা তুলিলেন। অভিনব শিষ্যেরা গোস্বামীকে প্রণাম করিয়া বিদায় হইল।

## অষ্টম অধ্যায়।

কথকতা ও সরোর অপমান।

দীক্ষিতা সরো দেবালয় হইতে আসিয়া রাজাবাবুর বাটীর অন্তঃ-গুরে প্রবেশ করিল; ও সন্ত্রমে গৃহিণীকে প্রণাম করিয়া কহিল, “মা আমার মস্ত্র নেওয়া হলো।”

গৃহিণী কহিলেন, “যা আজ তোর জন্ম সাথক্ হলো। গোস্বামীকে কি দিলি?”

“মা—যেমন সঙ্গতি। একটা ষোড়্ ও ছ' টাকা নগদ্। এর কমে আর দেওয়া যায় না।”

“মন্দ কি; তোর যেমন সময়।”

“যদি আমার সে দিন থাকতো, তবে গুরুকে দশ টাকা অনা'মে দিতে পাওতেম্।”

“কথা কখন বসবে?”

“মা—ও বেলা—এই গুন্টি।”

“তবে যা—এখন খাবার উদয়ুগ্ কৰ্গে।”

ইহা কহিয়া গৃহিণী গৃহান্তরে প্রবেশ করিলেন। সরো মনে মনে করিল, যে মস্ত্র লওয়া সে কেবল আমার একটা উপলক্ষ মাত্র।

কবচটীধারণ করা সেই আমার মনের কথা; তা আমার হয়েছে।  
গোস্বামী তা বলেচেন দেবেন।

বোধ হয় সরস্বতী বিবেচনা করিয়াছিল, যে গোস্বামী তাহাকে  
ভূর্জপত্রে যে কবচ লিখিয়া দেওয়ার কথা কহিয়াছেন, তাহাতেই তাহার  
চির শত্রু সপত্নীর সংহার হইবে, এবং তদ্বারা তাহার ভগ্নীরও বৈধব্য  
ঘটিবে। তাহাতে এক পক্ষে সরোর ভরসার উদ্বেগ হইল। কিন্তু  
গোস্বামী তাহার করকোম্পী দেখিয়া যে ইঙ্গিত করিয়াছেন, যে “তোমার  
ভারি ফাঁড়া আছে,” তাহা মনে করিয়া সরোর উদ্বেগ জন্মিতে  
লাগিল। কিন্তু সরো মনে মনে এই স্থির করিল, যে “হয় আমি মরি,  
কিন্তু সেই মরে,—এক একখানা হ’বেই। শুনেচি যে লক্ষ্মী অনেক  
গুণ জানে। যদি কোন গুণ করে আমাকেই সে উচাটন করে—তারি  
বা আশ্চর্য্য কি?—সতিনের ভাব পরস্পর সমান। ভাগ্যে যা থাকে  
হ’বেই। এখন তার ভাবনা কল্পে আর কি হ’বে।” ইহা কহিয়া সরো  
রন্ধনারস্ত করিল।

এখানে গৃহিণী কন্যাগণকে লইয়া পুরোহিতের বাটীতে কথা শুনিতে  
যাইবেন তাহার উদ্যোগ করিতে লাগিলেন।

ওখানে আদিমাপব গোস্বামী আহারান্তে বিশ্রাম করিয়া বসিয়া  
আছেন,—সন্দের কথারস্ত হইবে। বেলা প্রায় তৃতীয় প্রহর হইল;  
প্রাচীন ভৃত্য গোস্বামীর গমনের আয়োজন করিতেছে। গোস্বামী  
অতঃপর পীতাম্বরী ঘোড় পরিধান করিয়া তিলকসেবা করিতে  
লাগিলেন। সর্কাসে হরিনামের ছাব্। গৌরাঙ্গরূপ, তাপুলরসে অধরোষ্ঠ  
লোহিতবর্ণ। পুরোহিত ভট্টাচার্য্যের বাটীর উঠান পূর্কালেই পরিস্কৃত  
হইয়াছে। উপরে বালাকের ন্যায় লোহিতবর্ণ চন্দ্রাতপ, দুই দিকের

চকের ঘরে উপরনীচে চিত্রিত স্বস্ত চিক্ পড়িয়াছে,—কুলঙ্গীরা তাহার  
অভ্যস্তরে বসিবেন; অপরাপর স্ত্রীলোকেরা অনাবৃত ঘরে বসিবেন।  
উঠানে বিবিধবর্ণের আসন পড়িল। স্থানের অভাব নাই। গোস্বামীর  
ব্যাসাসন সকলের দৃষ্টিগোচর স্থানে হইল। দেখিতে দেখিতে বেলা  
তৃতীয় প্রহর অতীত হইল। আহত, অনাহত, লোকেরা আসিতে  
আরম্ভ করিল। চিকের মধ্যে আর তিলাক স্থান নাই। স্ত্রীলোকে সমস্ত  
পরিপূর্ণ হইল। বোধ হয় স্ত্রীলোকের সংখ্যাই অধিক হইবে। গ্রামস্থ  
ছোট বড় সমস্ত লোক আসিয়া যুটিল। তদনন্তর, দীর্ঘাকার কৃশতনু  
জগদ্বিহিত গঙ্গাধর গেজেট আসিয়া উপস্থিত হইল,—হাতে যষ্টি, মাথায়  
চাদরনির্মিত পাগড়ী, অঙ্গে অঙ্গরাখা। সভাস্থ হইয়া অগ্রে চতুর্দিক্  
নিরীক্ষণ করিল; ও উপর চকে চারি দিকে চিক্ পড়িয়াছে, উর্ক দৃষ্টে  
অবলোকন করিয়া সংকল্পিত কর্তার ন্যায় “বেশ্ বেশ্” বলিয়া  
আসীন হইল। এই সময় উপর প্রকোষ্ঠে কোন কোন স্ত্রীলোকেরা  
মুহুরে কহিতে লাগিল, “এই যে,—তাইতো বলি,—গেজেটী কোথা?  
পোড়া গেজেটী সর্কত্রেই আছেন,—ইস্তক রাজঘার নাগাদ্ বেনের  
দোকান। যেখানে গেজেটী নাই, সে স্থানিই নয়।”

পাঠক মহাশয়রা প্রণিধান করিয়া থাকিবেন, যে কেহ মান্য করুক  
বা না করুক, গঙ্গাধর গেজেট্ সর্কত্রেই কর্তৃত্ব করিতেন। গেজেট্  
সভাস্থ হইয়া দেখিল, যে কথক ঠাকুর আইসেন নাই। ও “সে কেমন?”  
বলিয়া ঈষৎ চিন্তা করিতে লাগিল। ও সর্কধ্যক্ষের ন্যায় ডাকিয়া  
কহিল, “ওহে—লোক পাঠাও।” তাহাতে সভাস্থ জনেক সায় দিল,  
“যে আজ্ঞে, যে আজ্ঞে, গেজেটী মশাই।”

এমতকালে গোস্বামীর প্রাচীন ভৃত্য আসিয়া দেখা দিল। স্বস্তে



লাল বনাতের আসন। এক হাতে পুঁথি। অপর হাতে এক খানি পাট্‌করা গামোছা। দেখিতে যেন চাঁপাফুলের বর্ণ। কথকের ভৃত্য আসাতে সেই সময়ে একটা গোল হইয়া উঠিল।

জীলোকেরা “কথক আস্‌চেন”—“কথক আস্‌চেন” বলিয়া ব্যস্ত হইল। স্ববর্ণালঙ্কৃত। স্নবেশিতা যুবতী নারীরা প্রথামতে চিকের অব্যবহিত অন্তরে বসিয়াছিলেন, কথকের আগমন বার্তা শুনিয়া সমুৎসাহে আশু তাঁহার পূর্ণ দৃষ্টি জন্য হৃদয় চিকের কাঠি গুলিন ক্রমশঃ কোমল করে বিচ্ছেদ করিতে লাগিলেন।

অপরাপর জীলোকেরা ঠেলাঠেলি করিয়া চিকের নিকটে আইল। কেহ বা কথককে অগ্রে দেখিবার জন্য উঠিয়া দাঁড়াইল। এমত সময় গোস্বামী আসিয়া উপনীত হইলেন। ও পাদ প্রক্ষালন করিয়া ব্যাসাসনে উপবেশন করিলেন। তাহার পর কথারস্ত হইলে গঙ্গাধর গেজেট্‌ “হরিবোল্”—“হরিবোল্” বলিয়া রব করিলে, শ্রোতারা হরিধ্বনি দিল, ও শ্রীকৃষ্ণের জন্মকাণ্ড ও পুতুনাবধের উপাখ্যান পড়িল।

আদিমাধব গোস্বামী বিলক্ষণ স্বরবান্ ছিলেন। এবং কথকতার এমত কৌশল জানিতেন, যে প্রথম প্রস্তাব ব্যাখ্যা করিতে না করিতেই চারিদিক্ হইতে ধন্যবাদ পাইতে লাগিলেন। এতদ্ভিন্ন পেলা যে কত পড়িল, তাহা বলা যায় না। খালা, ঘটা, বাটা, বাটি, বড়া, গাছু, এত পড়িল, যে তাহার ঠন্থনানি শব্দে কথকতার স্থান কাঁসারি পাড়া হইয়া উঠিল। আদিমাধব বসুদেবের শিশুস্বতকে সাবধানে যমুনা পার করিলেন। নিশি ঘোর অন্ধকার। এবং সে সময় মন্দ মন্দ বৃষ্টিও হইতেছিল। তখন নদী পার হইবারও কোন উপায় ছিল না। পর দিন নন্দালয়ে পুতুনা আসিয়া শিশুকে স্তন্য পান করাইয়া আপনি বিনষ্ট হইল।

আদিমাধব তাহার বিচিত্র বর্ণনা করিলেন। শিশুর প্রাণরক্ষা হইল। চারি দিকে হরিধ্বনি পড়িল। এই সময় উপর প্রকোষ্ঠে লক্ষ্মী-সরস্বতীর কলহ আরম্ভ হইল। নীচে পুতুনাবধ, উপরে সপত্নীর বিবাদ;—উভয় গোলযোগে নীচে উপরে আর কাণপাতা ভার। আমরা উপরে প্রকাশ করি নাই যে রাজাবাবুর মাতা ও কন্যাঘরের শিবিকা অন্তঃপুর হইতে প্রস্থান করিলে, সেই সঙ্গে সরস্বতীও আসিয়া উপরে বসিয়াছিল। যে হেতুক পুষ্পের সঙ্গে কীট থাকিলে সঙ্গুণে তাহা সুরমাখায় উঠিয়া থাকে। এবং গ্লোলাপকুমারীর সহকারীতায় লক্ষ্মীমণি ও কুমুদিনী উভয়েই উপরে বসিয়াছিল। অনতিবিলম্বে সপত্নীগণের পরস্পর চাক্ষুষ হইল। ও সরো কহিল “আমার কোথাও স্থান নাই,—আলক্ষ্মী সঙ্গে সঙ্গে!” লক্ষ্মী উত্তর করিল—“ছুটু সরস্বতী দূর হয় তো গ্রাম বাঁচে!” এই কথায় কন্দলের স্ত্রপাত হইলে, উভয়েই গর্জিয়া উঠিল। তাহা শুনিয়া “কথা শোনা মাখায় থাক” বলিয়া অনেকে উঠিয়া দাঁড়াইল। ও নীচে হইতে বারম্বার “চুপ্”—“চুপ্” শব্দ হইতে লাগিল। গঙ্গাধর গেজেট্‌ ডাকিয়া কহিল—“বেটরে, ক্ষান্তহ। যেখানে মেয়ে, সেই খানেই কি গোল কন্দল!”

এমতকালে রাজাবাবুর মাতা মধ্যে আসিয়া উভয়কে নিরস্ত করিলেন, ও সরোকে কিঞ্চিৎ অসমাদরে স্থানান্তরে বসাইলেন। কিন্তু সরো আপনাকে অবমানিতা বোধ করিয়া উঠিয়া গেল। জাতক্রোধে তাহার অন্তর্দাহ হইতে লাগিল, অবমানে সরো মৃত প্রায় হইল তাহার কিঞ্চিৎক্ষণ পরে কথা ভাঙ্গিল। জীলোকেরা পিল্ পিল্ করিয়া বাহির হইল, ও পিপীড়ার ন্যায় সারি সারি চলিল। বড় মানুষের মেয়েরা শিবিকায় আরোহণ করিলেন। কাহারের কলরবে কাণ পাতা যায় না।

উড়েরা পালকী কান্ধে করিয়া বকাবকি করিতে লাগিল। কেহ কহে, “মোহর সওয়ারিরে দ্বিটা মাইকানা বসিল,” কেহ কহে “ইথিরে গোটেই পিলা পসিল,—মু কিম্ভি য়িবি?” প্রায় এক দণ্ড এই গোল-মালে গত হইল। তাহার পর পুরুষেরা ক্রমে ক্রমে বিদায় হইল। সকলের মুখেই কথকের যশ। পথে ঘাটে কেবল ঐ কথা।

কথক ঠাকুর বিদায় হইয়া বাসায় আইলেন। ও সায়াংসন্ধ্যা করিয়া বসিলেন। এমত সময় স্থানে স্থানে হইতে শীতল পানীয় ও জলযোগের দ্রব্য আসিতে লাগিল। ক্ষীর, সর, ছানা, চিনি, ছাঁচি পান, বাসায় ঢেরি হইয়া উঠিল। পথে কেবল মেয়ে।

“হাতে মণ্ডা কাঁখে দই,

কথক ঠাকুরের বাসা কই?”—

মুখে কেবল এই রব। কিন্তু আদিমাধবের কিছুতেই মন নাই,— কেবল রজত। তৎপরে গোস্বামী কিঞ্চিৎ জলযোগ করিয়া বিশ্রাম করিতে লাগিলেন। প্রাচীন ভৃত্য যত পারিল খাইল, অবশিষ্ট শীতল সামগ্রী গোস্বামী অতিথি ও অভ্যাগতদিগকে দিলেন। তাহার তাহা ভোজন করিয়া পরিতুষ্ট হইল। কাঁচা সামগ্রী শ্রীপাঠে প্রেরণ করা অসাধ্য। তৈজস ও বস্ত্রাদি যাহা পেলা পড়িয়াছিল, তাহা প্রাচীন ছল্লভ সাবধানে পেটিকার মধ্যে রাখিল। ছল্লভের ভয় আছে “মা গোস্বামী” প্রতি দিনের হিসাব লইবেন।

## নবম অধ্যায়।

অন্তঃপুরের বার্তা ও সরো ও গেজেটের মন্ত্রণাদি।

পুণ্য দিন উত্তরায়ণের প্রারম্ভে পুণ্যবতী নারীরা প্রত্যুষে পতিত-পাবনী স্মরণীয় পবিত্র বারিতে প্রাতঃস্নান করিয়া পুণ্যস্থান করিয়া থাকেন,—তাহা এতদেশীয় লোকাচারসিদ্ধ। রাজাবাবুর জননী তদনুযায়ী স্নান আঙ্গিক করিয়া অন্তঃপুরের নিম্ন প্রকোষ্ঠে বসিয়া আছেন, এমত কালে গোলাপকুমারী আঙ্গিয়া তাঁহার পার্শ্বে দাঁড়াইয়া অতি চিন্তিতের ন্যায় অধোবদনে হস্তাঙ্গুলির নখ খুঁটিতে লাগিলেন। মাতা তাহা লক্ষ করিয়া ক্ষণেক মৌন থাকিয়া জিজ্ঞাসা করিলেন, “কিগো মা—ভাব্চো কি?—কথা কি?” গোলাপকুমারী সজল নয়নে কহিলেন, “মা, আমার এক বিষয়ে বড় মনোহুংখ হয়েছে। এই গ্রামে আমরা পুরুষানুক্রমে বাস করিতেছি,—কখন কেহ কোন বিষয়ে মন্দ কথা কহে নাই। এখন লোকে কাণাকাণি করিতেছে যে রাজাবাবুর জন্যে বুকি আমাদের গ্রাম হইতে বাস উঠিবেক। দাদাবাবু ইদানীং কিছু অন্যায় করিতেছেন।” মাতা কহিলেন, “কি অন্যায়?” গোলাপ কহিল, “দাদাবাবু নাকি বিশ্বাসদের আকের জমীটুকু নিচ্ছেন। সেই তাদের খাবার সংস্থান। শুন্চি নাকি সেই খানে বৈঠকখানা করবেন। বিশ্বাসদের কুমুদ আমার কাছে এসে সে সব কথা বলে গেল। এই সমস্ত গঙ্গাধর গেজেটের কর্ম। সেই ভাঙ্চে—সেই গোড়্চে। দাদাবাবুর সে এখন এমন প্রিয়, যে গেজেট্ উঠ্চে বললে উঠেন, বস্চে বললে বসেন। মা আমাদের কি শেষ এই হ'বে, যে আমরা গেজেটের হাত তোলা খাবো।” ইহা কহিয়া গোলাপকুমারী

অশ্রুপাত করিলেন। মাতা কহিলেন, “গোলাপ, কাঁদিস্ নে,—আমি যত দিন বেঁচে আছি, তত দিন কাহারও কিছু ক্ষমতা থাকবে না। কিসের গেজেট?—কে গ্রাহ্য করে। রলি ছুঃখির ছেলে অনেক দিন আছে, খেটে খাচ্ছে,—থাকু”। গোলাপ কহিল, মা—তোমার সংসারের মধ্যে দেখছি যে দেওয়ান মহাশয় একটি ধর্মভীত লোক আছেন। দাদাবাবুকে তিনি নাকি বলেছিলেন, “যে জমীখানি বিশ্বাসদের চিরকালের সম্পত্তি, তাহা হইতে তাহাদিগকে বলপূর্বক বঞ্চিত করা অন্যায় হইবে। তবে কত্রী ঠাকুরাণীকে অগ্রে জিজ্ঞাসা করি, তিনি যেমত বলেন—সেই মত হইবেক”! তাহাতে দাদাবাবু কহিলেন, “তিনি মেয়ে মানুষ, এ সকল বিষয়ের কি বোঝেন?” বাটীতে যে সরো ভাণ্ডারনী আছেন, তিনিতো এক স্থপর্ণখা,—যে কথাটি হয় গেজেটের কাণে তোলেন। গেজেট তাহা প্রকাশ করিয়া দাদাবাবুকে কহে। আর দাসীগুলিনতো এক একটি ধিকি। কাঁকেও কোন কথাটি ক'বার যো নাই। বিশেষতঃ সরো। এমন মেয়ে দেখি নাই মা। এক ভাঙ্গচে এক গড়্চে। কখন কাঁকে দয়া করে তা সেই জানে। বিশ্বেসরা যেন তা'র চোকের বালি হয়েছে। একি মা—পেটের ছুরিতে পেট্ কাটে! তারি তো জাতকুটুম বটে”। মাতা এই সমস্ত কথা শুনিয়া সরোষে কহিলেন, “গোলাপ তুই এখন যা। আমি এর প্রতিকার করবো। কেমন তোর দাদাবাবু, আর কেমন তার গেজেট, আর কেমন সরো ভাণ্ডারনী,—তা আমি বুঝবো”। ইহা শুনিয়া কৃতাস্বাসিতা গোলাপকুমারী প্রবোধ পাইয়া নিজ প্রকোষ্ঠে প্রস্থান করিলেন। পথে যাইতে যাইতে সিড়ির উপর সরস্বতীর সঙ্গে সাক্ষাৎ হইল। যে হেতুক গোলাপকুমারীর সঙ্গে কত্রী ঠাকুরাণীর যখন কথোপকথন হইতে-

ছিল, সরো অন্তঃপটে থাকিয়া তাহা আমূল্যে সকলি শুনিয়াছিল। গোলাপকে ঈষৎ দেখিয়া, সরো কপটতা পূর্বক জিজ্ঞাসিল, “দিদি ঠাকুরাণি, তুমি নাকি আমার উপর রাগ করেচো?” গোলাপ কহিলেন, যে “আমার রাগে তোমাদের কি হয় বল”। ইহা কহিয়া সক্রোধে উপর প্রকোষ্ঠে উঠিলেন। ও তাহার পর সরো কত্রী ঠাকুরাণীর নিকট আসিয়া জিজ্ঞাসা করিল, “মা, দিদি ঠাকুরাণি কি বলছিলেন? আমি তো কোন কথা কাকুই বলি নাই মা। বিশ্বাসদের ভাল হউক, মন্দ হউক, তা'তে আমার ভাল মন্দ কি আছে”। কত্রী তাহা শুনিয়া সক্রোধে কহিলেন, “সরো—তোরা উঠেছে”। সরো সেই কথা শুনিবামাত্র বাতাক্রান্ত কদলীদলের ন্যায় ব্যাকুলিত হইয়া সভয়ে কত্রীকে কহিল, “মা, আমি তো কোন দোষে দোষী নই, তবে আমার উপর এত কোপ কেন? আমি এক মুঠো অন্নের জন্যে আপন শ্বশুরকুল পরিত্যাগ করে আপনকার আশ্রয়ে আছি। আপনি কোপ করিলে আমার আর স্থান কোথা!” ইহা কহিয়া সরো রোদন করিতে লাগিল। কত্রী কহিলেন, “আমি শুনেছি যে তুই সব ঘরের কথা পরের কথা গঙ্গাধর গেজেটের কাণে তুলিস্, ও সেই গিয়া রাজাবাবুকে লাগায়। বিশ্বেসর জমীটুক্ যাচ্চে কেন? বোধ হয় গেজেটের দোষে। গোলাপ বলিল যে বিশ্বেসরা তোর চোকের বালি হয়েছে। হোক্ সতিন কি আর কার থাকে নাই—না নেই! বিশ্বেসর বড় মেয়ে লক্ষ্মী তোর সতিন। তা'র সঙ্গে তোর দিবানিশি কন্দল। তোদের কন্দলের জন্যে পাড়ার লোক টেঁকা ভার। দেখ্ দেখি, কালি সভার মাঝে কি কাণ্ড কল্লি, লোকে তো তোকেই ছি ছি কর্চে। আমি লজ্জায় মরি। হোক্ বেনে, এখনতো লক্ষ্মী পৃথক হয়েছে, তবে তোর তার সঙ্গে এত শত্রুতা কেন? সে বাপের বাড়ী

রয়েচে, তুই গতরু খাটিয়ে খাচ্চিস্। তবু তুই নরম হোস্ নে,—কি মেয়ে মা! যা তুই চলে যা। আমি তোকে চাইনে। ভাত ছড়ালে কাকের অভাব কি? সরো পুনর্বার সত্যে নিবেদন করিল, “মা তুমি কথাটা বুঝে রাগ কর। কত্রী সরোষে কহিলেন, “কথা কি বুঝবো লো? তুই মেয়ে মানুষ, অন্দরে থাকিস্,—গেজেটের সঙ্গে তোর এত কি যে দিবানিশি পরামর্শ?” সরো কহিল, “মা সে কথাই নয়, কেবল সে দিন কুমুদিনী এসে এই সকল কথা লাগিয়েচে। সে আমার সতিনের ভগ্নী কি না,—আমার যাতে মন্দ হয়, ছই ভগ্নীর দিবানিশি সেই চিন্তা। কত্রী কহিলেন, “কুমুদ তেমন মেয়ে নয়;—এমন মেয়ে একটি গাঁয়ের মধ্যে কারু বাড়ী দেখা দেখি। অনর্থক তার নিন্দে করিস্ না।” সরো কহিল “মা দেখ, লোকে বলে স্বামী মরিলে ছই সতিনে ভাব হয়, কিন্তু এমনি আমার কপাল, যে বিধবা হয়েও সতিনের কাঁটা। পুকুর ঘাটে স্নান করবার সময় লক্ষ্মীর সঙ্গে দেখা হয়,—সে এক ঘাটে, আমি এক ঘাটে, তবু ছুতো-নতা পেতে লক্ষ্মী কান্দল করে। মা—এ রোগের ওষুধ কি? আর দেখ মা,—যদি আমি গেজেটকে কোন কথা লাগিয়ে থাকি, তবে ছুটি চক্ষের মাথা খাই,—ও মলেও যেন গঙ্গা না পাই!” প্রগল্ভা ও সাহসিকা সরো এইরূপ বাগাড়ম্বর করিয়া কত্রীকে তরল করিল; ও শেষ কান্দিতে কান্দিতে কহিল, “মা—যদি আমার প্রতি লোকে এমন করে লাগে, তবে আমি কেমন করে থাকি। কত্রী কহিলেন, “যা আমি তা বুঝবো। এখন তুই ভাগুরে যা।” ছষ্টমতি সরো কপট রোদন পূর্বক পুরস্কৃতিকে ধরাবনত প্রণাম করিয়া স্বকার্যে প্রস্থান করিল, ও ভাগুরে বসিয়া নিঃস্বপ্নে ভাবিতে লাগিল, ও আপনা আপনি কহিতে লাগিল, “যদি আমি সেই কুমুদিনী ও লক্ষ্মীমণিকে ইহার প্রতিফল না

দেই, তবে আমি সংগোপের মেয়ে নই। আমার হিতৈষী সেই গঙ্গা-ধরগেজেটকে সহকারী করিয়া বিশ্বাস-কন্যার সর্বনাশ করব। দেখবো সে সর্বনাশী কেমন করে মেয়ের বিয়ে দেয়। আর যদিও সে আমার সতিনঝি বটে, ও আপন স্বামীর ঔরসে জন্ম, তা হলো হলো—বোয়ে গেল। পাঠকগণের স্মরণ থাকিবে, যে শম্ভুস্বরের এক বিবাহা দৌহিত্রী ছিল,—সে লক্ষ্মীমণির ছহিতা; স্মতরাং সরো ভাগুরণীর সপত্নী-স্মতা। সেই অনুচর কন্যার নানা স্থানে বিবাহের শুভ সম্বন্ধের প্রস্তাব ছিল, ও স্থানে স্থানে ছইতে কন্যা দেখিয়া গিয়াছিল। কিন্তু রীতিমত কেহই দেখে নাই। শম্ভুস্বর স্বজাতির কুলীন ছিল। কিন্তু কন্যাদায় এমনি কঠিন, যে কুলীন নাই মৌলিক নাই, যাহাকে কন্যা দিতে হয়, সেই দায়গ্রস্ত। লক্ষ্মীমণি বিধবা, ও দুর্ভাগ্যবশতঃ নিঃস্ব হওয়ায়, পিতা শম্ভুস্বর দৌহিত্রীদ্বায়ে বিব্রত হইয়াছিল। যাহা হউক, লক্ষ্মীমণির কন্যার বিবাহ বৃত্তান্ত আমরা উপযুক্ত অধ্যায়ে লিখিব। তিরস্কৃত সরো কত্রীর স্থানে বিদায় হইয়া স্বকার্যে প্রস্থান করিলে, কত্রী ঠাকুরাণী আঙ্গিক সমাংপন করিয়া বসিয়া আছেন, এমত কালে রাজাবাবু ভোজন করিয়া মাতার নিকট আসিয়া দাঁড়াইলেন; ও মুহূর্ত্তাষে জিজ্ঞাসা করিলেন, “মা—কথা কি?—আপনি কেন রুগ্ন হইয়াছেন?” বোধ হয় পূর্বোক্ত কথোপকথনের রাজাবাবু কথঞ্চিৎক্ষেপে ইঙ্গিত পাইয়া কিঞ্চিৎ বিমর্ষচিত্তে আহা করিয়া তথ্য লইবার জন্য মাতার নিকট আসিয়া-ছিলেন। মাতা সেই কথা আর গোপন না করিয়া কোন হেতুবাদ ব্যতীত রাজাবাবুকে একেবারে জিজ্ঞাসা করিলেন, “হাঁরে দেবেজ, এ সকল কি শুনি?”

রাজাবাবু কহিলেন “কি মা?”

রয়েচে, তুই গত্তর খাটিয়ে খাচ্চিস্। তবু তুই নরম হোস্ নে,—কি মেয়ে মা! যা তুই চলে যা। আমি তোকে চাইনে। ভাত ছড়ালে কাকের অভাব কি? ” সরো পুনর্বার সতয়ে নিবেদন করিল, “মা তুমি কথাটা বুঝে রাগ কর। কত্রী সরোষে কহিলেন, “কথা কি বুঝবো লো? তুই মেয়ে মানুষ, অন্তরে থাকিস্,—গেজেটের সঙ্গে তোর এত কি যে দিবানিশি পরামর্শ? ” সরো কহিল, “মা সে কথাই নয়, কেবল সে দিন কুমুদিনী এসে এই সকল কথা লাগিয়েচে। সে আমার সতিনের ভগ্নী কি না,—আমার ঘা’তে মন্দ হয়, ছুই ভগ্নীর দিবানিশি সেই চিন্তা। কত্রী কহিলেন, “কুমুদ তেমন মেয়ে নয়;—এমন মেয়ে একটা গাঁয়ের মধ্যে কার বাড়ী দেখা দেখি। অনর্থক তার নিন্দে করিস্ না। ” সরো কহিল “মা দেখ, লোকে বলে স্বামী মরিলে ছুই সতিনে ভাব হয়, কিন্তু এমনি আমার কপাল, যে বিধবা হয়েও সতিনের কাঁটা। পুকুর ঘাটে স্নান করবার সময় লক্ষ্মীর সঙ্গে দেখা হয়,—সে এক ঘাটে, আমি এক ঘাটে, তবু ছুতো-নতা পেতে লক্ষ্মী কান্দল করে। মা—এ রোগের ওষুধ কি? আর দেখ মা,—যদি আমি গেজেটকে কোন কথা লাগিয়ে থাকি, তবে ছুটি চক্ষের মাথা খাই,—ও মলেও যেন গঙ্গা না পাই!” প্রগল্ভা ও সাহসিকা সরো এইরূপ বাগাড়ম্বর করিয়া কত্রীকে তরল করিল; ও শেষ কান্দিতে কান্দিতে কহিল, “মা—যদি আমার প্রতি লোকে এমন করে লাগে, তবে আমি কেমন করে থাকি। কত্রী কহিলেন, “যা আমি তা বুঝবো। এখন তুই ভাগুারে যা। ” ছুইমতি সরো কপট রোদন পূর্বক পুরস্কীকে ধরাবনত প্রণাম করিয়া স্বকার্যে প্রস্থান করিল, ও ভাগুারে বসিয়া নির্জনে ভাবিতে লাগিল, ও আপনা আপনি কহিতে লাগিল, “যদি আমি সেই কুমুদিনী ও লক্ষ্মীগণিকে ইহার প্রতিফল না

দেই, তবে আমি সংগোপের মেয়ে নই। আমার হিতৈষী সেই গঙ্গা-ধরগেজেটকে সহকারী করিয়া বিশ্বাস-কন্যার সর্বনাশ করিব। দেখবো সে সর্বনাশী কেমন করে মেয়ের বিয়ে দেয়। আর যদিও সে আমার সতিনকি বটে, ও আপন স্বামীর ঔরসে জন্ম, তা হলো হলো—বোয়ে গেল। ” পাঠকগণের স্মরণ থাকিবে, যে শম্ভুসুরের এক বিবাহা দৌহিত্রী ছিল,—সে লক্ষ্মীগণির ছুইতা; স্মতরাং সরো ভাগুারণীর সপত্নী-স্মতা। সেই অনুচা কন্যার নানা স্থানে বিবাহের শুভ সম্বন্ধের প্রস্তাব ছিল, ও স্থানে স্থানে ছুইতে কন্যা দেখিয়া গিয়াছিল। কিন্তু রীতিমত কেহই দেখে নাই। শম্ভুসুর স্বজাতির কুলীন ছিল। কিন্তু কন্যাদায় এমনি কঠিন, যে কুলীন নাই মৌলিক নাই, যাহাকে কন্যা দিতে হয়, সেই দায়গ্রস্ত। লক্ষ্মীগণি বিধবা, ও দুর্ভাগ্যবশতঃ নিঃস্ব হওয়ায়, পিতা শম্ভুসুর দৌহিত্রীদায়ে বিব্রত হইয়াছিল। যাহা হউক, লক্ষ্মীগণির কন্যার বিবাহ বৃত্তান্ত আমরা উপযুক্ত অধ্যায়ে লিখিব। তিরস্কৃত সরো কত্রীর স্থানে বিদায় হইয়া স্বকার্যে প্রস্থান করিলে, কত্রী ঠাকুরাণী আঙ্গিক সমাপন করিয়া বসিয়া আছেন, এমত কালে রাজাবাবু ভোজন করিয়া মাতার নিকট আসিয়া দাঁড়াইলেন; ও মুহূর্ত্তাষে জিজ্ঞাসা করিলেন, “মা—কথা কি?—আপনি কেন রুগ্ন হইয়াছেন?” বোধ হয় পূর্বোক্ত কথোপকথনের রাজাবাবু কথঞ্চিৎক্ষেপে ইঙ্গিত পাইয়া কিঞ্চিৎ বিমর্ষচিত্তে আহ্বার করিয়া তথ্য লইবার জন্য মাতার নিকট আসিয়া-ছিলেন। মাতা সেই কথা আর গোপন না করিয়া কোন হেতুবাদ ব্যতীত রাজাবাবুকে একেবারে জিজ্ঞাসা করিলেন, “হাঁরে দেবেজ, এ সকল কি শুনি?”

রাজাবাবু কহিলেন “কি মা?”

মাতা। গ্রামের লোক তোমার অশশ করে কেন ?

রাজাবাবু। তা জানিনে। মা, সকল লোককে তুষ্ট করা ঈশ্বরেরও অসাধ্য।

মাতা। তা বটে। কিন্তু সকল লোকেই তো বলে যে পূর্বে আমাদের বাটার এমত ছিল না। স্বর্গীয় কর্তারা ভূমী দান করিয়াছেন, তুমি নাকি তা অপহরণ করচো।

রাজাবাবু। মা, সেটা কথার কথা। গঙ্গাধরগেজেট্ এক দিন আমাকে কহিয়াছিল, যে দ্বাদশ মন্দিরের নিকট যে ভূমীটুকু আছে, তাহাতে ভাল নাচঘর হয়। সেই জন্য সেই ভূমী পরিমাণ করা হইয়াছিল। রাজেরা স্তূত্রপাত করে নাই।

মাতা। মাপ হলো তো লওয়া কাঁকে বলে ? আমার কথা শুন ;— গ্রামে দুর্নাম হওয়া বড় দোষ। ব্রাহ্মণ রাজা হইলেও গ্রামস্থ উত্তম মধ্যম ও অধম লোকের সহিত গ্রাম সম্পর্ক রাখে। সেটা পরম্পর স্নেহ-সূচক। বিশ্বাসের ভূমী পরিত্যাগ কর। গোলাপকুমারী হুদিন হইতে বিমর্ষ আছে। সে কুমুদিনীকে অভিশয় ভাল বাসে। আর ছোট ভগ্নীকে অসন্তুষ্ট করা অনুচিত। সে মনের মধ্যে হুঃখ করিবে। যদি তা'র মনে হয় তো এক দিনের মধ্যে তো'র ঘর ছেড়ে শ্বশুর বাড়ী যাবে। তা'র আভাব কি। আমি কেবল স্নেহ ভেবে তা'কে পাঠাইনে।

রাজাবাবু। মা, এরূপ গ্রাম সম্পর্ক রাখিতে হইলে, শেষ এক কাঠাও ভূমী থাকিবে না;—হয় নয় তুমি দেখবে। তুমি আর কত দিন বা বাঁচবে। কিন্তু যদি আমরা বেঁচে থাকি, তবে কি প্রকারে জীবন ধারণ করিব। কেবল হরিনাম করে দিন বাপন হয় না। আর অটালিকা

দেখলেও পেট ভরেনা। গোলাপ শ্বশুর বাড়ী যায় তা'র খেদ কি। সেই তো তা'র ঘর।

রাজাবাবুর এইরূপ অললিত সত্য কথা শুনিয়া কর্তী অন্ত্যর্বাখিত হইয়া কহিলেন, “আমি লোকের মনঃপীড়া জন্মাইয়া সসাগরা রাজ্য পাইলেও গ্রহণ করি না। তো'র যা ইচ্ছে হয় কর। তো'র শকুনী মন্ত্রী সেই গঙ্গাধরগেজেট্ তো'র সর্বনাশ করবে। রাজাবাবু মাতার ক্রোধ বুঝিয়া নম্র হইলেন, ও সভয়ে কহিলেন, “মা, বরং ভূমী পরিত্যাগ করিব, কিন্তু আশ্রিত ব্যক্তিকে কদাচ ছাড়িব না। গঙ্গাধরগেজেট্‌র অনেক গুণ আছে। তবে গেজেট্ প্রায় সত্য কথা কহে না। তাহার কারণ এই, যে যা'রা অধিক কথা কয়, তা'রা সব সত্য বলে না। কিন্তু সে লোক ভাল। রাজাবাবুর মাতা ঈষৎ হাসিয়া কহিলেন, “আমি ঘরের কড়ি দিয়ে এমন লোককে বেচে ফেলি। আরো জেনো, যে সেই গেজেট্ ও সরো ভাণ্ডারগী উভয়েই ছুটমতি ও একআত্মা,—কোন দিন কি পরামর্শ করে, কা'র সর্বনাশ করবে, আমার সেই ভাবনা। তুমি গেজেট্‌কে ত্যাগ কর, ও বিশ্বাসের ভূমী ছেড়ে দেও, যে গ্রাম শান্ত হউক। নচেৎ তুমি জান—তোমার কর্ম জানে। আমি শেষ দশায় না হয় কাশীবাস করিব”। কর্তী ঠাকুরাণী ইহা কহিয়া ক্রোধ ভরে উপর প্রকোষ্ঠে গমন করিলেন। রাজাবাবু আহা'রান্তে বিশ্রাম করিবার জন্য মন্দ মন্দ গমনে প্রস্থান করিলেন। ঐ দিন সন্ধ্যাকালে সরোভাণ্ডারগী নদীতে গিয়া গা ধুইতে ছিল, এমত কালে গঙ্গাধর গেজেট্ ঐ পথ দিয়া যাইতে যাইতে সরো তাহাকে দেখিয়া কহিল, “একবার দাঁড়াও”। পাঠক-গণের স্মরণ থাকিবে, যে গঙ্গাধরগেজেট্ শব্দকে স্বজ্ঞাতি সম্পর্কে “দাদা”—“দাদা” বলিয়া সম্বোধন করিয়া থাকে। সরোভাণ্ডারগী

শম্ভু সুরের জ্যেষ্ঠা কন্যা লক্ষ্মীমণির সপত্নী। সেই সম্পর্কে সরোকে গঙ্গাধর স্বসম্পর্কীয়া জানিত। ও সরোর ও লক্ষ্মীর স্বামীর বিয়োগ হইলে, লক্ষ্মী পিত্রালয়ে আইল। সরো উক্ত গঙ্গাধরের অল্পরোধে ভূম্যধিকারীর বাটীতে ভাণ্ডারী হইল। কথিত আছে, যে উক্ত সরোর প্রতি গঙ্গাধরের স্নেহ ছিল। গঙ্গাধরকে দেখিয়া সরো সজল নয়নে অধোবদনে কহিল, “দেখ, আমার এখানে আর থাকা ভার”। গঙ্গাধর জিজ্ঞাসিল “কেন?” সরো কহিল, “লক্ষ্মীর ভগ্নী কুমুদ আসিয়া সে দিন তোমার ও আমার অনেক নিন্দে করে গেছে। সেই জন্যে মাঠাকুরানু আমাদের দুজনের প্রতি আত্যন্তিক রুষ্ট আছেন। আর গিন্নী যে কত কথা বললেন, তা’র কোন খান্ডা বলবো। “ভাত ছড়ালে কাকের অভাব নাই”—“তুই দূরহ”—“বেরো”। সেই অপমানে আমি মরে রয়েছি। আমি দাসী,—পেটের জন্য সহ্য কল্লেম। ঈশ্বর আছেন;—আমি অনাথা!” ইহা কহিয়া সরো রোদন করিল, ও বন্ধে করাঘাত করিতে লাগিল। এইরূপ মহা আড়ম্বরী করিয়া সূচতুরা সরো গেজেটকে আর্জ করিল। ও কাপড় কাচিয়া অশ্রুপূর্ণ নয়নে ঘাট হইতে উঠিল। গঙ্গাধর সায় দিয়া কহিল, যে “যা হয় পশ্চাৎ বিবেচনা করিব। তুমি পার তো একবার যাইও”। সরো কহিল, “যা’তে ঐ ছুই ছুঁ ডি অধঃপাতে যায়, তুমি তা’র উপায় কর। গেজেট কহিল, “কিন্তু আমি জানি যে কুমুদিনীর স্বভাব ভাল। তবে লক্ষ্মী কিছু চঞ্চলা বটে; ও সতিন সম্পর্কে সর্বদা তোমার অহিত চেষ্টা করে, একথাও শুনেচি। কিন্তু দেখ সরো, শম্মা যদি মনে করেন, তবে ছিষ্ট স্থিতি প্রলয় কততে পারেন। শম্মা আছেন তো শিব আছেন, কিন্তু রাগলে রুদ্র অবতার। আমাকে রাগাচ্চেন, ওঁরা ভাল কচ্চেন না”। এই কথায় সরো আশ্বাস পাইয়া রাজনিকৈতন্যভি-

মুখে গমন করিল। গঙ্গাধর গেজেট ছড়ি ঘুরাইতে ঘুরাইতে অন্য দিকে চলিয়া গেল।

## দশম অধ্যায়।

সুরের দৌহিত্রীর সম্বন্ধনির্ণয়-পত্র,  
ও জাত্যংশের অপবাদ।

পরদিন মধ্যাহ্নের পর, গঙ্গাধর গেজেট শম্ভু সুরের বাটীতে যাইতে ছিল। সরোভাণ্ডারীর কথা নিয়ত মনে জাগিতেছে, ও ভাবিতেছে, যে “শম্ভু সুরকে কিসে উৎপাতে ফেলিব। কেন না সরো কহিয়াছিল, যে শম্ভুর উভয় ছহিতাই তাহার অনিষ্টার্থিনী ও আমার ও তাহার নিন্দা করিয়াছে। আচ্ছা দেখা যাবে”। গেজেট ইহার সত্যাসত্য তথ্য না লইয়া, সরোর কথায় প্রত্যয় করিয়া জাতক্রোধে মনোমধ্যে অনিষ্টের আন্দোলন করিতে লাগিল, ও ক্ষণমাত্র শম্ভু সুরের দ্বারে উপনীত হইয়া দেখিল, যে চণ্ডীমণ্ডপ লোকপূর্ণ। সমস্তই ভদ্রলোকের ন্যায়, ও মধ্যে মধ্যে দুই এক জন দীর্ঘ-ফোঁটা-যুক্ত ব্রাহ্মণও বসিয়া আছেন। গেজেট অন্তর হইতে জিজ্ঞাসা করিল, “দাদা, এ সব কি গো?” শম্ভু সায় দিয়া কহিল, “কেও,—গেজেটী ভায়া নাকি? এসো—এসো। আমিও তোমার কাছে লোক পাঠাচ্ছিলেম, ভাই। তুমি এসে পড়লে ভালই হলো। আজ সন্ধ্যার সময় গোপুলীতে আমার নাতিনীর শুভ সম্বন্ধের পত্র হবে”। এই কথা শুনিয়া গঙ্গাধর গেজেট মনে মনে করিল, “এই বেশ সুযোগ হয়েছে; ঈশ্বর আছেন!” শম্ভু পুনর্বার

ডাকিয়া কহিল, “ কি ভাই—ভাব্‌চো কি?—উঠে এসো। নাতিনীর পত্র”। গঙ্গাধর কহিল, “ পাত্র কোথাকার?” শম্ভু কহিল, “ সোণা-পুরের। তা’রা ঘর ভাল”। গঙ্গাধর কহিল, “ দাদা, যে যেমন, তা’কে তেমনই মেলে। তুমি জাতির প্রধান, তোমার ঘরে প্রধানই যুট্বে। তবে বিবাহ কবে?” শম্ভু কহিল, “ এই ফাঙ্সন মাসে,—দেখতে দেখতে কটা দিন যা’বে”। তদনন্তর গঙ্গাধর গেজেট্ বসিয়া তামাক টানিতে লাগিল, ও কথায় বার্তায় দিবাবসান হইয়া গোখিলির সময় হইলে, পুরোহিত ব্রাহ্মণ একখানি পিতলের থালে করিয়া কতকগুলি পান, স্নপারি, কিঞ্চিৎ হরিদ্রা, শ্বেত চন্দন, গুরু ধান্য, দুর্কা, গুরু পুষ্প, পাত্রান্তরে শঙ্খ একটু আনিয়া সভার মধ্যে রাখিল। রীতিমত উভয় কুলের সম্মতি ক্রমে সম্বন্ধপত্র লিখিত হইতে লাগিল। সম্বন্ধপত্র লিখিত হইলে শঙ্খধ্বনি হইল। তাহার পর শম্ভুস্বর বর-পাত্রকে কিঞ্চিৎ আশীর্বাদী দিয়া আশীর্বাদ করিল; ও পাত্রের বাটীর লোকদিগকে ও উপস্থিত ব্রাহ্মণ ও প্রতিবাসীগণকে অবস্থানুযায়ী মর্যাদা করিয়া জলযোগ করাইল। গেজেট্‌ও সেই সঙ্গে চর্চা চোষা ভোজন করিল। তাহার কিঞ্চিৎক্ষণ পরে সভা ভঙ্গ হইলে, গঙ্গাধরও উঠিয়া বরকর্তার সঙ্গে সঙ্গে গমন করিয়া কিছু দূরে গিয়া কহিতে লাগিল, “ হাঁ গো, আর কি কোন স্থানে ভাল কন্যা পান নাই?” এই কথায় বরকর্তা ত্রাসিত হইয়া কহিল “ কেন—কেন?—এ কন্যাও তো ভাল”। গেজেট্‌ ভাবিতে ভাবিতে মুহুরে কহিল, “ হাঁ ভাল বটে, কিন্তু—” বরকর্তা কহিল, “ কিন্তু কি—কিন্তু কি?” গেজেট্‌ কহিল, “ নিজ্জনে বল্‌বো”। আমাদের গেজেট্‌ ভয়ানক লোক। ক্রমে ক্রমে বরকর্তার চারি সন্দেহ জন্মাইল। বরকর্তা ক্রমশঃ ভীত হইতে লাগিল। শেষ

গঙ্গাধরের হাত ধরিয়া কহিল, “ মশাই, আমাদের রক্ষা কর, যা থাকে স্পষ্ট করিয়া বল। গঙ্গাধর আর এড়াইতে না পারিয়া শেষ কহিল, যে “একটা সম্বন্ধ করিয়া বিবাহটি দিলে উভয় কুলের হিত হইত; ও লোকতঃ ধর্মতঃ কিছুই বিরুদ্ধ হইত না”। সম্বন্ধের কথা শুনিয়া বর-কর্তার মাথায় ঘেন বজ্রাঘাৎ হইল। তিনি গেজেট্‌কে সান্নুয়ে ভূয়ো-ভূয়ঃ কহিলেন, “ মশাই, কথাটা কি বল”। গঙ্গাধর কহিল, “ সর-স্বতীর মুখে লক্ষ্মীর দোষ শুনতে পাই। বিস্তারিত দিনেক দুই দিনের মধ্যে পত্র দ্বারা জানাইব। সত্য মিথ্যে সরস্বতী জানে”। বরকর্তা জিজ্ঞাসিল, “ হাঁ মশাই, সরস্বতী কে?” গঙ্গাধর কহিল, “ লক্ষ্মীর সতিন”। কন্যার মাতার নাম লক্ষ্মী—ইহা বরকর্তার বাটীতে পূর্বে প্রচার হইয়াছিল। এই কথায় বরকর্তা বুঝিল, যে লক্ষ্মীর এইরূপ কোন অপবাদ থাকিবেক। বরকর্তা তখন কহিল, “ তবে এ সম্বন্ধ কি প্রকারে হ’তে পারে? পত্র না হইলে আমরা সম্বন্ধ ভাঙিতাম। এক্ষণে কি করি? যা হউক, অগ্রে জাতকুল রক্ষা করা উচিত। চল ঘরে গিয়ে বিবেচনা করি; পরে যেমত কর্তব্য হয়, করা যাইবে”। ইহা কহিয়া পাত্রের দল অপ্রসন্ন মনে প্রস্থান করিল। গঙ্গাধর হাসিতে হাসিতে বাটী গেল, ও মনে করিল, যে “এতেই এদের সর্বনাশ করব”। তা বটে,—গেজেট্‌ সেই প্রকারেরই লোক বটে।

গঙ্গাধর ঘরে গিয়া দেখে, যে সরোভাগাণ্ডী বসিয়া আছে, ও হাসিতে হাসিতে কহিল, “এসো,—তোমার কার্য সাধন হইয়াছে, পরে জানিতে পারিবে”। ইহা কহিয়া সরোকে নিভুতে ডাকিয়া মন্ত্রণা করিতে বসিল।

শম্ভুস্বর নিতান্ত সরল লোক। গেজেট্‌কে জানে যে পরমবন্ধু।



সম্বন্ধ স্থির জানিয়া সপরিবার সানন্দে নানাবিধ আয়োজন করিতে লাগিল। এবং যে যে কুটুম্বগণকে নিমন্ত্রণ প্রেরণ করিবেন, তাহারি পরামর্শ হইতে লাগিল।

এখানে গেজেট্ সরোকে বিরলে ডাকিয়া কহিল, “দেখ,—তাঁহাদের মনে ঘোর সন্দেহ হইয়াছে। আমি কহিয়াছি, যে একটা সমন্বয় করিয়া বিবাহ দিলে তোমাদের পক্ষে ভাল হইত, ও কুটুম্বেরা কোন কলঙ্ক করিতে পারিত না। এই কথায় সুরের ভাবী বৈবাহিক বিশ্বাসের মাথায় আকাশ ভাঙ্গিয়া পড়িয়াছে। সরো কহিল, “এখন কি কর্তব্য?” গেজেট্ কহিল “তোমার জবানী একখানি পত্র লিখিয়া বিশ্বাসের বাটীতে পাঠাইয়া দাও”। সরো কহিল “কি পত্র?” গেজেট্ বলিল “লক্ষ্মীর নীচ অপবাদ দাও”।

সরো। সে তো সত্তি কথা।

গেজেট্। তবে তোমার ভয় কি? সত্য কথা—অপবাদজনক হইলেও তাহাতে কেহ মারা যায় না। বলবার বাধা কি?

সরো। তা যেন বল্লেম। কিন্তু এতে তো একটা ভারি পঞ্চায়েতের কাণ্ড উপস্থিত হ'বে। আর যদি সেই পঞ্চায়েতের সম্মুখে আমি একথা প্রমাণ করতে না পারি তবেই তো মারা গেলেম। পঞ্চায়েতেরা এ কথার প্রমাণ না পেলেই বল্বে, সুর তুমি সরোর নামে নালিশ কর। বোধ হয় তাঁর সঙ্গে তোমার ও নাম থাক্বে। এতে তো একটা ঘোর বিপদ হ'বে।

গেজেট্। তবে এতে তোমার দাঁড়ানই উচিত ছিল না। “ভাবিতে উচিত ছিল প্রতিজ্ঞা যখন”। আমি তখন বলিছি তুমি মেয়ে মানুষ,—এ সব কর্ম তোমার নয়।

সরো। এ বলে সাপের মুখে কে হাত দেবে। সুরের ছোট ছেলে অসুর!—রাগ হ'লে সুরাসুর কিছুই মানেনা। আমি তাঁকেই তো ভয় করি।

গেজেট্। যদি মোকদ্দমাই হয়, তখন উপস্থিত মতে যা ভাল হয় তাই করা যাবে। রাজাবাবুকে কে না খাতির করে? উকীল, মোক্তার, হাকিম,—সকলেই তাঁর নামে তটস্থ। তা জান? তুমি তাঁর বাটীর লোক। কা'র ঘাড়ে ছুটো মাথা যে তাঁর বিরুদ্ধে কোন কাষ করে। মোকদ্দমা আছে আমি আছি। কি আপদ!—ছুঁড়ী যেন ভয়ে ভেকো-হারা হলো।

সরো। আচ্ছা, তবে পত্র লেখ। কপালে যা থাকে। আমি তো গেচিই, আর ভাব্লে চিন্তিলে কি হ'বে?

এই পরামর্শ স্থির হইলে, গেজেট্ নীচের লিখিত পত্র লিখিয়া সরোকে তাহা গুনাইল।

সম্মাহিম শ্রীযুত নবীনকৃষ্ণ বিশ্বাস

মহাশয়েষু।

নমস্কার নিবেদন মিদং—

মহাশয়ের মঙ্গল শ্রীশ্রী করিতেছেন তাহাতেই এখানকার কুশল জানিবেন। পরে নিবেদন। আমরা গুনিলাম যে মহাশয়ের পুত্রের সহিত শঙ্কুচন্দ্রসুরের দৌহিত্রী অর্থাৎ লক্ষ্মীমণির কন্যার শুভ সম্বন্ধ স্থির হইয়া সম্বন্ধ পত্র লিখিত হইয়াছে। বোধ হয় মহাশয় বিশেষ তদন্ত না করিয়া এই সম্বন্ধ স্থির করিয়াছেন। প্রকাশ আছে যে লক্ষ্মী নীচ-গামিনী। আমার নাম সরস্বতী; আর যদিও লক্ষ্মী আমার সপত্নী হেতু চির বৈরিত্ব আছে, ইহা বলিয়া যদি আমার কথায় বিশ্বাস না কর, তবে

সম্বন্ধ স্থির জানিয়া সপরিবার সানন্দে নানাবিধ আয়োজন করিতে লাগিল। এবং যে যে কুটুম্বগণকে নিমন্ত্রণ প্রেরণ করিবেন, তাহারি পরামর্শ হইতে লাগিল।

এখানে গেজেট্ সরোকে বিরলে ডাকিয়া কহিল, “দেখ,—তাহাদের মনে ঘোর সন্দেহ হইয়াছে। আমি কহিয়াছি, যে একটা সম্বন্ধ করিয়া বিবাহ দিলে তোমাদের পক্ষে ভাল হইত, ও কুটুম্বেরা কোন কলঙ্ক করিতে পারিত না। এই কথায় সরোর ভাবী বৈবাহিক বিশ্বাসের মাথায় আকাশ ভাঙ্গিয়া পড়িয়াছে। সরো কহিল, “এখন কি কর্তব্য?” গেজেট্ কহিল “তোমার জবানী একখানি পত্র লিখিয়া বিশ্বাসের বাটীতে পাঠাইয়া দাও”। সরো কহিল “কি পত্র?” গেজেট্ বলিল “লক্ষ্মীর নীচ অপবাদ দাও”।

সরো। সে তো সস্তি কথা।

গেজেট্। তবে তোমার ভয় কি? সত্য কথা—অপবাদজনক হইলেও তাহাতে কেহ মারা যায় না। বলবার বাধা কি?

সরো। তা যেন বল্লেম। কিন্তু এতে তো একটা ভারি পঞ্চায়েতের কাণ্ড উপস্থিত হ'বে। আর যদি সেই পঞ্চায়েতের সম্মুখে আমি একথা প্রমাণ করতে না পারি তবেই তো মারা গেলেম। পঞ্চায়েতেরা এ কথার প্রমাণ না পেলেই বল্বে, সর তুমি সরোর নামে নাশিশ কর। বোধ হয় তা'র সন্দেহ তোমার ও নাম থাক্বে। এতে তো একটা ঘোর বিপদ হ'বে।

গেজেট্। তবে এতে তোমার দাঁড়ানই উচিত ছিল না। “ভাবিতে উচিত ছিল প্রতিজ্ঞা যখন”। আমি তখন বলেছি তুমি মেয়ে মানুষ,—এ সব কর্ম তোমার নয়।

সরো। এ বলে সাপের মুখে কে হাত দেবে। সরোর ছোট্ট ছেলে অসুর!—রাগ হ'লে সুরাসুর কিছুই মানেনা। আমি তা'কেই তো ভয় করি।

গেজেট্। যদি মোকদ্দমাই হয়, তখন উপস্থিত মতে যা ভাল হয় তাই করা যাবে। রাজাবাবুকে কে না খাতির করে? উকীল, মোক্তার, হাকিম,—সকলেই তাঁ'র নামে তটস্থ। তা জান? তুমি তাঁ'র বাটীর লোক। কা'র ঘাড়ে দুটো মাথা যে তাঁ'র বিরুদ্ধে কোন কায করে। মোকদ্দমা আছে আমি আছি। কি আপদ!—ছুঁড়ী যেন ভয়ে ভেঁকো-হারা হলো।

সরো। আচ্ছা, তবে পত্র লেখ। কপালে যা থাকে। আমি তো গেচিই, আর ভাব্লে চিন্তিলে কি হ'বে?

এই পরামর্শ স্থির হইলে, গেজেট্ নীচের লিখিত পত্র লিখিয়া সরোকে তাহা গুনাইল।

সম্মাহিম শ্রীযুত নবীনকৃষ্ণ বিশ্বাস

মহাশয়েষু।

নমস্কার নিবেদন মিদং—

মহাশয়ের মঙ্গল শ্রীশ্রী করিতেছেন তাহাতেই এখানকার কুশল জানিবেন। পরে নিবেদন। আমরা গুনিলাম যে মহাশয়ের পুত্রের সহিত শঙ্কুচন্দ্রসরোর দৌহিত্রী অর্থাৎ লক্ষ্মীমণির কন্যার শুভ সম্বন্ধ স্থির হইয়া সম্বন্ধ পত্র লিখিত হইয়াছে। বোধ হয় মহাশয় বিশেষ তদন্ত না করিয়া এই সম্বন্ধ স্থির করিয়াছেন। প্রকাশ আছে যে লক্ষ্মী নীচ-গামিনী। আমার নাম সরস্বতী; আর যদিও লক্ষ্মী আমার সপত্নী হেতু চির বৈরিষ আছে, ইহা বলিয়া যদি আমার কথায় বিশ্বাস না কর, তবে

শেষ জাত্যপবাদ হইবে, ও পশ্চাৎ খেদ করিবে। রজকের কথায় ঈরামচন্দ্র বিশ্বাস করিয়া লক্ষ্মীরূপা মতীকে বনবাস দিয়াছিলেন। তবে এই কুটুম্বিনীর কথায় আপনি কেন বিশ্বাস করিবেন না। তবে আমি অনাথা ও দীনা বলিয়া যদি বিশ্বাসের পাত্রী না হই, সে স্বতন্ত্র কথা।

ঈমতী সরস্বতী দাসী।

—মাঘ ১২৭৮।

ঐপ্রত্যক্ষ গঙ্গাধর গেজেট্।

পত্র শুনিয়া সরো ভয়ে ভীত হইল। গেজেট্ কহিল, “এতেই কায দেখবে”। সরো কহিল “দেখো যেন আমি মারা না যাই”। গঙ্গাধর কহিল “আমি তাঁর দায়ী রহিলাম”। পত্র লিখিয়া গঙ্গাধরগেজেট্ “পুনশ্চ” পাঠে এই কথা সংযোগ করিল।—

পুং নিং। যদিও ইহাতে আমার নাম আছে বটে, কিন্তু এ পত্রের ভালমন্দ আমি কিছুই জানি না। সব সরো জানে। সরো যেমত কহিল, আমি সেই মত লিখিলাম। আমার কোন দায় দোষ নাই।

ঐগঙ্গাধর গেজেট্।

গেজেট্ পুনশ্চপাঠ লিপি সমাপন করিলে পর সরো জিজ্ঞাসিল, “ও কথা গুলিন্ কি লিখিলে?” গেজেট্ কহিল “ও কথা স্বতন্ত্র, এর সঙ্গে কোন সম্পর্ক নাই”। সরো সংশয়াপন্ন হইয়া পুনর্বার ব্যগ্রতাপূর্বক জিজ্ঞাসিল “মশাই, ও সব কি কথা?” গেজেট্ কহিল “কিছু নয়”। সরো কহিল “তবু”। তখন গেজেট্ কহিল, “আমি লিখিলাম যে আপনকার গ্রামে মারীভয় আছে কি না, ও গ্রামে প্রবেশ করিতে যে ভাঙ্গা সাঁকো ছিল, তাহা কোম্পানীতে মেরামত করিয়াছেন কি না, ও গ্রামে ইনকম্‌টেক্স আদায় করিতে দৌরাশ্রয় হইতেছে কি না।

কিন্তু ইহাতে সরোর সংশয় দূর হইল না, ও অতিচিন্তিতের ন্যায় ভূমির উপর বসিয়া নখের দ্বারা ক্ষিতি আঁচড়াইতে লাগিল। গেজেট্ সেই সুরোগে পত্র খাম করিয়া, আটা দিয়া বন্ধ করিয়া একেবারে গাত্রোথান করিল, ও সরোকে কহিল, “তুমি রাজবাটাতে যাও—রাত্রি হইয়াছে। আমি এক জন পাইকের হাতে পত্র পাঠাইয়া দিব”। সরো অগত্যা সন্মত হইয়া মুহূর্ত্তের কহিল “আচ্ছা তবে এখন আমি আসি”। ইহা কহিয়া পরিধৃত ঈষন্নলিন সাদা সাড়ীতে বিলক্ষণ রূপে অঙ্গ ঢাকিয়া নিদায় হইয়া চলিল। সেই সময় গঙ্গাধর গেজেট্ ডাকিয়া কহিল, “যেমত হয় আমি পশ্চাৎ তোমাকে জানাইব, তুমি ভাবিত হইও না। ফলতঃ এ কথা গোপনে রাখিবে”। সরো কহিল “ভাল”, ও দেখিতে দেখিতে অদৃশ্য হইল। পর দিন প্রাতে গেজেট্ পাইকের হাতে পত্র না পাঠাইয়া ডাকের বাজের ভিতর ফেলিয়া দিল। যে হেতুক গেজেটের মনে এই ভয় হইল যে “কি জানি আমার লোকের দ্বারা এই পত্র পাঠাইলে আমিই ইহার মূলীভূত এমত বিবেচনা হইতে পারে”। তদনন্তর গেজেট্ রাজাবাবুর নিকটে আসিয়া সস্ত্রাস্ত দূরে বসিল। রাজাবাবু তাহা লক্ষ করিয়া গেজেট্ কে জিজ্ঞাসা করিলেন যে গ্রামের সংবাদ কি? গেজেট্ কহিল “ধর্ম্মাবতার, এমন কোন বিশেষ সংবাদ নাই, তবে গত কল্যা শব্দ সুরের দৌহিত্রীর শুভ সঙ্কল্পপত্র হইল। বিবাহ ফাল্গুন মাসে। কিন্তু আভাসে বুঝিলে যে একটা কথার গোল উপস্থিত হওনের সম্ভাবনা আছে। তাহা পরে আপনাকে নিবেদন করিব। বোধ হয় গ্রামস্থ সকল লোকেই আপনকার দরবারে উপস্থিত হইবেক”। রাজাবাবু এ কথায় কোন সায দিলেন না, ও গেজেট্ পুনঃপ্রণাম করিয়া দক্ষতরখানায় উঠিয়া গেল। কাছারির ঘড়ীতে “ঠন্ ঠন্” শব্দে

১০ টা বাজিল শুনিয়া রাজাবাবু স্নানভোজন করিতে অন্তঃপুরে গমন করিলেন। “বড় মহাশয়” দফতরখানার কার্যের তত্ত্বাবধান করিতে লাগিলেন। পূর্ব রাত্রে সরোভাণ্ডারগীর বাটী আসিতে বিলম্ব হওয়াতে তাহা কর্তীর কর্ণগোচর হইয়াছিল। রাজাবাবু স্নান করিতেছেন,—এমন সময়ে কর্তী সরোকে ডাকিয়া জিজ্ঞাসা করিলেন, “সরো, তুই সন্ধ্যার পর কোথায় ছিলি?” সরো সত্যে কহিল, “মা, আমি গেজেটের বাটী গিয়েছিলেম”। কর্তী রাগতঃ হইয়া কহিলেন, “আমি তোকে বারণ করিয়াছি, তবু গেজেটের বাড়ী যাবি! বোধ হয় গেজেট আবার কি মন্ত্রণা করিতেছে; ও তুইও তাতে আছিস্”। রাজাবাবু গেজেটের কথার আভাসে তখনি বুঝিয়াছিলেন যে গেজেট শম্ভুসুর ঘটিত কোন মন্ত্রণা করিতেছে, আর সরোভাণ্ডারগী তাহার মধ্যে থাকিলেও থাকিতে পারে। কিন্তু শম্ভুসুর রাজাবাবুর তাদৃশ প্রিয় ছিল না। বিশেষতঃ মাতার সহিত পূর্ব দিবস যেরূপ উগ্র ভাবে কথোপকথন হইয়াছিল, তাহাতে রাজাবাবুও বুঝিয়াছিলেন যে শম্ভুসুরের পরিজনেরা তাঁহার ও গঙ্গাধরের বিরুদ্ধে কোন কথা অন্তঃপুরে কহিয়া থাকিবে। এ কারণ শম্ভুসুরকে দমন করা রাজাবাবুর প্রায় একরূপ ইচ্ছা হইয়াছিল। কিন্তু মাতার ভয়ে সহসা প্রকাশ্য রূপে তাহাতে হাত দিতে পারেন নাই। সরোভাণ্ডারগী গেজেটের সহকারিণী হওয়া অনুভবে প্রকারান্তরে সরোকে উৎসাহ দেওয়া তাঁহার অনভিমত ছিল না। এ জন্য মাতাকে স্তোক বাক্যে কহিলেন, “মা, আমি সরোকে ও গঙ্গাধরকে শাসন করিব, আপনি নিরস্ত হউন”। তদনন্তর রাজাবাবু স্নান করিয়া মাধ্যাহ্নিক সন্ধ্যা করিতে বসিলেন। সরো বিরস বদনে তাড়ারে চলিয়া গেল। কর্তী কার্যান্তরে মন দিলেন।

## একাদশ অধ্যায়।

পঞ্চাৎ।

শম্ভুসুরের ভাবী বৈবাহিক বিশ্বাস ও আর কএকটি আত্মীয় লোক বিশ্বাসের বাহির বাটীতে বসিয়া অভিনব সম্বন্ধের দোষণ বিবেচনা করিতেছিল, এমত কালে লাল-পাগড়ী-ধারী চামের-বগলী-হাতে এক জনা লোক বাটীতে প্রবেশ করিল। বিশ্বাস জিজ্ঞাসিল “তুমি কে?” সে কহিল “আমি ডাকের হুকুরা”। ইহা বলিয়া বগলী হইতে এক খানি ডাকের পত্র বাহির করিয়া বিশ্বাসের হাতে দিল। বিশ্বাস ব্যস্ত হইয়া পত্র খানি খুলিয়া দেখিল “সরস্বতী দাসী” ও “গঙ্গাধর গেজেট” তাহা প্রেরণ করিতেছে। তৎক্ষণাৎ বিশ্বাসের মনে ধোঁকা হইল, ও পত্র পাঠ করিয়া কহিল “দেখ—যা মনে করেছি তাই হয়েছে”। ইহা কহিয়া পত্র খানি পুত্রের হাতে দিল; ও ক্রমে ক্রমে তাহা উপস্থিত সকল আত্মীয় ব্যক্তির পাঠ করিয়া বিমর্ষ হইল। যে হেতুক সে সময় উভয় বাটীতেই বিবাহের কতক কতক আয়োজন হইয়াছিল। বিবাহ না হইলে একেতো আয়োজন নষ্ট, তা’র পর মনোহুঃখ। “গেজেট” বিশ্বব্যাপিত অসৎ লোক, ও প্রায় সকলেই তাহার নাম জানিত। কেহ কেহ জিজ্ঞাসিলেন যে “সরস্বতী কে?” বিশ্বাস কহিল “সরস্বতী লক্ষ্মীর সতিন্”। তাহাতে কেহ কেহ এই বিবেচনা করিল যে সপত্নীর স্বাভাবিক ঘেব হেতু বোধ হয় পৈশুন্য জন্য এই অমূলক রচনা করিয়া থাকিবেক। বিশেষতঃ গঙ্গাধরের নাম সংযুক্ত লিপি হওয়াতে অনেকেই মূল কথার সন্দেহ করিল। শেষ সকলে থাকিয়া এই স্থির করিল যে শম্ভুসুরকে

পত্র লেখা যাউক—যে স্বগ্রামস্থ গঙ্গাধরগেজেট ও সরস্বতী ভাণ্ডারী তাহার কন্যা লক্ষ্মী ঘটত অপবাদ করিয়াছে। অতএব স্বজাতীয় প্রধান প্রধান লোকদিগকে পঞ্চাৎ রূপে ডাকিয়া অগ্রে এ কথার মীমাংসা করুন। তাহাতে যদি শত্ৰুস্বর কথিত অপবাদ হইতে মুক্ত হইতে পারে,—তবেই বিবাহ হইতে পারে। এই কথা স্থির হইলে, বিশ্বাস ঐ মর্মে পত্র লিখিয়া সুরের বাটীতে সেই দিনেই প্রেরণ করিল। সরোভাণ্ডারী লিপি সম্প্রতি বিশ্বাসের নিকটে রহিল। আবশ্যক মতে বিশ্বাস তাহা সকল লোকের স্মরণে করিবেক, ইহাও শত্ৰুস্বরকে জানাইল।

শত্ৰু ভালমন্দ কিছুই জানে না। বিবাহের “পত্র” হইয়াছে, তাহাতেই নির্ভর করিয়া দিন দিন কিছু কিছু আয়োজন করিতেছে। ও বাটীর পরিজনদের মাসলিক কর্মের আরম্ভের প্রতীক্ষায় আনন্দিত হইতেছে। সন্ধ্যার সময় বিশ্বাসের পত্র সহ এক জনা পাইক পহঁছিল। ও সময়ে প্রাচীন সুরকে প্রণাম করিয়া লাগী ভূমে রাখিল, ও কোমর হইতে পত্র বাহির করিয়া শত্ৰুস্বরের হাতে দিল ও কহিল যে “বিশ্বাস মশাইয়ের পত্র”। শত্ৰুস্বর লেখা পড়া জানিত না। ইহা আমরা পূর্বে প্রকাশ করিয়াছি। বিশ্বাসের পত্র পাইয়া শত্ৰু আপন কনিষ্ঠ পুত্রের হাতে দিল, ও সেই সময় টুকটুকী পড়িল। শত্ৰুর মনে ধোঁকা হইল, ও মনে করিল “না জানি এতে কি নিকেচে”। শত্ৰুর কনিষ্ঠ পুত্র পত্র পড়িবার অগ্রে পাইককে কহিল “তুমি গিয়ে দরজার চালাতে বৈস”। পাইক নমস্কার করিয়া দরজার চালায় গিয়া বসিল। অবিনাশ পত্র খুলিয়া পাঠ করিল।—পড়িতে পড়িতে অবিনাশের মুখ শুষ্ক হইল দেখিয়া শত্ৰুর হাত-পা কাঁপিতে লাগিল, ও অবৈধ্য হইয়া পুত্রকে কহিল “কিরে

বাপা—বল”। অবিনাশ কহিল, “বাবা, আর কি বলবো,—সরো ও গেজেট খুড়ো আমাদের সর্বনাশ করেছে। তাঁরা বিশ্বাস মহাশয়ের বাড়ী পত্র লিখেচে যে—“লক্ষ্মী নীচ গমন করে”। এই জন্যে তিনি বলেন—যে “আগে তদ্বিষয়ের পঞ্চাৎ হউক, তাঁর পর বিয়ের কথা”। অবিনাশের মুখে এই কথা শুনিয়া শত্ৰুস্বরের মাথায় যেন বজ্রাঘাত হইল। শত্ৰুর হাত-পা আরো কাঁপিতে লাগিল, ও মাথায় হাত দিয়া ভূমির উপর বসিল। শত্ৰুর কনিষ্ঠ পুত্র ক্রোপে বিহ্বল হইল। ক্রমে ক্রমে বাটীর পরিজনদের সকলে শুনিল, ও বাটীর মধ্যে হাহাকার রব উঠিল। লক্ষ্মী মাথায় করাঘাত করিতে লাগিল, ও কান্দিয়া ব্যাকুল হইল। দেখিতে দেখিতে প্রতিবাসিগণ আসিয়া যুটিল। ও সকলে কহিতে লাগিল—“গেজেটের এ ভারী অত্যাচার!” বাটীর মধ্যে পাড়ার স্ত্রীলোকেরা আসিয়া যড় হইল, ও এ কথা শুনিয়া অনেকেই নাকে হাত দিয়া কহিল—“একি মা,—লক্ষ্মী কি এমন মেয়ে। লক্ষ্মীকে দোষ দেয়, এমন কে আছে? সে তো সতীলক্ষ্মী। ওমা ধোবার কথায় কি সীতের সতীত্ব যায়। হউক্ বেনে—সতিন হ’লেই কি এতটা করতে হয়। আজও রাত্তিরদিন হচুচে। ধম্মো আচেন, যেমন বলেচে তাঁর মত ফল পাবে। যা লক্ষ্মী—তুই কাঁদিস্ নে। যদি পঞ্চাৎ হয়, তো আমরা সকলে যা বলবো তা শুনিস্”। ইহা কহিয়া প্রতিবাসিনী স্ত্রীলোকেরা বিদায় হইল।

শত্ৰুস্বরের আগত পাইকের সিধাসামগ্রী দিয়া সেই রাত্রি সপরিবার বড়ই অন্থে রহিল। পর দিন প্রাতে পাইক পত্রের প্রত্যুত্তর পাইয়া প্রস্থান করিল। গ্রাম মধ্যে এ কথায় গোল হইয়া উঠিল, ও প্রায় সকলেই কহিতে লাগিল যে “গেজেট শত্ৰুস্বরের সর্বনাশ করিল”।

পুষ্করিণীর ঘাটে দশ পাঁচ জনা স্ত্রীলোক একত্র হইলেই এই কথা। কেহ কহে—“মা সরোটি কন্মে মেয়ে ননু”। কেহ কহে—“সরো সেই সূৰ্পণখা, কেবল সরোর লাক্ কাণটি আছে,—এই প্রভেদ”। গেজেট্ এইরূপ জনরব শুনিয়া ভয়ে জড়সড় হইল, ও সরো শুখাইতে লাগিল। গেজেটের বক্তৃতার মান্দ্য হইল। তদনন্তর শত্ৰুসুর পুরোহিতকে ডাকাইয়া জিজ্ঞাসা করিল “এখন এর কি করা উচিত?” পুরোহিত গাঙ্গুলী সূবোধ লোক। সৎ পরামর্শই দিলেন,—কহিলেন যে “দশ জনা জাতিকুটুম্বকে আহ্বান পাঠাও যে তাঁরা এসে এর একটা মীমাংসা করুক? কিন্তু এ মিথ্যা কথা; তুমি অনায়াসে মুক্ত হ'বে। আর সোণা পুড়িলে যেমন খাটি হয়, তুমিও বিপদ হইতে উদ্ধার হয়ে আরো মান্য হ'বে। আর সম্প্রতি বিবাহ স্থগিত থাকবে”।

পুরোহিতের হিত কথায় শত্ৰু সাহস পাইয়া জাতিগোত্র ও কুটুম্ব-গণকে এতদর্থে আহ্বান প্রেরণ করিল, ও বিবাহের আয়োজন স্থগিত হইল।

এ দিগে সুরের বাটার বিবাহ রহিত, ও সেই কথার দলাদলি, ও পরস্পর বলাবলি হইতে হইতে তাহা রাজাবাবুর মাতার কর্ণগোচর হইল। তাহার পর তিনি সরোকে বিরলে ডাকিয়া জিজ্ঞাসা করিলেন, “হাঁ সরো, এ সব কি কথা?” সরো বাতাহত কদলীদলের ন্যায় ব্যাকুলা হইয়া তাঁহাকে কহিল—“মা, এ কথার মূল গেজেট্”। কর্ত্রী রাগত হইয়া কহিলেন “তবে তোর নাম হয় কেন?” সরো কহিল—“তাহার কারণ এই বোধ হয় যে গেজেট্ পত্রে আমারও নাম দিয়ে থাকবে”। রাজাবাবুর মা জিজ্ঞাসিলেন “কি পত্র?” সরো কহিল “আমার সতিনের নীচ অপবাদের পত্র। গেজেট্ তা নিকে

বিশেষের বাড়ী দিয়েচে”। কর্ত্রী অতিশয় রোষযুক্ত হইয়া ক্ষণেককাল মৌন রহিলেন। সরো ভয়ে কাঁপিতে লাগিল ও অধোমুখে রহিল।

কিয়ৎক্ষণ পরে কর্ত্রী কহিলেন, “কি মেয়ে মা,—কি তোর বুকের পাটা! আমরা তো জানি যে এ সব মিথ্যে কথা। সতিন কি আর কারো হয় নাই—না নেই—তোরি আছে, তোরি ঐত ঘেব কেন? সে তো তোর মন্দ চেষ্টা করে না”। সরো সজলনয়নে কহিল—“মা, তাঁর যদি আমার প্রতি ঘেব নেই, তবে তাঁর ছোট বোন সে দিন এসে গোলাপের কাচ কেমন কোরে লাগিয়ে গেচে?”

ক। কি লাগিয়েচে? সে তো তোর কথা কিছুই বলে নি।

স। যদি সে কিছু বলে নাই, তবে গোলাপ আমার উপর রাগ কল্লে কেন?

ক। সে শুনেছে তুই গেজেট্কে মন্ত্রণা দিস্।

স। মা, আমি কোথা, গেজেট্ কোথা। তবে কুটুম্বসাক্ষাৎ বলে কখন কখন তাঁদের বাড়ী গিয়ে দেখা করে আসি,—এই আমার অপরাধ।

ক। তোকে এমন ছর্কুন্ধি কে দিলে? এর জন্যে তুই ও গেজেট্ হুজনেই অধঃপাতে যাবি। শুন্চি নাকি পরশু পঞ্চাত্ হ'বে?

স। শুনিচি হ'বে।

ক। তোকে তো গিয়ে দাঁড়াতে হ'বে?

স। তা দাঁড়াবো—কি করবো। না গেলে আবার জেতে ঠেল্বে।

তদনন্তর রাজাবাবুর মাতা সরোকে ভাঙারে যাইতে কহিয়া আপনি উপর প্রকোষ্ঠে গেলেন। এবং গোলাপকুমারীকে দেখিয়া হাসিতে হাসিতে কহিলেন, “গোলাপ, শুনেচিস্ সরো কি কাণ্ড

করেচে”। গোলাপ কহিল, “মা, সব শুনিচি। তুমি দেখো মা, এবার সরোর ভারী কলঙ্ক হ’বে”। গোলাপের মাতা কহিলেন “মরুক—গোলায় ষাকু। যেমন কচ্ছে, তাঁর প্রতিফল পাবে। মেয়েমানুষের এত সাহস আমি দেখি নাই”। গোলাপ কহিল, “মা, এর মধ্যে গেজেট আছে। পোড়া গেজেট মরে, তবে লোকের অনর্থক কলঙ্ক ও গ্লানি হয় না। শুন্ট মে সুরেদের জাত-কুটুম্ব না কি পরশু আসবে”। মাতা কহিলেন “দেখা যাক কি হয়”। ইহা কহিয়া অপর দিকে গেলেন। গোলাপকুমারী ক্ষণেককাল তথায় দাঁড়াইয়া ভাবিতে লাগিলেন, যে “পাছে সুরেদের কিছু মন্দ হয়, তা হ’লেই কুমুদ বলবে যে তবে আমি কিছু মনোযোগ করি নাই। সে বড় মন্দ কথা”। এইরূপ চিন্তা করিতে করিতে গোলাপ আপন প্রকোষ্ঠে প্রবেশ করিলেন। শেষ কি হয়,—দেশশুদ্ধ লোকের তাহা জানিবার প্রয়াস বাড়িতে লাগিল।

বিশ্বাসের পত্র প্রাপ্তির চতুর্থ দিবসে সায়েংকালে সুরের বাটীতে পঞ্চা-  
এতের মিলন হইল। সে প্রায় ২০।২৫ জনা লোক,—সমস্ত স্বজাতীয়।  
উক্ত সভায় শঙ্কুসুরের ভারী বৈবাহিক বিশ্বাস গেজেটের লিখিত  
সরোর পত্র সহ উপনীত হইল। যে হেতুক পঞ্চাএতের কি নিষ্পত্তি হয়,  
তাহা জানিবার তাহার বিশেষ স্বার্থ ছিল। বিশ্বাস সভা স্থলে উক্ত পত্র  
উপস্থিত করিয়া তাহা পাঠ করিল, ও জিজ্ঞাসিল যে “এমত গতিকে  
তাহার হঠাৎ বিবাহ দেওয়া কর্তব্য কি না, তাহা আপনারা বিবেচনা  
করিবেন। শঙ্কুসুরের অগ্রে অপবাদ হইতে মুক্ত হওয়া উচিত কি না?”  
সভাস্থলে একেবারে সায়েং দিয়া কহিল “উচিত বটে”—“উচিত  
বটে”—“বিলক্ষণ কথা”। এই সময় সভাস্থ প্রবীণ এক জন মনুষ্য

জিজ্ঞাসিল যে “গঙ্গাধর গেজেট ও সরস্বতীদামী এখানে উপস্থিত  
আছে কি না”। শঙ্কুসুর কহিল “তোমাদের ডাকা ভিন্ন তাঁরা কখনই  
আসবে না”। কিন্তু ঐ দিবস রাত্রী অনেক হইয়াছিল। সরো ভূম্যধি-  
কারীর বাটীর অন্তঃপুরে অবস্থান করে। তাহাকে উক্ত রাত্রে ডাকিয়া  
আনার কোন সহপায় ছিল না। সুতরাং পঞ্চাএতের কার্য্য সেই রাত্রে  
স্থগিত রহিল, ও পর দিন তাহাদের উপস্থিত হওনার্থে সংবাদ দিবার  
জন্য ঐ মহল্লার নাপিতের প্রতি আদেশ হইল।

পর দিন প্রাতে পঞ্চাএতের কার্য্য পুনরারম্ভ হইল। গঙ্গাধর গেজেট  
ও সরোভাণ্ডারণী উভয়ে উপস্থিত হইল। সরো কিঞ্চিত ব্যবধানে  
বসিল। কারণ সে বয়স্থা স্ত্রীলোক। বিশেষতঃ সরো ভূম্যধিকারীর বাটীর  
অন্তঃপুরনিবাসিনী। গ্রামস্থ বহুতর লোক পঞ্চাএতের কার্য্য দেখিতে  
আইলেন। ঘোর সমারোহ।

অপবাদ প্রকাশিকা লিপি পুনর্বার পঠিত হইল। এবং পঞ্চাএতেরা  
সরোকে জিজ্ঞাসিল যে “এ সব কথা সত্য কিনা”। সরো অকুতো-  
ভয়ে কহিল, “সব সত্য; তবে পত্রের মধ্যে কি লিখিয়াছে, তাহা গেজেট  
জানে। আমি স্ত্রীলোক লেখাপড়া জানিনা”। গঙ্গাধর গেজেট প্রশ্ন মতে  
কহিল “আমি ভাল মন্দ জানি না,—সরোর কথা ক্রমে পত্র লিখিয়াছি”।  
লিপি পুনর্বার প্রণিধান হওয়াতে পুনশ্চপাঠে ঐ রূপ দৃষ্ট হইল। কিন্তু  
পঞ্চাএতেরা বিবেচনা করিল যে ঐ পুনশ্চপাঠেই গেজেটের শঠতা দৃষ্ট  
হইতেছে।

তদনন্তর পঞ্চাএতেরা বহু প্রমাণ লইল, ও গ্রামের আবারুদ্ধ-  
বনিতা কহিল যে লক্ষ্মীর চরিত্র ভাল। সরো কহিল, “গ্রাম এক যোগ।  
আমি কাছারীতে এ কথা প্রমাণ দিব। আমি লক্ষ্মীর প্রতি যা বলেছি,

সে সব সত্যি। প্রমাণ দিতে না পারি, তখন পঞ্চাশতেরা আমাকে জেতে ঠেলবেন, ও সাহেব শাস্তি দেবেন”।

সরোর কথা শ্রুত-সঙ্গত হইলেও প্রমাণবিরুদ্ধ বলিয়া সরো এবং গেজেটকে পঞ্চাশতেরা দোষী করিল। তাহাতে ধন্য ধন্য শব্দ উঠিল, ও লক্ষ্মী আসিয়া সকলকে প্রণাম করিল। সুর এইরূপে সম্মান প্রাপ্ত হইয়া সানন্দ হইল।

পঞ্চাশতেরা পুনর্বার কহিল, “সুর, তুমি সরো ও গেজেট এই উভয় ব্যক্তির নামেই নালিশ করিতে পার। আমরা এই স্থির করিলাম যে সরোর কৃতাপবাদ মিথ্যা, ও কেবল ঘেঘ বশতঃ করিয়াছে। সরোর পত্র আমাদের নিকট রহিল। ইতি মধ্যে সুর আপন দৌহিত্রীর বিবাহ দিতে পারে”; এবং সুরের ভাবী বৈবাহিক বিশ্বাসও তাহাতে সম্মত হইল, ও গ্রামে কুতুহল কোলাহল হইতে লাগিল।

## দ্বাদশ অধ্যায়।

### সুরের ভূমির ছাড়।

পর দিন সায়ংকাল উত্তীর্ণ হইলে পর, রাজাবাবু কাছারির খাস্-কাম্‌রায় বসিয়া দেওয়ান মহাশয়কে ডাকাইলেন। প্রাচীন মিত্র দেওয়ান এই ব্যাপার হওনাবধি অতিশয় বিমর্ষ আছেন। আজ্ঞামতে রাজাবাবুর সমীপে আসিয়া প্রণাম করতঃ রাজাবাবুর দক্ষিণে বসিলে, বাবু মুছ সুরে কহিতে লাগিলেন যে “গ্রামে এই ব্যাপার হওনাবধি মা বড় চুঃখিত আছেন, ও সদাই এই শঙ্কা করিতেছেন যে পাছে গ্রামে কেহ আমাদের

কলঙ্ক করে। তিনি কহেন যে স্বর্গীয় কর্তার সময়ে কেহ কোন কথাটি কহে নাই, এক্ষণে গ্রামের ভদ্রাভদ্র লোকে কানাকানি করিতেছে যে গেজেট কর্তৃক সুরের বাটীর কলঙ্ক কেবল আমার অশাসনে হইয়াছে; কেননা লোকে কহিতেছে যে গেজেট আমার প্রিয়, ও তাহার কৃত অত্যাচারে আমার সম্মতি ছিল। এ বড় জঘন্য কথা”।

প্রাচীন মিত্র দেওয়ান দীর্ঘ নিশ্বাস ত্যাগ করিয়া কহিলেন, যে গেজেট সজ্জন নহে। তাহাকে উৎসাহ দেওয়াই অন্যায় হইয়াছে। যাহা-হউক, যাহা হইবার হইয়াছে। এক্ষণে আমার পরামর্শ এই, যে গেজেটকে সুরের কোন নাএবের অধীনে নিযুক্ত করা যাউক, ও কর্তী ঠাকুরাণীর ইচ্ছা হেতু সুরের ক্রোড়ী ভূমি সুরকে ছাড় দেওয়া যাউক, তাহা হইলে ক্রমে পূর্বের শান্তি স্থাপন এবং আপনকারো যশোবুদ্ধি হইবে। রাজাবাবু কিয়ৎক্ষণ চিন্তা করিয়া কহিলেন, “তাই কর, ও সুরকে ডাকাইয়া কহিয়া দেও”। তদনন্তর দেওয়ান মহাশয় খাস্‌কাম্‌রায় হইতে উঠিয়া আপন দফতরখানায় বসিয়া মেরুধাকে হুকুম করিলেন যে “শঙ্কু-সুরকে কহ যে দেওয়ানখানায় আপনাকে ডাকহইয়াছে,—কল্যাণ প্রাতে আসিয়া সাক্ষাৎ করে”। দূত গিয়া শঙ্কুকে ঐ আদেশ জানাইল। প্রাচীন শঙ্কু স্বভাবতঃ অত্যন্ত ভীক। জমীদারের শমন পাইয়া আরো ভীত হইল ও মনে করিল যে “বুঝি সরো ও গেজেটের পঞ্চাশত কর্তৃক অপমান হওয়াতে রাজাবাবু আমাকে অহুযোগ অথবা দণ্ড করিবেন”। ভয়ে শঙ্কুর প্রাণ উড়িল ও বুক্‌ ছড়্‌ ছড়্‌ করিতে লাগিল ও উভয় পুত্রকে ডাকিয়া কহিল যে “রাজাবাবুর তলব আছে,—কি করি?” উভয় পুত্র একবাক্য হইয়া কহিল “তাঁর বাধা কি। সে পুণ্যের সংসার। আপনি প্রাচীন প্রজা। বোধ হয় তাঁহাদের দয়ার উদয় হইয়াছে ও আমাদের



মঙ্গল হইবে। আপনি সকল কৰ্ম ত্যাগ করিয়া কল্যাণ প্রাতে ভাল সময় দেখিয়া রাজাবাবুর হজুরে গিয়া সাক্ষাৎ করুন”।

পুত্রগণের কথায় বুদ্ধ সুর সাহস পাইয়া স্বীকার করিল ও পুত্রগণকে কহিল “কিঞ্চিৎ উপহারের আয়োজন কর”। পুত্রেরা কহিল “ভাল”। পর দিন প্রাতে বুদ্ধ সুর শর্করা সংযুক্ত উপাদেয় শুক দধি, ও খিড়্কীর পুষ্করিণীর বৃহৎ রোহিত মৎস্য ধরাইয়া ভারে ভারে লইয়া ভূম্যধিকারীর ভবনে উপচৌকন সহ উপস্থিত হইল। তাহার কিঞ্চিৎ পরে রাজাবাবুকে সংবাদ হইল যে “বুদ্ধ শঙ্কুসুর হজুরে উপস্থিত আছে”। রাজাবাবু বারাণ্ডায় দাঁড়াইয়া উপচৌকনে দৃষ্টিপাৎ করিলেন। এবং সজীব প্রবীণ রোহিত দুটে তুষ্ট হইয়া তাহা অন্তঃপুরে প্রেরণ করিতে আজ্ঞা দিলেন। সেই সময়ে বুদ্ধ সুর কএকটি টাকা চাদরের উপর রাখিয়া নজর ধরিল। রাজাবাবু তাহা স্পর্শ করিলে, আমলারা তাহা খাতায় জমা দিল। তদনন্তর রাজাবাবু কহিলেন “সুর, দেওয়ানখানায় গিয়া শুন দেওয়ানজী কি বলেন”। সুর ধরাবনত প্রণাম করিয়া বিদায় হইল, ও দেওয়ানখানায় আসিবামাত্র শুনিল যে তাহার ইক্ষুর ভূমির ছাড় হইয়াছে। তাহাতে আপনাকে চরিতার্থ জান করিয়া রাজাবাবুর রাজোন্নতি ও কীর্তির কীর্তন করিতে লাগিল; শেষে দেওয়ান মহাশয়কে প্রণাম করিয়া বিদায় হইল।

অন্তঃপুরে গোলাপকুমারী শুনিলেন যে দাদাবাবু সুরের ভূমি ছাড় দিয়াছেন। ইহাতে পুলকে পূর্ণিতা হইয়া তড়িতের ন্যায় আসিয়া মাতাকে ঐ সংবাদ কহিলেন। আরো বলিলেন যে “মা, আমি অতঃপর সত্যে প্রসার হইলাম। তবে সরোর জন্যে বড় দুঃখিত হইতেছি”। মাতা কহিলেন “সে দুঃখের বিষয় বটে;—অনেক দিন আশ্রয়ে ছিল।

সেখ, পশুকেও পালন করিলে কিছু দিনে তাঁর প্রতি মায়া জন্মে,—সে তো মানুষ। সকলি অদৃষ্টে করে। গত বিষয়ের অনুশোচন করা বৃথা। সুর আপন ভূমি পাইয়াছে,—এখন সেই মঙ্গল। সম্প্রতি সরো দশ পাঁচ দিনের জন্য অন্যত্র গিয়া থাকুক। গোল্টা মিটলে আসবে”।

বুদ্ধ সুর বাটীতে আসিয়া পুত্র ও পরিজনদিগকে রাজাবাবুর সম্ভাবহারের ও অনুগ্রহের কথা কহিয়া সকলকে আনন্দিত করিল। তদনন্তর লক্ষ্মীর কন্যার শুভ বিবাহের আয়োজন করিতে সকলে উদ্যোগী হইল।

## ত্রয়োদশ অধ্যায়।

### লক্ষ্মীর কন্যার বিবাহ।

পর দিন পূর্নাক্ষে সুরের ভাবী বৈবাহিক বিশ্বাসের বাটী হইতে পত্র পৌঁছছিল। সুরের কনিষ্ঠ পুত্র অবিনাশ তাহা পাঠ করিয়া পিতাকে কহিল, “বাবা, ৯ ফাল্গুন রবিবার, মঘা নক্ষত্র, গোখুলি লগ্নে দিন স্থির হইয়াছে”। সুর সম্মতি-সূচক উত্তর লিখিয়া তদনুসারে আয়োজন করিতে আরম্ভ করিল। স্বর্গকার আসিয়া অবস্থানুযায়ী কিছু কিছু গহনা গড়িতে লাগিল। এবং সেই সুযোগে রাং তামা যাহা পাইল, মিশাল করিতে লাগিল। গ্রাম্য চাষা লোক,—স্যাক্রার চাতুরী কি বুঝিবেক? বাটার পরিজনেরা আন্দাজ মত ধান্য লইয়া চিঁড়া কুটিতে দিল। এবং সঞ্চিত ইক্ষু-গুড়ের নারিকেল সন্দেশ প্রস্তুত হইতে লাগিল। তাহার পর সুর প্রাণ্য গোপকে ডাকাইয়া ভাঙ্গা দধির ফরমাইস দিল,

এবং কিঞ্চিৎ গাঢ় দধিরও বায়না দেওয়া হইল। সুরের কনিষ্ঠ পুত্র মধ্যে মধ্যে সহরে আসিয়া তথাকার আহার ব্যবহারের রীতি দেখিয়া জানিয়াছিল, ও পিতাকে কহিল “ বাবা, এখনকার লোকে চিঁড়া দই প্রায় খায় না; তবে চিঁড়া দধির যে আয়োজন হইল তাহা ইতর লোকের আহাৰ্য্য। কুটুম্ব ও স্বজাতীয় ও ব্রাহ্মণদিগের জন্য কিঞ্চিৎ “ নুচি চিনি ” করিলে ভাল হয়। আর আইবড় ভাতের দিনে দধি ও সন্দেশ প্রয়োজন হইবেক ”। ৷ ইচ্ছায় সুরের নিতান্ত অপ্রতুল ছিল না। ছোট ছেলে স্কুল মাষ্টার। ছোট জামাই ইন্সপেক্টর। তদ্বিত্ত জমা জমী যথেষ্ট ছিল। সুর কনিষ্ঠ পুত্রের প্রস্তাবে সম্মত হইয়া “ নুচি চিনির ” ও গুড়-সন্দেশের আয়োজন করিল। কিন্তু গ্রামে কেবল এক ঘর ময়রা আছে। তাহারা চিরকাল চিঁড়ের চাকতি ও গুড়পাটালি গড়িয়া সংসারযাত্রা নির্বাহ করে। ছানা চিনির কোন সম্পর্ক রাখিত না। সুর তাহাকে ডাকাইয়া সন্দেশের কথা জিজ্ঞাসা করিতে ময়রা মাথায় হাত দিয়া বসিল ও পরে কহিল “ সন্দেশ দেবো, কিন্তু লালী রকম হ'বে,— চিনিতে পাক রাখতে পারবনা ”। বৃদ্ধ সুর কহিল, “ তুমি যেমন পার দিও ”। ইহা কহিয়া ময়রাকে দুইটি টাকা দান দিল ও যত সন্দেশ চাহি কহিয়া দিল। ময়রা ঘরে গিয়া ময়রাণীকে ডাক দিয়া কহিল, “ এই টাকা নে ”। ময়রাণী কহিল, “ কিসের টাকা?—দু টাকা যে একেবারে? ”

ময়রা। সন্দেশের বায়না রে।

ময়রাণী। সন্দেশ তোর চোদ্দ পুরুষে কখন গড়েচে।

ময়রা। নাড়ু তো গড়েচি; তাই সন্দেশ বলে দেবো। আমাদের দেশে সেই সন্দেশ।

ময়রাণী। যদি সহরের লোক খেতে এসে, তবেই তো ধরা পড়বো।

ময়রা। তা'র ভয় কি? আমাদের যে দেশ, এখানে পাটালিকেও সন্দেশ বলে। তবে এখন উদয়ুগ কর।

ময়রাণী। তা কচ্চি।—বরেরা কোথাকার লোক?

ময়রা। অজু পাড়াগৈয়ে।

ময়রাণী। তবে সুরবিদে আছে; পাটালিই সন্দেশ বলে চালিয়ে দেবো!

মোদক দুই টাকা নগদ বায়না পাইয়া স্ত্রীপুরুষে সন্তুষ্ট মনে সন্দেশের কারণ কোত্রা গুড় সংগ্রহ করিতে লাগিল। এখানে সুরেরা সপত্নিবার আয়োজন করিতে লাগিল। ঘরঘার ষেখানে ভান্ডাচূরা ছিল, ঘরামি ডাকাইয়া খুঁচি খাঁচি দিতে আরম্ভ হইল। দিন দিন জন খাটিতে লাগিল। উঠান চাঁচা হইল। পথ, ঘাট, খিড়কী, সদর ক্রমে ক্রমে সকলি পরিষ্কার হইল। কালি গায়ে হলুদ। কুটুম্বমাফাৎ নিমন্ত্রণ হইল। পর দিন প্রাতে এক প্রহরের পর বিশ্বাসের বাটা হইতে একটি নুতন কাঁসার বাটাতে করিয়া অনেক নাপিত কিঞ্চিৎ তৈল হরিদ্রা লইয়া সুরের বাটাতে আগত হইল; ও বাচনিক কহিল যে “ বরের গায়ে হলুদ হয়েচে ”। কারণ বরের গায়ে হরিদ্রা না হইলে কন্যার গায়ে হরিদ্রা হয় না। সুরের পুত্র হরিদ্রা লইয়া বাটার মধ্যে গেল। সাত জনা সধবা স্ত্রীলোক একত্রিত হইয়া কন্যাকে ঘেরিয়া হুন্-ধ্বনি ও শঙ্খ-ধ্বনি করিয়া কন্যার গায়ে হলুদ দিল। তদনন্তর আইবড় ভাত হইল। কন্যাটি আমন্ত্রিত সধবা স্ত্রীলোকদিগের সহিত আমন্ত্রণা-যুক্ত পিঁড়িতে বসিয়া ভোজন করিল;—হাতে একখানি কাজলনতা। বাহিরে

কুটুম্বগণ ভোজনেনে বসিল। কুটুম্বগণের ভোজনান্তে গ্রামের অন্তঃস্বর্ণ অর্থাৎ বাগদী ছল্যা প্রভৃতি জাতিরা পাত্রাবশিষ্ট উচ্ছিষ্ট উঠাইয়া লইল; এবং গ্রাম্য অনেকানেক ইতর লোককে সুর যথেষ্ট অন্নব্যঞ্জনও দিল। তদনন্তর স্বজাতীয়েরা কন্যাটিকে বস্ত্র ও মিষ্টান্ন দিয়া আইবড়-ভাতের তত্ত্ব প্রেরণ করিল; কেহবা নিমন্ত্রণ করিয়া খাওয়াইল। দেখিতে দেখিতে বিবাহের দিন উপস্থিত হইল। প্রাতে অনেক কুটুম্ব আসিয়া যুটিল। বাটার মধ্যে স্ত্রীলোকের কলরবে কাণ পাতা যায় না। সকলেই হাস্যমুখী ও অন্তরে সুখী। ভিতরে কামান্—বাহিরে লুচি ভাজার ধুম উঠিল। হালুই-কর হঠাৎ না পাওয়াতে, পূর্বে গুড়পিঠা গড়িয়া হাতে বসিয়া বেচিত, শঙ্কুসুর তাহাকেই লুচি ভাজিতে নিয়োগ করিল। বেলা অপরাহ্নে ময়রা সন্দেশ আনিয়া যোগাইল।—ঘোর লালী,—দেখিতে যেন গণেশের পেট কাটা। সে গ্রাম দিয়া কখন গরুর গমন হয় নাই। ময়রা গুজন দিতে দিতে কহিল “মশাই, এ কাঁচাগোলা”। তাহার পর দধি লইয়া গোপ আইল। দধি বড় মন্দ নহে। কোন কোন পরিগ্রামে উত্তম দধি হয়। গোপ কহিল, “সুকো দই আনিয়াছি। তাহা ভদ্র লোকের খাইবার। বামণ ভোজনের দই পরে আসবে;—সে পাতলা রকম”। এইরূপে ক্রমে ক্রমে ফরমাইনী সামগ্রী সকল আসিয়া পঁছ-ছিল। দেখিতে দেখিতে বেলা প্রায় ঝিকি-ঝিকি করিতে লাগিল। লগ্ন গোধূলি। সুরের কনিষ্ঠ পুত্র বিশেষ উদ্যোগী লোক। ও তাহার সাহায্যার্থে আর দুই এক জনা গ্রাম্য স্কুল-মাস্টার আসিয়া যুটিল। সন্ধ্যার পূর্বেই বরশয্যা ও বরযাত্রীদিগের বসিবার বিছানা হইল, এবং স্থানে স্থানে আলো জ্বলিল। ক্রমে ক্রমে আলুত কন্যা-যাত্রীগণ আসিতে লাগিল। এমন সময় বাজনা উঠিল। ছোট ছোট বালকেরা বর

দেখিবার জন্য দৌড়িতে লাগিল। স্ত্রীলোকেরা হুড়ু হুড়ু করিয়া ছাতে উঠিতে আরম্ভ করিল। কেহ কেহবা জান্‌লায় মুখ বাড়াইয়া উঁকী খুঁকী মারিতে লাগিল, ও বরের আগমন প্রতীক্ষায় দাঁড়াইয়া রহিল। এমত কালে বরের চৌপাল গ্রামে পঁছছিল, ও কন্যা-কর্তার পক্ষের লোক অগ্রগামী হইল। চৌপালের অঙ্গ প্রত্যঙ্গ মোটা লাল বনাতে ঢাকা। সঙ্গে গুটিকতক লাল ছোকরা—খাষ্-গেলাপ্ ও গ্লাসের কাড়—কিছু কিছু দেশী বাজনাও পাঙ্কীর আগে আগে আছে। চৌপালের মধ্যে বরের ছোট ভাই নিংবর বসিয়া আছে। বরের বয়ঃক্রম ১৮।২০ বৎসর; নিতুবরও ১৫।১৬ বৎসরের হইবেক।—তাদৃশ স্থূল-কায় নহে। বার জনা বেহারায় কোন প্রকারে বহিয়া আনিল। দেখিতে দেখিতে চৌপাল সুরের দ্বারে আসিয়া উপনীত হইল। সেই সময় কন্যাকর্তার পক্ষের এক জন আত্মীয় লোক বরকে পাল্‌কী হইতে উঠাইল, এবং নাপিত কোলে করিয়া লইয়া মাইবর উদ্যম করিল; কিন্তু ক্ষণমাত্র তুলিয়া ভূমে রাখিয়া দিল।—কহিল, “বাবা! ভারী গুজন”। তাহার পর উভয়ে চলিয়া গিয়া বরশয্যায় উপবেশন করিলেন। এমত সময় পুরোহিত আসিয়া কহিলেন “গোধূলি লগ্ন বহিয়া যায়; এই সময় পাত্রস্থ হউক”। সে জন্য বরকে উভয় পক্ষের নাপিতেরা যোঁতাঙ্গ ধরাধরি করিয়া উঠাইয়া লইয়া গেল। কন্যা-যাত্রী ও বর-যাত্রীরা সভায় বসিয়া তমাকু খাইতে লাগিল। ব্রাহ্মণেরা আসনান্তরে বসিয়া পরস্পর শাস্তালাপ করিতে লাগিলেন। কন্যা পাত্রস্থ হইল। বরাভরণ—স্বর্ণাকুরি এবং পাটের যোড়। তাহার পর নাপিতেরা বরকে লইয়া স্ত্রীআচারের স্থানে গেল। স্ত্রীআচারের স্থানে সধবা স্ত্রীলোকের কাঁতার দিয়া দাঁড়াইয়াছে। পশ্চাতে বিধবাগণ।—কারণ বিধবারা মাস্তলিক

কর্মে অশুভকরীও অস্বাভাবিক। স্ত্রীস্বাচার হইলে পর বরকে পুনর্বার পাত্রস্থ হইবার স্থানে আনিয়া যাহা যাহা অবশিষ্ট বৈবাহিক কার্য ছিল, তাহা সাজ ও দান সামগ্রী রীতিমত উৎসর্গ হইল। তদনন্তর বর বাসরঘরে উঠিয়া গেলে, স্ত্রীলোকেরা তথায় দেশাচার মতে বিবিধ কোঁতুক করিতে লাগিল। এখানে কন্যাশাত্রী ও বরযাত্রীদিগের পাত হইল, ও সকলে আহার করিতে বসিল। বরযাত্রীর মধ্যে কেহ কেহ সন্দেশের লোহিত বর্ণ দেখিয়া বিক্রম বর্ণনা করিল :—

“সেরের কাহন দরে কিনেছি সন্দেশ” ।

উভয় দলের কুটুম্ব ও ব্রাহ্মণগণের আহার হইলে, গ্রাম্য ইতরলোকেরা খাইতে বসিল, ও উদর পুরিয়া চিঁড়া, দধি, গুড় খাইয়া পরি-তুষ্ট হইল, এবং সুরের যশ গাহিতে লাগিল। পর দিন প্রাতে বাসি-বিবাহ হইলে পর, বর কন্যা বিদায় হইল। চৌপালের এক দিকে কন্যা—অপর দিকে বর বসিলেন। কন্যার সঙ্গে একটি স্ত্রীলোক চলিল; যে হেতুক নবোঢ়া বালিকা—শুশুরালয়ে কাহারও সঙ্গে কথা কহি-বেক না। পর দিন সায়ংকালে ফুল-শয্যা। জামাতার ধুতি চাদর, পুষ্প, চন্দন, কন্যার বস্ত্র, এবং পল্লীগ্রাম-প্রচলিত মিষ্টান্ন যাহা সংগ্রহ করিতে পারিয়াছিল তাহাই প্রেরণ করিল। সপ্তাহান্তে জামাতা সস্ত্রীক ঘোড়ে আসিয়া কিয়দিন শুশুরালয়ে থাকিয়া আমোদ প্রমোদ করিয়া স্বগৃহে গমন করিল। কন্যা মাতৃ-গৃহে রহিল। কুটুম্বেরা ক্রমে ক্রমে বিদায় হইল। শঙ্কুসুর অবস্থামতে তাহাদিগকে বস্ত্রাদি লৌকিকতা দিয়া কুটুম্বের মর্যাদা রক্ষা করিল। শঙ্কুসুর অতঃপর কন্যা-দায় হইতে এইরূপে উদ্ধার হইয়া সত্যনারায়ণের শিল্পী দিল। স্ত্রীলোকেরাও প্রতিবাসিগণকে ষড় করিয়া আমোদ প্রমোদে স্ববচনী পূজা দিল।

স্বক্ৰান্তীয় গ্রামস্থেরা একবাক্য হইয়া সরোভাগারীণী ও গন্ধাধর গেজে-টের নিমন্ত্রণ বারণ করিতে তাহারা রহিত হইয়াছে। তাহার পর যাহা ঘটে আগামী অধ্যায়ে লিখিত হইবে।

## চতুর্দশ অধ্যায় ।

মদির্য্য দোকানে কলহ ও পুলিশ কর্তৃক তদন্ত ।

আমরা পূর্ক পূর্ক অধ্যায়ে প্রকাশ করি নাই যে প্রাথমিক প্রান্তরালে কতক গুলিন অন্ত্যজ বর্ণ বাস করিত, তন্মধ্যে অনেকেরই পাল্কা-বহন উপজীব্য ছিল। কেহ কেহ বা পাইকের কার্য—কেহ বা “হরু করা” গিরি করিত। তাহাদের ছই দল ছিল,—ছই দলের ছইজন প্রাধান। গ্রামের মধ্যে কাহারো বাটীতে কোন মাস্তুলিক কর্ম হইলে তাহারা কিছু কিছু পারিতোষিক পাইত। সুরের দৌহিত্রীর শুভ বিবাহ হইলে যখন জামাতা ঘোড়ে আসিয়াছিল, সেই সময় এক দিন পূর্কালু উভয় দল আপন আপন প্রাধানকে সঙ্গে লইয়া কাদা-মাথা—মল্লবেশ—লাঠি হস্তে করিয়া চীংকার করতঃ খেলিতে খেলিতে সুরের সদর বাটীতে আসিয়া উপনীত হইল, ও মালসাট মারিতে আরম্ভ করিল ও ডাকিয়া কহিল “মা-ঠাকুরাণ—কাপড় দেও”—“সুর মশাই, বখসিস্—বখসিস্!” উহারা প্রায় ২০২৫ জনা লোক হইবেক। “গোরা” ও “শিবে” নামে ছইজন ছই দলের প্রাধান। তাহাদের হাতে রূপার বালা আছে, তাহাতে বহু জনতার মধ্যেও উক্ত উভয় সর্দারকে চেনা যায়। কথিত আছে যে পূর্ক উহারা ভয়ানক লোক ছিল;—

লোকে কহিত “ একলা পথের মা-বাপ ” । গ্রামে থানা বসিল, ও শিবে ও গোরার ক্রমে ক্রমে ঠাণ্ডা হইয়া আইল । “ শিয়রে শমন ” বলিয়া সম্প্রতি পূর্বের দোষ আর প্রকৃত হওয়া যায় না । বিশেষতঃ গ্রামের জমীদার প্রবল উৎকট অত্যাচার করিলে “ সপ্তরি এক গাড়ে করিবেক, ”—সে ভয়ও আছে । তজ্জন্য গোরার ও শিবের দল দিন দিন অপ্রবল হইল । এক্ষণে কেবল বৈধ আমোদ করিয়া গৃহস্থের বাটী হইতে কিছু কিছু লইয়া থাকে, ও উপরি যাহা উপার্জন করে, সকলি মদের দোকানে দেয় । তাহাদের বাটীর স্ত্রীলোকেরা গ্রামস্থ পুরাতন পক্ষিল পুষ্করিণীতে ও বিলে ও খালে মৎস্য মারিয়া পাড়ায় পাড়ায় বিক্রয় করিয়া থাকে, ও মূল্য স্বরূপে ধান-চাউল যাহা পায়—তাহাই লইয়া থাকে ।

সুরের বাটীতে অনেকক্ষণ খেলিয়া নগদ দুই টাকা, কতক ধান্য, ও পুরাতন বস্ত্র দুই খানি পাইল । শিবে ও গোরার তৎক্ষণাৎ ঐ কাপড় মাথায় বান্ধিল, ও সুরাপানে উন্নত হইয়া আনন্দে নৃত্য করিতে লাগিল । গোরার ও শিবের মধ্যে পরস্পর এমত রিশ ছিল যে তাহারা যেন দুই সতিন । ও প্রাপ্ত পারিতোষিকের হুনাতিরেক হইলে গ্রহণ করিত না, এবং ভয়ানক গোলযোগ উপস্থিত করিত । গৃহস্থ সুররাং সত্যে সমান করিয়া দিত । সুরজায়া তাহা পূর্বেই জ্ঞাত থাকিয়া উভয়কে সমান করিয়া দিল । শিরপা পাইয়া প্রেতের দল নাচিতে নাচিতে বাহির হইল, ও ঘরে না গিয়া সুরের দত্ত ধান, টাকা, ও বস্ত্র লইয়া শুঁড়ির দোকানে উপস্থিত হইল । শুঁড়িকে ডাকিয়া কহিল, “ ভাই,—হরেকৃষ্ণ [ শুঁড়ির ঐ নাম ছিল ] আজ সোন্ধের পর তোর দোকানে মোদের বৈঠক হবে, দুই ঘড়া পচুই আর এক ঘড়া মদ তয়ের রাক্;—তা না হয় তো মজা দেখবি ” । ইহা কহিয়া

নগদ দুই টাকা, অর্ধমোন ধান্য, ও বস্ত্র দুই খানি শুঁড়িকে দিল । গ্রাম্য শৌণ্ডিক একেবারে এতাদৃশ লাভ করিয়া কৃতার্থ হইল, ও শিবে ও গোরার দত্ত ধান্যাদি আশু গোপন করিয়া উহাদের কহিল “ তোর যা—সেই সময় আসিস,—সব তয়ের পাবি ” । দ্রব্যের বিনিময়ে মদিরা দেওয়া পাট্টার নিয়মের ব্যতিক্রম । শৌণ্ডিক তদর্থে শীঘ্র সতর্ক হইল । এমত কালে শিবের স্ত্রী সংবাদ পাইয়া শুঁড়ির দোকানে আইল, এবং তাহাকে গালি দিয়া কহিল “ ধান্ কি কল্লি ?—ফিরে দিবি তো দে,—না হয় তো আমি খানায় চল্লেম্ ” । শৌণ্ডিক পুরাতন দৃষ্ট ও প্রবীণ চোর । ধান্য ও কাপড়ের কথা একেবারে অপছন্দ করিয়া কহিল “ ধান্ কোতা লো ?—কিসের কাপড় ? ” সেই সময় শিবে—তাহার স্বামী—সায় দিয়া কহিল “ তাতো—ব—ব—বটে । ধান—কে—কে—কে দিল, মুই দিই নি, তুই চোলে যা বেটা ” । ইহা কহিয়া শিবে সদল সেখান হইতে প্রস্থান করিল । তাহার স্ত্রী অশ্রাব্য গালি দিতে দিতে তাহার পশ্চাতে পশ্চাতে চলিল ও শুঁড়িকে ভয় দেখাইল—“ আচ্ছা,—তুই কেমন হরেকৃষ্ণ শুঁড়ী তা আমি সন্দেহে বেল দেবো ” ।

সেই দিন সন্ধ্যার পর গোরার ও শিবের দল শুঁড়ির দোকানে আসিয়া গিলিল । লোক অহু্যন বিংশতি জন হইবেক । সেই সময় তথায় ৩৪ জনা মাভাল বাবু আসিয়া যুটিল,—দৃষ্টতঃ ভদ্রসন্তান, লোহিত লোচন, কৃশ-কায়,—পরিধান মলিন বসন । দুই একজনের কক্ষদেশে মদ্যাধার বোতল । সকলেরি কিঞ্চিৎ কিঞ্চিৎ ইংরাজী কথা জানা আছে । গোরার ও শিবের দল আগত মাত্রে দুই কলসী পচুই নিঃশেষ করিল । তাহার পর অপরিমিত উগ্র মদিরা পান করিয়া নেশায় তোর হইয়া “ শোর-গোল ” আরম্ভ করিল । কেহ বা গায়, কেহ ঢোলোক বাজায়, কেহ বা

চলিয়া পড়ে, কেহ বা কাহার উপরে চড়ে, কেহ বা উলঙ্গ হয়ে নাচে, কেহ হাঁচে, কেহ কাঁদে, কেহ হাসে, কেহ কহে “কি মজা, কেহ কহে “ব্যাড়ে গজা”, কেহ কহে “কিয়া খিলিওয়ালী”, কেহ কহে “আচ্ছা মজা দিলি”, ইত্যাদি রূপ কোলাহল করিতে লাগিল, ও সেই সঙ্গে মাতাল বাবুরাও যোগ দিল। এমতকালে শিবের স্ত্রীর সংবাদ দেওয়া মতে থানার লোক আসিয়া পঁহুছিল। এবং মদিরার দোকানে অত্যন্ত জনতা দেখিয়া শুঁড়ী ও শিবে ও গোরাকে আটক করিল, এবং তিন জনা মাতাল বাবুও সেই সময় ধৃত হইল। “হেড্ কানেষ্টবলকে” দেখিয়া ইতর লোকেরা অধিকাংশ পলায়ন করিল। নেশায় বিহ্বল মাতাল বাবু একজন ভগ্নস্বরে পুলীসকে কহিল “shir Constable, I very good drinkes”। হেড্ কানেষ্টবল কহিল “সো হামকো খুব মালুম্ হেয়। তোম্ আভি থানেমে চলো। ইহা কহিয়া হেড্ কানেষ্টবল ঐ মাতাল বাবুর হাত ধরিল। বাবু রাগতঃ হইয়া পুলীসের লোককে, বিশেষতঃ ধৃতকারী হেড্ কানেষ্টবলকে, কটু ভাষায় অনেক গালি দিয়া জিজ্ঞাসিল “what section you catch me, Rascal police?” এই সময় দোকানদার বিনয় পূর্বক হেড্ কানেষ্টবলকে কহিল—“জমাদার সাহেব, এই তিন জনা মাতাল বাবুদের কথা আর কি বোলবো, এঁরা ভারী উৎপাত করেচেন,—এঁরা আমার দোকানের কলসী ভেঙ্গে মদ খেয়েচেন, আমিও সে জন্যে থানায় যাচ্ছিলেম”। হেড্ কানেষ্টবল কহিল, “সাদা,—তোমতো আসল্ বজ্জাৎ, আজ্ ময় তোমকো জরুর্ চালান্ করে গা”। শুঁড়ী কহিল “যে আজ্, আপুনি মালিক,—সব্ কত্তে পারেন”। হেড্ কানেষ্টবল পূর্বে পণ্টনে কর্ম করিয়াছিল, এবং যৎস্বল্প ইংরাজী জানিত। মাতাল বাবুকে কহিল, “তোমারা বাৎকা জওয়াব্ হাম্ থানে-

মে দেগা,—তোম্ উঁহা চলো”। ইহা কহিয়া হেড্ কানেষ্টবল্ মাতাল বাবুকে ও তাহার সমভিব্যাহারী ছইজনা, যাহারা পান হেতু অজ্ঞান ছইয়াছিল, তাহাদিগকে ও শুঁড়ীকে ও শিবে ও গোরা ও তথায় উপস্থিত তাহাদের অহুমঙ্গলদিগকে ধৃত করিয়া চালান করিল। সেই সময়ে শিবে ও গোরা মদিরার বোঁকে কহিয়া দিল, “কা—কা—কানেষ্টবেল্, এই শুঁড়ী—শা—শালা ব—বড় বজ্জাৎ; আমাদের কাছথেকে ছু—ছু—থানা কাপড় নেছে,—আর ধা—ধা—ধান্ আদ্ মোন্”। হেড্ কানেষ্টবল্ কহিল, “হাঁ সাদা শুঁড়ী, তোমারা এই কাম্ হেয়!—থানা চলো”। ইহা কহিয়া হেড্ কানেষ্টবল্ সকলকে ধাক্কা দিয়া থানায় লইয়া চলিল। পথে মাতাল বাবু ভারী উৎপাত আরম্ভ করিল, এবং সোরগোল করিয়া কহিল “হেড্ কানেষ্টবল্ আমার কোমর্ হইতে টাকা কাড়িয়া লইল।—দোহাই সাহেবের! দোহাই সাহেবের!” শিবে ও গোরা তখনি সায় দিল, “হাঁ-হাঁ, তা—তো—মোরা দেখিচি বটে”। তাহা শুনিয়া হেড্ কানেষ্টবল্ গোরা ও শিবেকে কহিল, “বজ্জাৎ,—এইসি বাৎ ফের্! হাম্ তোমলোককো বদমাইশিমে চালান করোগা”। শুঁড়ী এই সকল দেখিয়া ভয়ে জড় শড় হইল; ও হেড্ কানেষ্টবল্কে কহিল “জমাদার সাহেব, আমাকে এ যাত্রা রক্ষা কর”। জমাদার শুনিলা—তাহাদিগকে থানায় লইয়া গেল।

থানায় পঁহুছিয়া মাতাল বাবু চলিতে চলিতে গভীর ভগ্নস্বরে কহিল, “Sir, you releases me; Sec. 34, Police Act; not force here, I drunkard and two friends. If not so, I complain magister; then he eat you pork.”। ইনেস্পেক্টর্ পশ্চিম প্রদেশীয় মুসলমান, ইংরাজী কিছুমাত্র বুঝিত না। হেড্ কানেষ্টবল্কে জিজ্ঞাসা করিল “ইহে

মাতৃওয়ালী হয়ে,—কিয়া বোলতা হয়ে ? ” জমাদার কহিল,—“আপুকে গালি দেতা হয়ে ;—কহতা হয়ে কে তোম্ স্ময়র্ খাও,—নেইতো হামে ছোড়্ দেও ” । কিন্তু দারোগা স্তবোধ লোক । কাণে হাত দিয়া কহিল “ তোবা ! তোবা ! ইস্কা আবি কুচ্ হোস্ নেহি হয়ে,—জানে দেও ” । ইহা কহিয়া আসামীগণকে কোতের মধ্যে রাখিল । শুঁড়ী আপাততঃ জামিন্ দিয়া খালাস্ হইল । তৎপরদিন ইনিস্পেক্টর্ “ সরে-জমীনে ” তদন্তপূর্বক এই প্রমাণ পাইল যে দোকানদার ছুই খণ্ড বস্ত্র ও কতক ধান্ মদিরার বিনিময়ে মূল্যের পরিবর্তে লইয়াছে, এবং দোকানে বহুলোককে স্থান দিয়া পানঘটিত হঙ্গামা উপস্থিত করিয়াছে ; ইহা তাহার পাট্টার নিয়মের ব্যতিক্রম, ও সন ১৮৫৬ সালের ২১ আইনের ৪৩ ধারার বিরুদ্ধ ; এবং দোকানদারের পাট্টা জব্দের যোগ্য । বাকী লোকেরা মাতাল হইয়া অসাবধান হওয়াতে সন ১৮৬১ সালের ৫ আক্টের ৩৪ ধারার দোষ করিয়াছে ” । ঐ ধারা বোধ হয় ঐ গ্রামে চলন ছিল । ইনিস্পেক্টর্ এই মত তদন্ত করিয়া তিন জনা মাতাল বাবুকে, এবং গোরা, শিবে সন্দার, হরেকৃষ্ণ শুঁড়ী, ও শিবের সঙ্গের আর চারি পাঁচ জন লোককে—মায় একটা মদিরার বোতল—চালান করিল । অভিযুক্তেরা জাইন্ট মাজিষ্ট্রেট্ সাহেবের কাছারিতে আনীত হইলে বাবুদের কিছু হোস্ হইল ; ও সাহেবকে বিনয় করিয়া কহিল, “ ধর্ম্মাবতার, আমরা ভদ্রসন্তান, মাতাল হইয়া রাস্তার ধারে পড়ি নাই,—দোকানেই বসিয়া-ছিলাম ” । সেই সময় কোর্ট ইনিস্পেক্টর্ মাজিষ্ট্রেট্ সাহেবকে কহিলেন, “ এই ব্যক্তি পূর্বে তিন চারি বার মাতলামীর জন্য দণ্ড পাইয়াছে ;—স্মরণীয় ইহার সানেনা । আর শুঁড়ী হইতেই দেশের সকল অমঙ্গল ঘটতেছে । ইহারা অধিক রাত্রে ভদ্রসন্তানদিগকে মদিরা বিক্রয়

করে, ও চোর ও বদমাশ্ লোকদিগকে সর্বদা আশ্রয় দিয়া থাকে । ইহাদের দোকান সিঁদেলচোরের ভদ্রাসন বাটী । আর শিবে ও গোরা—ইহারা ভয়ানক লোক । কেবল জমীদারের ভয়ে উৎকট অপরাধ করিতে পারে না । ইহারা প্রতিবৎসর গাজনের সময় ভারী অত্যাচার করিত ” । “ ইন্ চার্জ্ ” জাইন্ট সাহেব গাজনের নাম শুনিয়া অবাক্ হইলেন । ইনিস্পেক্টর্ ভাব বুঝিয়া কহিলেন, “ প্রতি সন চৈত্রমাসের সংক্রান্তির সময় শিবের “ গাজন্ ” হয় । এই গোরা ও শিবে সেই সময় সংসারের ছুট্ লোক্কে যড় করিয়া সন্ন্যাসের উপলক্ষে লোকের বাগানের ফল মূল আর কিছু বাকী রাখিত না । গ্রাম তোল্পাড় করিত । বলিলে শাসন করিত “ আচ্ছা তোকে দেখ্বে ” । গৃহস্থ ভয়ে আর কিছু করিতে পারিত না । ইহারা সেই সময়ে যে নারিকেল প্রভৃতি ফল সংগ্রহ করিত, তাহা বিক্রয় করিয়া ছয় মাস খাইত । কিন্তু সম্পুতি ইহাদের চাকরণ্ জমী আছে । বদমাশী প্রকাশ নাই ” । জাইন্ট সাহেব মোকদ্দমার সমস্ত অবস্থা বুঝিয়া দোকানদারের পাট্টা রদ ও রহিত করণের জন্য কালেক্টরিতে অনুরোধ করিলেন ; ও আবকারী আইনের ৪৩ ধারার লিখিত অর্থদণ্ড করিয়া তাহা আদায় করতঃ দোকান্দারকে ছাড়িয়া দিলেন ; ও মাতাল বাবুদিগকে ৩৪ ধারার শাস্তি দিয়া সাবধান করিয়া দিয়া হাসিতে হাসিতে জিজ্ঞাসিলেন “ আর টুমরা মড্ খাইবা ? ” মাতাল বাবুরা কহিল “ ধর্ম্মাবতার, যতকাল বাঁচবো ততকাল খাবো ” । সাহেব উভরায় হাসিয়া কহিলেন “ নাজীর, ইহাদের ছারিয়ে দে ” । নাজীর জাইন্ট সাহেবের সাধুভাষা বেধু বুঝিতেন । সেই হুকুমে নাজীর বাবুদের বিদায় দিলেন । তৃষ্ণাতুর বাবুরা দুই চারি আনা পয়সা বাহা নিকটে ছিল, তাহাতে স্ত্রী কিনিয়া তৃষ্ণা শাস্তি

করিয়া আপন আপন আবাসে চলিয়া গেলেন। সাহেব এজলাসে বসিয়া অনেক পর্যন্ত হাসিতে লাগিলেন।—ও সেই সময় শিবে, গোরা, ও তাহাদের অনুসঙ্গিগণের কিছু কিছু দণ্ড করিয়া পুলিশের প্রতি আদেশ করিলেন যে তাহাদের প্রতি সর্বদা দৃষ্টি রাখে।

### পঞ্চদশ অধ্যায় ।

#### ফৌজদারী আদালত ।

##### অপবাদের বিষয় ।

পরদিন প্রাতে শম্ভুস্বর উঠিয়া ব্যবহারানুযায়ী পাট্ কাটিতেছিল, এমতকালে তাহার কনিষ্ঠ পুত্র অবিলাশ জনেক মোক্তারকে সঙ্গে করিয়া আনিয়া পিতাকে কহিল, “বাবা, ইনি জিলার একজন প্রধান মোক্তার। ইহার বক্তৃতা-শক্তি আছে, এবং কতক ক্রতক আইনও জানেন। শম্ভুস্বর মোক্তারকে সমাদর পূর্বক বসাইল, ও যাহা যাহা হইয়াছিল, ও যাহা করিতে হইবেক, তাহা সকলি মোক্তারকে কহিল। আগত মোক্তার প্রগাঢ় বিদ্বানের ন্যায় সকল কথা শুনিয়া কহিলেন “মোকদ্দমায় গোল আছে। যাহা হউক, আমি আসিষ্ট্যান্ট সাহেবকে ইংরাজীতে বুঝাইয়া দিব”। মোক্তার ইংরাজীর এক বর্ণও জানিতেননা। আসিষ্ট্যান্ট সাহেবও সবডিবিজনের আধুনিক মাজিষ্ট্রেট্ এবং নব্য। সেই এলাকার মধ্যে সুরের বসতি। মোক্তার প্রাচীন ব্যক্তি;—লেখাপড়া ও আইন ~~বিষয়~~ আর সকলি জানিতেন। “পিনেল্-কোড্” ও কার্য-বিধির আইনের কখন একপাৎ ওক্টান্ নাই। সুরের নিকট বসিয়া শরজ্-

জীম্বুতের ন্যায় বহু বাগাড়ম্বর করিয়া তাহাকে ও অবিলাশকে বুঝাইলেন, যে তাহার ন্যায় পারগ আইনজ্ঞ লোক জিলার কাছারিতেও প্রায় নাই। শম্ভুস্বর মোক্তারের পারকতাপক্ষে হতপ্রত্যয় হইয়া অঙ্গীকার করিল যে “আপনিই মোক্তারনামা পাইবেন”। মোক্তার কহিলেন “তবে কিছু বায়না দেন্”। শম্ভুস্বর নগদ এক টাকা ও কতক আমন-ধান্য মোক্তারকে বায়না স্বরূপ দিয়া জিজ্ঞাসিল “কখন কাছারি যাইতে হইবেক?” মোক্তার কহিল “১২টার পর; যে হেতুক সাহেব বড় সুকালে আইসেন, ও প্রায় ১টার পরেই এজলাস্ হয়”। মোক্তার উঠিবার সময় সুরকে কহিলেন যে “১ টাকা মূল্যের ১ কেতা ষ্টাম্প কাগজ্ চাহি, ও মোক্তার মামায় ১০ আট আনার কাগজ্। এই দেড় টাকা মাত্র সম্প্রতি প্রয়োজন। তা’র পর যাহা লাগিবেক, পরে কহিব। তুমি আহার করিয়া শীঘ্র কাছারিতে আসিও”। সুর চাষা লোক,—স্বভাবতঃ তৃতীয় প্রহরের সময় স্নান ভোজন করিয়া থাকে। দুই প্রহরের সময় আহার করা তাহার পক্ষে এক প্রকার দণ্ড বিশেষ। এই বিবেচনা করিয়া কহিল “আমি স্নান করে যাব। তা’র পর এসে খাব”। মোক্তার কহিলেন “সেই ভাল”। সবডিবিজনের কাছারি ক্রোশেক ব্যবধান। ইত্যবসরে সুরের পুত্র জিজ্ঞাসা করিল, “হাঁ মশাই, এ কোন ধারার মতে নালিশ্ হ’বে?” মোক্তার কহিলেন “ধারা আমার মনে নাই,—এ অপবাদের নালিশ্। ইহার একটা ধারা আছে,—আমার আসিষ্ট্যান্ট মোক্তার জানে। তাহাকে কিঞ্চিৎ দিলেই সে আইনের যথার্থ ধারা লিখিয়া দিবেক, সে জন্য তুমাদের ভাবনা নাই; সে আমার ভার আছে”। সুর সত্বরে স্নান করিয়া কিঞ্চিৎ ইক্ষুগুড় জল খাইয়া দোব্জা স্ককে ফেলিয়া “দুর্গা—দুর্গা” বলিয়া



বাহির হইল। কোমরে দেড় টাকা নগদ ও কয়েকটি পরসী রহিল। বেলা দুই প্রহরের পর সুর কাছারিতে পহুঁছিয়া দেখিল যে মোক্তার গাছতলায় বসিয়া “সেনাক্ত” লিখিতেছেন, ও তাহার নিকটে আর কতকগুলিন ছোট লোক বসিয়া আছে। সুরকে দেখিবামাত্র মোক্তার কহিলেন “এসেচ, বেশ—বেশ তবে কাগজের টাকা দাও”। শত্ভুসুর গেজের মধ্যে হইতে দেড়টি টাকা খুলিয়া মোক্তারকে দিল। মোক্তার ॥ আট আট আনা দামের দুই কেতা ষ্টাম্প কিনিয়া এক কেতায় দরখাস্ত—ও অপর কেতায় মোক্তারনামা—লেখাইলেন। নাকী ॥ আট আনা রোজ্গার করিলেন। তাহার ১ ঘণ্টা পরে আসিষ্টান্ট সাহেব ঘোড়ায় চড়িয়া কাছারিতে আইলেন। সে সময় একটা বাজিয়া গিয়াছিল। সাহেব এজলাসে বসিবামাত্র, “দরখাস্ত!” “দরখাস্ত!” “ফৌজদারিকা দরখাস্ত!” বলিয়া উঠেঃস্বরে ডাক হইল। সেই সময় যেন একটা হলস্থূল পড়িল।—দাদী ফরিয়াদী ও মোক্তারেরা চারিদিক্ হইতে দৌড়িতে লাগিল। সুর গ্রাম্য লোক; জাতিতে চাষা; মাজিষ্ট্রেটী কাছারিতে গতিবিধি নাই। এই সকল ব্যাপার দেখিয়া ভয়ে তাহার হাত-পা কাঁপিতে লাগিল, ও মোক্তারকে কহিল “সেন মহাশয়—সেন মহাশয়,” (মোক্তারের উপাধি ‘সেন’ ছিল) “আপনি ভিতরে যান,— আমি বাহিরে থাকি”। মোক্তার কহিল “আরে তাকি হয়;— তোমাকেই তো দরখাস্ত দাখিল্ কত্বে হ’বে”। ইহা কহিয়া মোক্তার সুরের হাত ধরিয়া এজলাসের সম্মুখে লইয়া দরখাস্ত দাখিল্ করাইল। শুনুনি হইবামাত্র সাহেব কহিলেন “ডিফেমেশন্” (defamation); এজাহার লও”। সাহেবের ঐ হুকুম্ শুনিয়া শত্ভুসুর মোক্তারের মুখ পানে চাহিল, ও মোক্তার বুঝাইল যে “সাহেব বাহাদুর

তোমার এজাহার লইতে হুকুম্ দিলেন। এজাহার বৈকালে হইবে;— তুমি হাজির থাক”। সুর বাহিরে আসিয়া নিশ্বাস ত্যাগ করিয়া প্রাণ পাইল। তাহার পর সমীপবর্তী বৃক্ষের তলে বসিয়া বিশ্রাম করিতে লাগিল। কাছারির ঘড়ীতে বেলা ৩টা বাজিলে, পুনর্বীর ডাক হইল “শত্ভুসুর! শত্ভুসুর!”। ডাক শুনিয়া শত্ভুসুর আশ্বেব্যস্তে উঠিয়া এজলাসের দ্বারে দাঁড়াইল; ও মোক্তার কনেঠেবল্ সঙ্গে করিয়া তাহাকে এজলাসের সম্মুখে লইয়া গেল। সেই সময় একজন আমলা সাহেবকে কহিল “খোদাওন্দ—এই শত্ভুসুর হেয়”। সাহেব মুহূর্তেক শত্ভুর মুখ পানে চাহিয়া দরখাস্তের পৃষ্ঠে এজাহার লইতে আরম্ভ করিলেন, এবং শত্ভুকে বাঙ্গলা ভাষায় জিজ্ঞাসিলেন “তুমার নালিশ্ কি আছে?” শত্ভু সেই কথা শুনিয়া কহিল “সাহেব, আমার নালিশ্ এই, যে গ্রামের গঙ্গাধর গেজেট্ ও সরোভাণ্ডারী এই অপবাদ করিয়াছে যে লক্ষ্মী নীচ গমন করে।—লক্ষ্মী আমার কন্যার নাম; ও তাহাতেই স্বজাতীয়ের মধ্যে আমার কলঙ্ক হইয়াছে। কিন্তু এ সকল মিথ্যে। পঞ্চাৎলোক তাহাই সাব্যস্ত করিয়াছেন”। সাহেব শত্ভুর কথা শুনিয়া ভাবিতে ভাবিতে ইংরাজী কলমের উপরিভাগ দস্তুর দ্বারা ছিঁড়িতে লাগিলেন, ও এজাহারের বর্ণ বিসর্গ কিছুই বৃদ্ধিতে পারিলেন না। তাহার মাজিষ্ট্রেটের পূর্ণ ক্ষমতা ছিল। প্রায় দশ মিনিটের পর সেরেস্তাদার হেড্ ক্লার্কের মুখ পানে চাহিবায়, চতুর ক্লার্ক তাহার মর্শ্ব বুঝিয়া ইংরাজীতে কহিলেন “এই ব্যক্তির কন্যাকে প্রতিবাদীগণ নীচ গমনের অনর্থক অপবাদ করিয়াছে”। সাহেব তখন (Yes, I understand) “হাম্ সাম্বা” কহিয়া এজাহার লিখিয়া লইয়া উভয় নামে সম্মুজারির হুকুম্ দিলেন; এবং মোক্তার সেই সময় ৩৩ জন সাক্ষির নামে

ইসম্মনবিসী দাখিল করিল, ও পঞ্চাশতের নামে আসল পত্র দাখিল করণের প্রার্থনায় সমনের প্রার্থনা করিল। সেই সময় রাজাবাবুর আম্ম-মোক্তার অগ্রসর হইয়া করযোড়ে কহিল, “হুজুর-আলি, সরো-ভাণ্ডারী রাজাবাবুর বাটীতে থাকে,—‘পরদানসিন’ জীলোক; মোক্তার-তন্ জবাবের আজ্ঞা হয়”। সাহেব কহিলেন, “টুমার সরোর পক্ষে কহিবার কি ক্ষমতা আছে, দেখাও, টবে শুনিব”। মোক্তার ক্ষমতা-পত্র দেখাইতে অশক্ত হইবায়, সাহেব সে কথা অগ্রাহ্য করিয়া সমন-জারির আজ্ঞা করিলেন। ও সেই সময়ে প্রধান প্রধান সাক্ষিগণের নামেও সমনের হুকুম হইল, ও সপ্তাহান্তে দিন ধাৰ্য্য হইল। সুর সন্ধ্যার সময়ে মোক্তারের নিকট বিদায় হইয়া বাটীতে আসিয়া ভোজ-নান্তে পুজগণ ও উপস্থিত প্রতিবাসীদিগকে সকল কহিল। তাহার পর গ্রামের মধ্যে সেই কথা প্রচার হইতে লাগিল। গেজেট্ ভয়ে জড়সড় হইল। সরো লোকলজ্জায় অন্তঃপুর হইতে আর বাহির হয় না। তৃতীয় দিবসে সমন পঁ হুছিল। গেজেট্ জ্ঞাত হইয়া সমনে রসিদ দিল। দেওয়ান মহাশয়ের সহায়তায় সমন সরোর উপর জারি হইল। কনেষ্টে-বল সমন জারি করিয়া কোর্ট ইনেস্পেক্টরের নিকট রিটারণ্ দিবায় তাহা নথির সামিল হইল। গ্রামে এই কথাই দিন দিন আন্দোলন হইতে লাগিল যে কি হয়; ও ক্রমশঃ লোকের ব্যগ্রতা বৃদ্ধি হইতে লাগিল। সমনজারির তৃতীয় দিবসে প্রাতঃকালে রাজাবাবুর মাতা প্রাতঃস্নান করিয়া মালা করিতেছেন, এমত কালে সরোভাণ্ডারী কান্দিতে কান্দিতে আসিয়া তাঁহাকে ধরাবনত প্রণাম করিয়া কহিল, “মা, আমার কিসে রক্ষা হবে বলুন,—আমি মারা যাই!”

কর্তী কহিলেন “আমি কি জানি?—তোমার যেমন কর্ম তেমন ফল”।

সরো কহিল, “আমার অপমান হইলে সকলে কহিবে তোমারি বাড়ির লোক। মা, এতে তোমারি অশ্রু আছে। আমি বেওয়া ও তোমার আশ্রিত।—আমার প্রতি এখন অনুকূল না হলে আমার আর কুল নাই”। ইহা কহিয়া সরো অনেক রোদন করিল। কর্তী কহিলেন, “যদি কোন সঙ্গুপায় থাকে তবে করিব। কিন্তু অন্যায় কর্মের সাহায্য করা অসুচিত। তুই এখন দিন কতকের জন্য অন্য স্থানে গিয়া থাক”। সরো সেই প্রস্তাবে সন্তুষ্ট হইয়া গ্রাম মধ্যে পিতৃস্বসার গৃহে রহিবার মনস্থ করিল। পরে সায়ংকালে কর্তী ঠাকুরাণী প্রাচীন দেওয়ানকে ডাকাইয়া জিজ্ঞাসা করিলেন যে সরোর নিষ্কৃতির কোন উপায় আছে কি না। বড় মহাশয় সানুনয়ে কহিলেন, “ঠাকুরাণী, মোকদ্দমা রক্ষা ভিন্ন সরোর বাঁচিবার উপায়ান্তর নাই। কিন্তু এ প্রণালীর মোকদ্দমা রক্ষা হয় না। কিম্বা যদি সুর স্থায়ী সাক্ষিগণকে হাজির করণের উদ্যোগ না করে, তা হলেও মোকদ্দমা ডিসমিস্ হইতে পারে। সুর যদিও অল্পগত প্রজা বটে, কিন্তু তাহার ভূমী লওয়া অবধি সে তাদৃশ বশীভূত নহে। সুরতাং অনুরোধ রক্ষা নাও করিতে পারে। স্থূল কথা এই যে গেজেট্ সচ্চরিত্র নহে। যদি সরোর অনিষ্ট হয়, তবে তাহার মূল ঐ গেজেট্। বাহা হউক, যদি সামঞ্জস্য হইবার কোন পথ থাকে, তবে আমি তাহা দেখিব”। ইহা কহিয়া বৃদ্ধ দেওয়ান প্রণাম পুরঃসর বিদায় হইলেন। ঐ দিবস রাত্রি এক প্রহরের সময় গঙ্গাধর গেজেট্ রাজাবাবুর নিকট আসিয়া প্রণাম করিয়া কহিল “ধর্ম্মাবতার, আমি মারা যাই! হুজুর মালিক”। রাজাবাবু ঈষৎ হাসিয়া কহিলেন “কেন?” গেজেট্ কহিল “শজ্জুর আমার নাম সম্বলিত নালিশ্ করিয়াছে, ও সমনের দ্বারা আমাকে তলব্ হইয়াছে”। রাজাবাবু কহিলেন,

“মোক্তার দিয়া মোকদ্দমার তদ্বির কর। তা'র পর হাকিমের মর্জি ও তোমার অদৃষ্ট”। কলভঃ রাজাবাবু অতঃপর বুঝিয়াছেন যে সরো-ভাণ্ডারগী ও গেজেট নিতান্ত অন্যায় করিয়াছে। তাহারা সাহায্য পাইবার যোগ্য নহে। ইহা বিবেচনা করিয়া গেজেটকে বিশেষ আশ্বাস দিলেন না। তাহাতে গেজেট এক প্রকার হতাশ হইয়া দফতখানায় উঠিয়া গেল। নিরুপিত দিন ক্রমে ক্রমে নিকট হইল। সরো স্থানান্তরে গিয়া রহিল। কিন্তু উভয়েই এক এক জন মোক্তার নিযুক্ত করিল। দেওয়ান-জীর আদেশক্রমে রাজাবাবুর সদর মোক্তার উভয়ের তত্ত্বাবধারক রহিলেন। সুরের বাটীতে প্রতিদিন সেন মোক্তার গমনাগমন করেন। স্বতাবতঃ সরল ও ভীত গ্রাম্য লোককে ভোগা দিয়া চালুটে—ধানটা—কলাটা—মূলেটা—যা পান, লইয়া আসেন, ও সুরকে আশ্বাস দেন যে “আমি আসীষ্টেন্ট সাহেবকে ইংরাজীতে বুঝাইয়া দিয়া মোকদ্দমার প্রতুল করিব। সাহেব আর কাহারো বক্তৃতা পছন্দ করেন না। আমি আরম্ভ করিলে কাণ পেতে শুনে থাকেন”। শত্ৰুসুর কহিল “ভরসা আপনার; আমরা চাষা লোক, ভাল মন্দ, মাল মোকদ্দমা, কিছুই জানি না”।

পরদিন মোকদ্দমার নির্ধারিত দিন। সেন কহিলেন “সাবধান—সাবধান;—কোন ক্রমেই গরহাজির হইও না। তাহা হইলে মোকদ্দমা ডিসমিস হইবেক”। সুর কহিল, “সে বিষয়ে আমি সতর্ক আছি, আপনি নিশ্চিন্ত থাকুন”। তাহার পর সেন মোক্তার বিদায় হইলেন। শত্ৰু ভাবনা চিন্তায় ও অনিদ্রায় রাত্রি প্রভাত হইল। প্রাতে স্নান করিয়া যৎকিঞ্চিৎ জলযোগ করিল। ও প্রতিবাদী স্বজাতীয় জনককে সঙ্গে লইয়া গ্রাম্য দেবতাদিগকে উদ্দেশে প্রণামপূর্বক প্রস্থান করিল। কাছা-

রিতে গিয়া দেখিল যে মোক্তার পূর্বের ন্যায় গাছতলায় বসিয়া আছেন,—আশে পাশে কনেটেবল, ও জামিনীতে দস্তখত করিতেছেন, ও কাহাতেও বা “সেনাক্ত” লিখিতেছেন। সুরের মোকদ্দমা উপস্থিত হওয়া অবধি সেন মোক্তার নিয়ত সকালে সকালে কাছারি যাইতেছেন। কারণ পাছে সুর তাহাকে গরহাজীর পাইয়া অন্যকে মোক্তারনামা দেয়। দেখিতে দেখিতে প্রায় একটা বেলা হইয়া উঠিল। ও হজুরের আসিবার সময় হইল। কাছারি ক্রমে গমগমে হইতে লাগিল। এমত কালে সুরের হইতে শ্বেত অশ্ব দৃষ্ট হইল। ক্ষণমাত্রে হজুর আসিয়া উপনীত হইলেন। বাদী ফুরিয়াদীরা এক দিকে কাতার দিয়া দাঁড়াইল; মোক্তারেরা অপর দিকে খাড়া হইল। জরিরকিনারাদার লাল-পাগড়ী-ধারী কোর্ট সন্ ইন্স্পেক্টর সম্মুখে আইল। হজুর ঘোড়া হইতে নামিলেন; ও সকলে নত হইয়া সেলাম করিল। সাহেব এজলাসে বসিলে সেই মত “দরখাস্ত”—“দরখাস্ত” ডাক হইল। বাদীগণ হাজির হইয়া এজলাসে দরখাস্ত দিল। তাহাতে হুকুম হইলে পর সাহেব জিজ্ঞাসা করিলেন যে “কোন কোন মোকদ্দমার দিন ধার্য আছে?” হেড মুহুরির কহিল “শত্ৰুসুরের ডিফেমেশন” (defamation)। সাহেব হুকুম দিলেন, “বোলাও”। হুকুম পাইয়া কনেটেবলেরা “শত্ৰুসুর!” “শত্ৰুসুর!” বলিয়া ডাক দিল। শত্ৰু সায় দিয়া কহিল “হাজির!” “হাজির!”। তাহার পর গঙ্গাধর গেজেটকে ও সরো ভাণ্ডারগীকে ডাক হইল। গেজেট ধীরে ধীরে প্রবেশ করিয়া এজলাসের সম্মুখে আসিল। সরো অবগুষ্ঠিকা টানিয়া পরিধৃত মলিন বসনে অঙ্গ ঢাকিয়া আসামীর প্রকোষ্ঠে দাঁড়াইল। কাছারিতে লোকারণ্য। উভয় পক্ষের মোক্তারেরা এজলাসের নীচে দাঁড়াইল। তাহার পর শত্ৰুসুরের এজাহার আরম্ভ হইল।

শব্দ আদ্যোপান্ত সকল কহিল। সাহেব যত বুঝিলেন, লিখিয়া লইলেন। প্রতিবাদীগণের মোক্তারেরা “জেরা” অর্থাৎ প্রশ্ন করিল। শব্দর এজাহার সমাপ্ত করিয়া সাহেব সরোকে তাহা বুঝাইয়া দিলেন। তদনন্তর তাহাকে জিজ্ঞাসা করিলেন “টুমার কটা কি?” সরো কহিল, “ধর্ম্মাবতার, আমি দোষ করি নাই, যাহা সত্য তাহাই কহিয়াছি। সত্য কথায় কাহার অপবাদ হইলে তাহাতে অপরাধ নাই। তবে আমি এই কহিয়াছি যে লক্ষ্মী নীচ গমন করেন। এ কথার অর্থ বুঝিলেই আমি নিকৃতি পাইব। আমি পুষ্করিণীর ঘাটে গিয়াছিলাম, সেখানে তখন আর আর অনেক পাড়া পড়ুসী ছিল। কথায় কথায় আমি কহিয়াছিলাম যে এখন ভদ্র লোকের ঘরে অন্ন নাই। ইতর লোকেরাই এখন ধনাঢ্য হইতেছে। এ জন্য কহিলাম যে লক্ষ্মী নীচপ্রিয়। আমি এমন কহি নাই যে সুরের কন্যা লক্ষ্মী নীচপ্রিয়। সুরের অভিযোগে, সরোর এই উত্তর শুনিয়া সকলে স্ত্রীবুদ্ধির ধন্যবাদ দিতে লাগিল। এজলাসের গোল থামিলে সাহেব জিজ্ঞাসা করিলেন যে “বাডীর (বাদীর) এজাহারে জানা যায় যে টাহার ডোহিট্টীর সম্বন্ধ পট্ট হইলে টাহার পরেই টুমি ও গেজেট্ বিশ্বাসকে “ডিফেমটারী” (defamatory) পট্ট লিখিয়াচ যে লক্ষ্মী নীচগামিনী; ও সেই জন্য পঞ্চাশট্ হইয়া বিবাহ ঠিকিট্ হয়। পট্ট টোমার ডেওয়া বটে কি না?” সাহেবের বাঙ্গলার বর্ণ বিসর্গও সরো বুঝিতে পারিল না; ও ভীত হইয়া মোক্তারের মুখ পানে চাহিয়ায় ক্লার্ক তাহা বুঝাইয়া দিলেন। তখন সরো কহিল, “পত্র গেজেট্ লিখিয়াছে; কিন্তু তাহাতে আমার অমত ছিল না।” সাহেব কহিলেন “টবে টুমি নিরপরাডী নয়।” গেজেট্ আপন উত্তরে পত্র লেখা স্বীকার করিল। তাহার পর সাহেব উভয় পক্ষের মোক্তারের বক্তৃতা শুনিয়া, এবং সরো ও গেজেটের

পত্রের বিষয় পুনঃ পুনঃ বিবেচনা করিয়া আদেশ করিলেন যে “আগামী পরশ্ব সপ্তাহের প্রথম কাছারির সময়ে হুকুম দিব। আসামীর সপ্রতি জামিনীতে থাকুক।” রাজাবাবুর সদর মোক্তার আদেশের প্রতীক্ষায় সরোর ও গেজেটের কাহারও জামীন হইতে পারিলেন না। তাহাতে উভয়েই রাতে হাজতে রহিল। সরো কারাগারে মৃতপ্রায়; কাঁদিয়া রাত্রি প্রভাত করিল। পরদিন সদর হইতে জামিনীর আদেশ পঁছিলে সদর-মোক্তার জামিনী লিখিয়া দিল; ও উভয়ে মুক্ত হইল। সরো বাটা আসিয়া আপন পিসীর নিকট দুঃখের কাহিনী কহিল, ও চক্ষের জলে আর্দ্র হইয়া বলিল, “পিসি, আজকের কথা যাবৎ বাঁচবো, তাবৎ মনে থাকবে। এর চেয়ে মরা ভাল।” সরোর পিসী আপন বস্ত্রাঞ্চলে সরোর মুখ মুছাইয়া কহিল, “বাছা, তোমার কপালে এ সকল ছিল! আমি তখন বলেছিলাম, “সরো, তুই কার মন্দ কথায় থাকিস্ নে—গেজেটের পরামর্শ শুনিস্ নে। বাছা, যদি আমার কথা শুনতে, তবে আজ তোমাকে কাছারির মাঝখানে দাঁড়াতে হ’ত না।”

• সরো কাঁদিয়া কহিল, “পিসী, আবার কাল কি করে কাছারি যা’ব সেই ভেবে আকুল হচ্ছি।” এইরূপ ভাবনা চিন্তায় দিবাসান হইলে সন্ধ্যার পর সরো কহিল, “পিসী যা হোক, আমি গা ধুয়ে আসি, তুমি বোস।” ইহা কহিয়া সরো পরিষ্কৃত মলিন বসনে বাহির হইল। পিসী চিন্তাকুল হইয়া পাকের উদ্যোগ করিতে লাগিল। ওখানে গঙ্গাধর গেজেট্ কাছারি হইতে আসিয়া মনোহুঃখে ও মলিন বদনে জমিদারি-সেরেস্তায় প্রবেশ করিয়া দেওয়ানকে আম্লাৎ সমস্ত কহিল। সহসা রাজাবাবুর সঙ্গে সাক্ষাৎ করিল না। পর দিবস শেষ হুকুম হইবেক; ও কি হুকুম হইবে, সেই চিন্তায় মগ্ন হইল। কিঞ্চিৎ সেরেস্তার কার্য

করিয়া দেওয়ানজীকে কহিয়া নিজ বাটা চলিয়া গেল। মনে মনে এই রূপ ধিক্কার জন্মিল, যে “গৃহাশ্রম ত্যাগ করিয়া বিরাগী হওয়াই এক্ষণে আমার পক্ষে শ্রেয়ঃ”। এই মত হুঁচিন্তা করিতে করিতে গৃহে আসিয়া ষৎকিঞ্চিৎ ভোজনান্তে শয়ন করিয়া নিদ্রাবেশে সংক্ষেপ কাল সমস্ত বিস্মৃত হইল।

### ষোড়শ অধ্যায় ।

#### কুমুদিনী ও কনিষ্ঠা বধূর মন্ত্রণা ও বিনামী পত্র ।

ভূম্যধিকারীর বাটার সন্নিকটে পশ্চাৎদিকে “শ্বেতগঙ্গা” নামে একটি পুষ্করিণী ছিল; তাহার জল অতি নিশ্চল, ও গভীর মধ্যভাগ কমলদলে প্রচ্ছন্ন ছিল। সময়ে সময়ে কমলকুমুম বিকশিত হইলে উক্ত জলাশয়ের অপরূপ শোভা হইত। ঐ পুষ্করিণীতে গ্রামস্থ লোকেরা স্নান করিত। এবং নিশ্চল জল বলিয়া তাহা বহু লোকের পানীয় হইয়াছিল।

স্মরণহিতা লক্ষ্মী স্বীয় কন্যার বিবাহের কএক দিন পরে এক দিবস প্রাতে “শ্বেতগঙ্গায়” স্নান করিতে গিয়া দেখিল যে প্রতিবাসিনী আরও কয়েক জন স্ত্রীলোক স্নান করিতেছে, ও সমীপবর্তী অপর ঘাটে দেখিল যে সরো স্নান করিয়া মুক্ত কেশ ঝাড়িতেছে। সরোকে দেখিয়া লক্ষ্মীর রক্ত জল হইল, ও মনে মনে করিতে লাগিল, “কি অশুভক্ষণে পা বাড়িয়েছিলেম! যত মনে করি ওকে দেখুও না, তবু কেমন ঘটনা যে ওরি স্মৃথুখে পড়তে হয়। না জানি, আজ কি কপালে আছে”।

সরোও লক্ষ্মীকে দেখিয়া আতঙ্কোদেহে জ্বলিয়া উঠিল; এবং সে দিনের কথা মনে করিয়া সরোর অন্তর্দাহ হইতে লাগিল, ও ভূয়োভূয় সপত্নীর প্রতি কোপদৃষ্টে চাহিতে লাগিল। উভয় ঘাটের মধ্যে বহু ব্যবধান ছিল না। তাহাতে যদি ঘাট কদাচিৎ নিৰ্জন হইত, তবে উক্ত প্রতিযোগিনী নারীরা বোধ হয় বাতুল্যক্রমে করিতে প্রবৃত্ত হইত। কিন্তু ভাগ্যক্রমে ঘাটে লোকপূর্ণ ছিল, এবং তাহার অধিকাংশই স্ত্রীলোক। লক্ষ্মী সরস্বতীর দিকে পশ্চাৎ করিয়া স্নান করিতে লাগিল, এমত কালে লক্ষ্মীর কাণে কাণে প্রতিবাসিনী নিকটস্থ পরিচিতা স্ত্রীলোক একটা কহিল, “হেদে লক্ষ্মী, আর শুনেচিস্,—তোর সতিন্ নাকি কথকের কাচে কি কবচ নিয়েচে;—শুণ কববে। তুই এই বেলা সাবধান-হ”। ঐ কথা শুনিয়া লক্ষ্মীর হৃৎকম্প হইল, ও ভয়ে প্রাণ উড়িল; এবং সবিশেষ জিজ্ঞাসা করিয়া জানিল যে কথা অলীক নহে। ও ক্ষণেক কাল পরে সরোর প্রতি কোপদৃষ্টে চাহিয়ায় সরো সক্রোধে ইঙ্গিতে কহিল—“র, এই তোকে ছারে খারে দিচ্চি”। লক্ষ্মী তখন বিবেচনা করিল যে ঐ কথা সত্য হইবে। সরোর কটুক্তির কোন উত্তর না করিয়া চিন্তিতা লক্ষ্মী স্নান করিয়া ঘাটে হইতে উঠিল; সরো বকিতে বকিতে রাজাবাবুর বাটার দিকে প্রস্থান করিল। লক্ষ্মী ঘরে গিয়া সে দিন কোন কথা কাহাকেও কহিল না। এবং ঘাটে যাহা শুনিয়াছিল তাহা আপাততঃ মনে মনে রহিল। আদিমাধব গোস্বামী সরোকে যে কবচ দিবার কথা কহিয়াছিলেন, তাহা সরো প্রকাশ না করিলে কাহারো জানিবার সম্ভাবনা ছিল না। কিন্তু স্ত্রীলোকের পেটে কথা থাকে না। কলহপ্রিয় সরো আগে গিয়া সেই কথা গেজেটকে কহিয়াছিল, ও হিতাহিত-বিবেচনা-রহিত গেজেট তাহা অনতিবিলম্বে রাষ্ট্র করিল।

লক্ষী পর দিনে সেই কথা কুমুদিনীকে সংগোপনে কহিল। কুমুদ তাহা কনিষ্ঠ ভ্রাতৃবধূকে জানাইল। ও ক্রমে ক্রমে তাহা গ্রামের স্ত্রীলোকেরা শুনিয়া পরস্পর পথে ঘাটে কাণাকাণি করিতে লাগিল। “স্ত্রীবৃদ্ধি প্রলয়ঙ্করী”। সরল কথার পুনঃ পুনঃ আন্দোলন করিয়া গুরুতর করিয়া তুলিল। আদিমাধব গোস্বামী এ পর্যন্ত তাহার কিছুই জানিতে পারেন নাই। লক্ষ্মীমণি কুমুদিনীকে সেই কথা কহিবার মাত্র কুমুদিনী তাহার কনিষ্ঠ ভ্রাতৃজ্যায়াকে তৎক্ষণাৎ বিরলে ডাকিয়া উভয়ে মন্ত্রণা করিতে বসিল। কিসে ভাল হয়—ও কোন্ উপায়ের দ্বারা জ্যেষ্ঠা ভগ্নীর ভাবী অমঙ্গল নিবারণ হইতে পারে, তাহারই যুক্তি করিতে লাগিল। কুমুদ কহিল—“ছোট বউ, বন্ দেখি কি করা যায়”। ছোট বধূ কহিল—“গোসাঞী গ্রাম থেকে না গেলে ঠাকুরঝির নিস্তার নাই। সরো এখন তাঁ’র শিষ্য হয়েছে। কোন্ সময় কি গুণ কোরবে, তা কে জানে। লোকে বলে কথক ঠাকুর অনেক গুণ জানে”। কুমুদিনী কহিল তবে এর এক পরামর্শ আছে বলি শোন:—

“এক খানি উড়ো পত্র লিখে কথকের কাছে পাঠিয়ে দি, ও আর এক খানি খানায়। তা হ’লেই কথক ঠাকুর ভয়ে গ্রাম থেকে পালাবে”। “বেশ কথা,—তবে লেখ”।

“তুই লেখ। আমি বলে দিচ্ছি। আমার অক্ষর অনেকে চেনে”। এই পরামর্শ স্থির হইলে ছোট বধূ পত্র লিখিতে বসিল। এবং নিম্নলিখিত পাণ্ডুলিপি প্রস্তুত হইল।

“পূজনীয় শ্রীকথক ঠাকুর মহাশয়

শ্রীচরণেশু।

শ্রীমতী ——— দাসীর নিবেদন মিনতি এই যে। গাঁয়ে গাঁয়ে

এই কথা রাষ্ট্রে হয়েছে যে আপুনি তুমি ভূজি পত্রে সরোকে নাকি কবচ নিকে দিয়েছেন। যে তা হাতে ধারণ করলে সরোর সতিন মোরবে। পির্থিমীতে কেউ চিরদিন বাঁচতে এসে নেই। তবু আপনার এ উচিত নয় যে গুণ কোরে এক জনের প্রাণ মার। যা হোক যদি এতে লক্ষীর মন্দ হয়, তবে তুমি আপুনি ধর্মের দ্বারে পতিত হবে। তুমি সে দিন পুত্না বদ কল্লে, তায় লোকের আক্লাদ হলো, কিন্তু অনাথা নিদ্রুয়ী লক্ষীকে মেরে তোমার লাভ কি। এতে কেবল সেই সরোর বুক বাঁড়বে। যদি ভাল চাও, তবে যা পেয়েচ তাই নিয়ে ঘরে যাও। আমরা এই পুত্রের এক খানি নকল খানায় পাঠালেম যে লক্ষীর যদি কোন রকমে অবঘাৎ মিতু হয় তবে দারোগা তোমাকেই ধত্বে পারবে ইতি।

পত্রের পাণ্ডুলিপি উভয়ের মনোনীত হইলে, কনিষ্ঠা বধূ তাহা পরিষ্কার করিতে বসিল। ও অতি কষ্টে তাহা সমাধা করিয়া দ্বিতীয় খণ্ড প্রস্তুত করিল। তাহার পর তাহা সংগোপনে আঁটিয়া কথক-ঠাকুরের নামের পত্র পাড়ার একটা প্রাচীনা স্ত্রীলোকের হাতে দিল, এবং কহিল “কথকঠাকুরের বাসায় দিয়ে আয়। জিজ্ঞেস কল্লে বলবি, কা’র পত্নর জানিনে। যদি বলে এতে কি নেকা আছে, তুই বলিস্ এতে কেতন হ’বার কথা আছে”। বৃদ্ধা স্ত্রী পত্র হাতে লইয়া ক্ষণেক কাল চিন্তা করিল; তাহার পর পত্র ভূমে ফেলিয়া দিয়া কহিল “আমি পারবোনা;—তোদের কাজ জানে তোরা জানিস্! একনকার মেয়ে গুলোর সকলি কেমন কেমন। মা, সেকালে এ সব কিছুই ছিল না”। তাহাতে কুমুদিনী ও ছোট বধূ হাসিয়া হাত ধরিল, ও গ্রাম-সম্পর্ক ধরিয়া “ঠাকুরাণ্দিদি” সম্বোধনে তাহাকে সম্মত করিল, ও

যৎকিঞ্চিৎ “জলপানী” স্বীকার করিল। “কড়ি কটকা চিঁড়ে দই”। জলপানীর লোভে বৃদ্ধা স্ত্রী সাহস পাইয়া কুমুদকে কহিল, “না—না, আমি তামাসা কচ্চি তাও বুঝিস্‌নে। তোরা যে নাত্নি হোস্‌”। “জলপানী” পাইয়া প্রাচীনা দূতী প্রস্থান করিল, ও আদিমাধব গোস্বামীর বাসায় গিয়া পত্র তাঁহার হাতে দিল। গোস্বামী জিজ্ঞাসিলেন “কোথাকার পত্র?” লিপিবাহিকা কহিল “কেতন হ'বে সেই পত্র”।

কীর্তনের নাম শুনিয়া গোস্বামী লাভের আশায় আনন্দিত হইলেন, ও প্রাচীনা স্ত্রীলোককে আর কোন প্রশ্ন না করিয়া পত্র পাঠ করিতে লাগিলেন। সেই অবসরে বৃদ্ধা স্ত্রী প্রস্থান করিল; ও ঘরে গিয়া কুমুদকে কহিল “তোর পত্র দিয়ে এলেম্”। ইহা কহিয়া দূতী বিদায় হইল। কুমুদ ও কনিষ্ঠা বধু কি হয় এই জানিবার জন্য ব্যস্ত রহিল।

এখানে আদিমাধব গোস্বামী পত্র পাঠ করিয়া ভয়ান্ত হইলেন; ও দীর্ঘ নিশ্বাস ত্যাগ করিয়া ভাবিতে লাগিলেন। পত্রপাঠান্তে গোস্বামী যাহা স্থির করিলেন, তাহা আমরা আগামী অধ্যায়ে লিখিব।

পর দিন প্রাতে ঐ পত্রের দ্বিতীয় খণ্ড গ্রাম্য ডাকে থানায় পঁহছিল। যে হেতুক গ্রামস্থ কোন স্বগণের সহায়তায় উক্ত লিপি কুমুদিনী ডাকের সম্পূর্টে নিক্ষেপ করিয়াছিলেন। “থানাদার” তাহা আপাততঃ “সেরেস্তায়” রাখিল, ও বিবেচনা করিল যে তাহা অলীক বাদ হইবে। যে হেতুক গোস্বামী সচ্ছত্রিত লোক ইহা লোকের অবিদিত ছিল না। কিন্তু বিধির বিপাকে গোস্বামীর বিঘ্ন হইয়া উঠিল।

## সপ্তদশ অধ্যায়।

### হুন্নভ ও আদিমাধবের পরামর্শ।

আদিমাধব গোস্বামী বিনামী পত্র পাঠ করিয়া সেই অবধি বিষণ্ণ আছেন; ইতি মধ্যে শুনিলেন যে সুরের অভিযোগে সরোর নামে সমন হইয়াছে, এবং গোস্বামীর কাল্পনিক হিতৈষী মিত্র গঙ্গাধর গেজেটও সেই পাশে বন্ধ হইয়াছে। গেজেটের ইদানীং আর দেখা নাই। পূর্বে গোস্বামীর নিকট ছই সদ্ধা গমনাগমন ছিল। এক্ষণে দিনেক ছই দিনান্তেও একবার আসা নাই। সমনের কথা শুনিয়া গোস্বামীর জ্বং-কম্প হইল, যে হেতুক আদিমাধব সরল লোক ছিলেন। ভাল মন্দ—খল কপটতা—বুঝিতেন না। রাজশাসনের ভয়ানক ভয় ছিল। পুলিশের পদাতিক দেখিলে তাঁহার প্রাণ উড়িত। পত্র কে দিল, কোথা হইতে আইল,—সেই এক ভাবনা। তাঁর পর ভবিষ্যতে কি হইবে, সেই ভয়ে আর ব্যাকুল হইলেন। পত্র খানি পুনঃ পুনঃ পাঠ করিতে লাগিলেন; ও তাহা হইতে প্রথমতঃ এই ভাবোদ্ধার করিলেন যে তাহা স্ত্রীলোকের রচনা ও হস্তাক্ষর বটে। মনে মনে বুঝিলেন যে লেখকের বিদ্যা সাধ্য নাই, কিন্তু তাহাতে ভয় দূর হইতে পারে না। শক্তিশেল স্বগঠিত না হইলেও তাহার আবাং নিষ্ঠুর হইতে পারে। আদিমাধব পত্র খানি হাতে করিয়া এইরূপ হুশিস্তা করিতেছেন। প্রাচীন ভৃত্য তাহা নিরীক্ষণ করিয়া গোস্বামীকে কহিল, “ঠাকুর, দিবেনিশি ভাব্‌চো কি?” গোস্বামী কহিলেন, “আরে হুন্নভ, আমি সরোকে কবচের কথা বলে বড় বিপাকে পড়িচি”।

“তা’র আবার বিপাক কি?—তা তো সব গোসাঞীয়ে দিয়ে থাকে”।

“দেয় বটে, কিন্তু এর একটুকু কথা আছে”।

“কি কথা?”

“কথা এই। সরো নাকি রাষ্ট্র করেছে যে সেই কবচে তা’র সতিনের উচাটন হ’বে। তবু আমি এখনও কবচ দেই নাই”।

“ঠাকুর, এ আবার একটা কথার মধ্যে। আমি তোমার বাপের জবানী এমন কত কবচ নিকেদিইচি;—তবু আমি মেকাপড়া জানিনা”।

“নারে আর কোন ভয় নাই। তবে লক্ষ্মী নাকি ভয়ানক মেয়ে। সেই তো এতটা কাণ্ড করেছে”।

“ঠাকুর, তা নয়। লক্ষ্মী তো ভয়ানক মেয়ে নয়। তোমার শিষ্য সরস্বতীটা ভয়ানক মেয়ে। সরো না পারে এমত কর্ম নেই। লোকে বলে সে সেই ছুটু সরস্বতী”।

গোস্বামী উদারচরিত্র লোক। ঈশৎ চিন্তিয়া কহিলেন, “তা হ’লেও হ’তে পারে। ছুটু সরস্বতী কুম্ভকর্ণের সংহার সাধন করিয়াছিল। কি জানি যদি এই সরোই সেই সরস্বতী হয়, তবেই তো গেলেম্। যা হউক, রে বাপু, এখান হ’তে উঠবার উদ্যোগ কর। লাভালাভ প্রাক্কন। যা কপালে ছিল হয়েছে”।

ভৃত্য কহিল, “ঠাকুর, এখন দশ টাকা লাভের সময়। এই তোমার সবে সুখ্যাৎ হচ্চে। কথকের পসার হ’লেই লাভ। এই সবে মেয়েগুলোর মন বোস্চে। মেয়েগুলো বশ হ’লেই দশ পাঁচ খানা গয়না-গাঠি পাবে। এখন উঠলে, ঠাকুর, সব পণ্ডশম হ’বে। আর “মা-গোসাঞী” কেবল আমাকে গাল পাড়বেন।

গোস্বামী কহিলেন “আরে প্রাণ বড় না ধন কড়ি বড়। গহনায় কি করে;—চল যাওয়া যাক্”।

“গহনায় কি করে! ঠাকুর, সেডা কেমন কথা হলো? “মা গোসাঞী” যখন আমাকে জিজ্ঞেস কোরবেন কি কি আভরণ এনেচিস্, তখন আমি কি বলবো। গোসাঞীদের মেয়েরা তো এমন হাবা নয় যে পেতলের খাল্ দেখলে ভুলবে।

ছন্নভের এই সকল কথা শুনিয়া গোস্বামী মনে মনে করিলেন “তাও তো বটে,—রিক্ত হস্তেই বা কি প্রকারে যাই? অভরণ স্ত্রীলোকের সম্ভ্রম, ও জীবন। যাহার অভরণ নাই, সেই স্ত্রী আপন জীবন নিষ্ফল বিবেচনা করিয়া থাকে। বরং যদি স্নেহের ভরে স্ত্রীলোকের প্রাণ যায়, সেও তাহার প্লাঘ্য; কিন্তু বিনালক্ষ্মতা নারী সুরপুরেও আপনাকে সুখী জান করে না”। এইরূপ আলোচনা করিয়া গোস্বামী প্রাচীন ভৃত্যকে কহিলেন, “আরে ছন্নভ, তবে না হয় আর দিন কতক থাকা যাউক”।

• ছন্নভ কহিল “যে আজ্ঞে”; ও আফ্লাদে মগ্ন হইয়া মনে মনে কহিল, “তবে আরো দিন কতক ভাল করে থাওয়া যাক্”।

ছন্নভ অত্যন্ত উদরপরায়ণ ছিল, ও দধি দুধ ছানা ও সন্দেশের লোভ কুত্রাপি সম্বরণ করিতে পারিত না। আদিমাধবের নিকেতনে উপাদেয় ভোজনের অভাব ছিল না। কিন্তু ভদ্রাসনে কেহ মণ্ডার মুখ দর্শন করিতে পাইত না।

কিন্তু বিধির বিপাকে ছন্নভের সে আশা বকাণ্ড প্রত্যাশা হইল। গোস্বামী সায়ংসন্ধ্যা করিয়া বিরলে বসিয়া আছেন, সম্মুখে প্রাচীন ভৃত্য, এমত কালে বহির্দ্বারে দুই জনা লোক আসিয়া গভীর রবে ডাক



দিল “গোসাঞী জী! গোসাঞী জী! থানেকা মুঙ্গী তোম্কে বোলা-  
ওয়ে”। থানার নাম শুনিয়া আদিমাধবের প্রাণ উড়িল, ও গবাক্ষের  
দ্বার দিয়া দেখেন যে প্রেরিত দূত দুই জনা কানেষ্টেবল। তাহা দেখিয়া  
আদিমাধবের আরও ভয় বৃদ্ধি হইল। ছল্লভ বাহিরে আসিয়া কানে-  
ষ্টেবলদিগকে কহিল যে “গোস্বামী সন্ধ্যা করিতেছেন, আর কোন সময়ে  
যাবেন”। আদিমাধব গবাক্ষের দ্বারে দাড়াইয়া নিরীক্ষণ করিতেছেন,  
ও কর্ণপাৎ করিতেছেন যে থানার দূতেরা কি কহে। ছল্লভের ঐ কথা  
শুনিয়া “কানেষ্টেবল” বিদায় হইল; ও প্রস্থানকালে ছল্লভকে  
কহিল “হাম্ লোগ্ ফের্ আওয়ে গা”। ঐ কথা শুনিয়া আদিমাধবের  
রক্ত জল হইল, ও মনে মনে কহিতে লাগিলেন যে “এখান হ’তে  
উঠাই ভাল”। ছল্লভ ভিতরে আসিয়া গোস্বামীকে কহিল “এখন তো  
তা’রা গেল, কিন্তু এই বলে গেল যে “আবার আসবো”। গোস্বামী  
কহিলেন “তবেইতো। দেখ্ ছল্লভ, আমি যা বলেছিলেম, বৃদ্ধি  
তাই হলো। সেই পাপিয়সী সরো আমার সর্কনাশ করিল। যা হোক্,  
চল্ আজি রাত্রেই এখান হইতে প্রস্থান করা যাক্”। আদিমাধবের  
প্রস্তাবে ছল্লভ বিষণ্ণ হইল, ও মনে মনে কহিতে লাগিল, “গোসাঞী  
গুলো কেবল গরু। চার কড়ার বুদ্ধি নেই। কিন্তু যা হোক্, এমন ছানা  
সন্দেশ আর কোথাউ পাবো না। গোবিন্দের ইচ্ছে! কপালে না  
থাকলে কে ভোগ করে”। ইহা কহিয়া দীর্ঘ নিশ্বাস ত্যাগ করিল।  
গোস্বামী কহিলেন, “আর ভাব্লে কি হ’বে। গোপনে গোপনে আয়ো-  
জন কর”। ছল্লভ তদনুসারে উঠিবার আয়োজন করিতে লাগিল।

## অষ্টাদশ অধ্যায়।

গোস্বামীর সঙ্গেপনে গ্রাম হইতে প্রস্থান।

ছল্লভনায় গোস্বামী রাত্রি অবসান করিলেন। প্রভূষে ছল্লভকে ডাকিয়া কহিলেন, “ওরে উঠ,—এই সময় যাওয়া যাক্”। ছল্লভ  
ফ্রাস্তে ব্যস্তে শয্যা হইতে উঠিয়া প্রস্তুত হইতে লাগিল; ও ক্ষণেককাল  
পরে পেটিকা মাথায় লইয়া মঠের বাহির হইল। গোস্বামী “ঐহরি”  
বলিয়া যাত্রা করিলেন, এবং দ্রুতগমনে দুই তিন ক্রোশ পথ পর্য্যটন  
করিলে থানার শঙ্কাদূর হইল। এখানে প্রাতঃকালে অধিকারী প্রভূতি  
উঠিয়া দেখেন যে গোস্বামী মঠে নাই। ইহার কারণ কেহই বুঝিতে পারিল  
না। অধিকারী পরে শুনিলেন যে থানা হইতে গোস্বামীকে ডাক্ হইয়া-  
ছিল। গোস্বামী সরল ও স্বভাবতঃ ভীক্ মনুষ্য, তাহাতে ভয় পাইয়া  
সকলের অজ্ঞাতসারে প্রস্থান করিয়াছেন। ইহাতে অধিকারী অনেক  
খেদ করিলেন। তাহার পর গ্রামস্থ লোকেরা ক্রমে ক্রমে শুনিল যে  
গোস্বামী গ্রাম হইতে রাত্রিযোগে প্রস্থান করিয়াছেন। কিন্তু কেহই  
নিশ্চয় কহিতে পারিল না যে ইহার কারণ কি। ফলতঃ সকলেই তাঁহার  
গমনে ছঃখিত হইল। তাহার পর কুমুদিনী ও নকিষ্টা বধু শুনিল যে  
গোসাঞী গ্রামে নাই, এবং বিরলে বসিয়া দুইজনে হাসিয়া ব্যাকুল হইল,  
ও সন্তরে লক্ষ্মীর নিকট গিয়া সমস্ত বৃত্তান্ত কহিল। লক্ষ্মী কহিল, “যাক্—  
গেচে আপদ গেচে। কিন্তু, যা হোক্, তোরা বেনে বেশ্ মন্তরনা  
করেচিস্—মেয়ে বটে! গোসাঞী থাকলে আমি সারা হতেম। বোন,  
আর কি বোলবো, আমাকে তোরা বাঁচালি”। গ্রামস্থ লোকেরা শুনিয়া  
যৎপরোনাস্তি ছঃখিত। সকলেই সরোর প্রতি দোষারোপ করিতে

লাগিল। কুমুদিনী ও কনিষ্ঠা বধূর কৃত মন্ত্রণা কেহই জানিতে পারিল না। পথে ঘাটে সকলেই সরোকে তিরস্কার করিতে লাগিল। যে হেতুক সরো গ্রামে প্রচার করিয়াছিল যে গোস্বামী তাহাকে “সংহার কবচ” দিবেন, ও তাহাতে তাহার সতিনের সংহার হইবে, এবং কুমুদিনীর বৈধব্য ঘটিবে। গোস্বামীর গ্রাম হইতে প্রস্থান করার মূল ঐ কথাই হইবে, গ্রামস্থেরা এই বিবেচনা করিয়াছিল; ও তজ্জন্যই সরোকে অহুঃ যোগ করিয়াছিল। সরো দেখিল যে তাহার কোন দিকে আর ভরসা নাই। যে দিকে চায় সেই দিকেই শত্রু। ও মনে মনে বিবেচনা করিল যে কপাল মন্দ হইলে সব দিক্ মন্দ হয়। এইরূপ অনায়ত্ত বুদ্ধিয়া সরো দীর্ঘনিশ্বাস ছাড়িল।

অধিকারী অবশেষে জানিল যে থানায় গোস্বামীর বিরুদ্ধে কেবল এক বিনামী অভিযোগ ছিল। কিন্তু তজ্জন্য তাঁহাকে তথা হইতে ডাকা হয় নাই। তত্রত্য মুন্সী কায়স্থজাতি, ও পরম ভাগবত মনুষ্য। বারেক ক্রীমদ্ভাগবৎ শ্রবণ করিবেন, সেই জন্য গোস্বামীকে আহ্বান করিয়াছিলেন। কিন্তু সরোর কার্য্যদোষে থানায় যে কথার সংবাদ হয়, তাহা আমরা উপরে লিখিয়াছি। ভাল হউক বা মন্দ হউক, সরোর প্রতি সকলের দ্বেষ জন্মিল। সরো দেখিল যে তাহার কোন দিকে আর ত্রাণ নাই। বিশেষে সপত্নী প্রবলা শত্রু। নিজে নালিশগ্রস্ত। গেজেটের আর ক্ষমতা নাই। রাজাবাবুর মাতা বিরুদ্ধ। সপত্নীর ভগিনী কুমুদিনী গোলাপকুমারীর প্রিয়। এই সমস্ত চিন্তা করিয়া হতাশ হইল।

## উনবিংশ অধ্যায়।

### সরোর শেষ দশা।

অভাগিনী সরো এইরূপে অবমানিতা হইয়া একেবারে হতাশ হইল; ও মনে মনে কহিতে লাগিল, “এর অপেক্ষায় আমার মরণ ভাল!”—ও অসম সাহসে ভর করিয়া একাকিনী একবস্ত্রা পিসির বাটী হইতে বাহির হইল। নিশি ঘোর অন্ধকার। সরোর বয়ঃক্রম প্রায় ত্রিশ বৎসর হইয়াছিল। আলুলায়িত দীর্ঘ কুন্তল;—ঘোর কাল। স্তম্ভিত অবয়ব, শ্যামবর্ণা, ক্ষীণমধ্যা, ও যুবক বীরপুরুষের ন্যায় বলিষ্ঠা। বাটী হইতে বাহির হইয়া কিয়দূরে আসিয়া দেখিল যে সম্মুখে শ্রোতবতী নদী। পিসীকে কহিল “আমি গা ধুয়ে আসি।” ফলতঃ সে কেবল স্তোকবাক্য। স্বভাবতঃ সরলা—সরোর পিসী সরোর মন না বুদ্ধিয়া কহিল “যা—শীগ্গির আস্বে।”

- স্বগ্রাম হইতে কিঞ্চিৎ দূর ব্যবধানে এক জন দণ্ডী বাস করিতেন। তিনি অত্যন্ত তেজস্বী, ও প্রায় সৰ্ব্ব প্রকার ব্যাধির ঔষধ জানিতেন; এবং জ্যোতিষ শাস্ত্রে ও সামুদ্রিক গ্রন্থে বিশেষ দৃষ্টি ছিল। সরো সাহসে ভর করিয়া দণ্ডীর আশ্রমভিমুখে গমন করিল। মনে ত্রাসমাত্র নাই। এক দণ্ডের মধ্যে তাহার আশ্রমের সম্মুখে উপনীত হইয়া দেখিল যে তাপস চতুর্দিকে অগ্নি জ্বালিয়া যোগ সাধন করিতেছেন। স্থান অতি হুর্গম।—ঘোর ভয়ানক শ্মশানভূমী। দুই দিগে নিবিড় বন। অপর এক দিগে প্রবাহবতী নদী। আশ্রমে বাইবার কেবল শুড়ী পথ মাত্র আছে। তাহার উভয় দিগে গভীর নিম্নভূমি। সমীপবর্তী বনে হিংস্রক

পশাদিরও ভয় আছে। যোগীর আশ্রমে জনান্তর নাই। ও কথিত আছে, যে ভূত, প্রেত, পিশাচাদিরা নর-অস্থি ও মুণ্ডমালা লইয়া নিশীথে যোগীর সম্মুখে অহুক্ষণ ক্রীড়া করে। সরো কিয়ৎক্ষণ আশ্রমের সম্মুখে দাঁড়াইয়া ভাবিতে লাগিল। যে হেতুক রাত্রিকাল, নিজে যুবতী স্ত্রী, ও তাপস তেজস্বী লোক। কিন্তু স্বতসন্মান সরোর আর ভয়মাত্র ছিল না। এবং তৎকালীন সে একরূপ মরিয়া হইয়াছিল। তদনন্তর সাহসে ভর করিয়া অগ্রসর হইল, ও যোগীর সম্মুখে গিয়া দাঁড়াইল। দণ্ডী নয়নোন্মীলন করিয়া দেখিলেন যে একটি যুবতী স্ত্রী প্রজ্জ্বলিত বহির অনতিদূরে দাঁড়াইয়া আছে। তাপস ভাবিলেন যে “এই দুর্গম শ্মশান-ভূমিতে নিশাকালে কি রূপে নারীর সঞ্চার হইল। বোধ হয় বিপদে পড়িয়া, কিম্বা বিপথে পড়িয়া, আসিয়া থাকিবেক”। ইহা বিবেচনা করিয়া জিজ্ঞাসিলেন, “বালে, তোমার প্রয়োজন কি?—রাত্রিকালে এই দুর্গম প্রেতভূমিতে একাকিনী কি প্রকারে আইলে?” সরো গলায় বস্ত্র দিয়া যোগীকে ধরাবনত প্রণাম করিয়া কহিল, “বাবা ব্রহ্মচারি, আগি প্রাণতাগ করিব!—এই মানসে আমি তোমার আশ্রমে এলেম। আমাকে এক ধান্ তীব্র বিষ দিয়া আমার প্রাণ রাখ। তাপস হাসিয়া কহিলেন, “আত্মঘাতীর স্বর্গ নাই; আত্মহত্যা উৎকট পাপ কর্ম্ম—তুমি সে চিন্তা দূর কর”। সরো রোদন করিতে করিতে কহিল, “বাবা ব্রহ্মচারি, আমার স্বামী নাই, পুত্র নাই, কন্যা নাই, মাতা নাই, পিতা নাই, বন্ধু নাই,—এবং অর্থও নাই; তবে কোন্ সূত্রে পৃথিবীতে থাকিব। যাহার “আহাঃ” করিতে কেহ নাই, ও যে মরিলে লোকের স্মৃতি ছুঁতে ও শোক তাপ নাই, তাহার মরা বাঁচা ছই সমান। বাবা, যে বাঁচিলে অনেকে বাঁচে, সেই বাঁচুক। আর দেখ, আমি যৌবন কালে স্বামীহীন হয়ে

জগৎ সংসার শূন্যাকার দেখিতেছি; স্বামী ভিন্ন ইহ লোকে নারীর আর রক্ষক নাই। তবে পৃথিবীতে আমার আর প্রয়োজন কি? অতএব আপনি এক ধান্ বিষ দিয়া আমার প্রাণ রাখ। ব্রহ্মচারী পুনর্বার কহিলেন, “তনয়ে, যদি মরিবার জন্য বিষ যাচঞা করিতেছ, তবে বিষপান করিয়া কিরূপে প্রাণ পাইবে? এ অযুক্ত কথা”। সরো কহিল, “বাবা, আমি এক্ষণে মরিলেই বাঁচি। তবে যে বেঁচে আছি,—সে জীবন্মৃত জানিবেন”। সন্ন্যাসী আপন পূর্বপক্ষের প্রত্যুত্তর পাইয়া হাসিতে হাসিতে কহিলেন, “বালে, নিরস্ত হও। আমি বিষ দিব না”। সরো কহিল, “তবে আপনি অঙ্গীকারতঙ্গপায়ে লীন হইবেন”। সন্ন্যাসী কহিলেন “কেন?” সরো উত্তর করিল, “শুনা আছে যে আপনি এই সত্যে বদ্ধ আছেন যে, শরীরে হউক বা মনে হউক, যাহার যে ব্যাধি থাকে, আপনি যাচঞামাত্র তাহার ঔষধ দিয়া রোগ শান্তি করিবেন। আমি মানসিক রোগে জীর্ণ হইয়াছি, অতএব আমাকে কিঞ্চিৎ বিষ দিয়া আমার প্রাণ রাখ, এবং আপনাতঃ প্রতিজ্ঞা পূরণ কর”। সন্ন্যাসী সরোকে অতিশয় মানস-ক্লিষ্ট বুদ্ধিয়া অনেক উপদেশ দিলেন যে “চরমে তোমার ক্লেশ দূর হইবেক। সংপ্রতি ধৈর্য্য হও। সংসারে স্মৃতি ছুঁতে ছুঁতে আছে। যাহার অতি ছুঁতে অবসন্ন না হয়, তাহারাই মহৎ। আর একেবারে হতাশ হওয়া জীবলোকের কর্তব্য নহে”। সরো তত্রাচ প্রবোধ পাইল না। দণ্ডী কহিলেন “আমি স্ত্রীহত্যার ভাগী হইব না,” ও অগত্যা সরোকে অকৃতার্থা করিলেন। সরো পুনর্বার দণ্ডীকে ধরাবনত প্রণাম করিয়া অশ্রুপূর্ণ নয়নে বিদায় হইল।

তদনন্তর যাইতে যাইতে পথিমধ্যে সরোর স্মরণ হইল “যে পিসির ঘরে ছোঁরা আছে,—সেতো আরও ভাল। তবে তাতেই অবাধে কাজ সাধিব”।

এখানে সরোর আসিবার বিলম্ব দেখিয়া তাহার পিসী ব্যাকুলা।—  
“রাত্রিকাল,—স্বীলোক কোথা গেল? কি হলো?” এইরূপ ছুশ্চিন্তা  
করিতে লাগিল। এমত সময় কুটিরের সন্নিকটে পাদক্ষেপের শব্দ হইল।  
তাহা শুনিয়া সরোর পিসী চমকিয়া উঠিল, ও মনে মনে করিল, “এই  
বুঝি সরো এলো”; এবং বাহিরে আসিয়া উভরায় ডাক দিল “কেও—  
সরো এলি!” সরো সায় দিয়া কহিল, “হাঁগো পিসি, এই এলেম্”।  
পিসী কহিল “আয় বাছা আয়। আমি ভেবে মরি”। সরো মনে মনে  
কহিতে লাগিল, “আর বৃথা ভাব! তবে সম্বন্ধ জীবন অবধি। যতক্ষণ  
বেঁচে আছি আমার আমার করবো, তা’র পর চক্ষুবজ্জলে কে কার!”

সরোর পিতৃ-স্বমী সরোর অপেক্ষায় আহাৰ করে নাই। তাহার পর  
ছুই জনায় একত্রে বসিয়া ভোজন করিল। কিন্তু সরোর কেবল ভোজনে  
বসি মাত্র। তাহার পিসী মনে করিল যে সরো বুঝি ভাবনা চিন্তায়  
কিছু খাইল না।

তদনন্তর সরো স্বীয় পিসীকে কহিল, “পিসীমা, আমি বড় শ্রান্ত  
আছি—শুইগে। আমাকে আজ আর ডেকো না”। পিসী কহিল “যা শুগে  
যা”। ইহা কহিয়া সরোর পিসী ক্ষণেককালের জন্য নিভুতে গেল। সেই  
সুযোগে সরো সত্বর হইয়া পিসীর ঘর হইতে তীক্ষ্ণ ছোরা বাহির করিয়া  
আনিয়া আপন শয্যার মধ্যে রাখিল। তাহার পর বাহিরে গিয়া পিসীকে  
কহিল, “পিসি, তবে আমি শুইগে”; ও অতি মৃদুস্বরে কহিতে লাগিল,  
“পিসি, আর দেখা হবে না,—জন্মের মত বিদায় হলেন”। ইহা কহিয়া  
সরো দৃঢ়রূপে “কবাট্ রুদ্ধ করিয়া শয়ন করিল। পরে নিশীথে উঠিয়া  
দেখিল যে তাহার পিসী গাঢ় নিদ্রিতা আছে, ও মনে মনে করিল “এই  
সুসময় বটে”; ও দ্বার রুদ্ধ করিয়া সাহসিক বীর পুরুষের ন্যায় সংহার-

অস্ত্র হস্তে তুলিয়া লইল, এবং বিগত স্বামীকে স্মরণ করিয়া নয়নানু-  
পাত করিল, যেহেতুক স্বামীবৎসলা সরোর অত্যন্ত পতি-ভক্তি ছিল;  
ও বারম্বার কহিতে লাগিল, “আমি কেবল পতিহীনা হয়ে আমার  
এই অপমান হলো! স্বামী থাকলে আমার এ ছদ্মশা হতো না। যাঁর  
স্বামী নাই, তাঁর পৃথিবীতে কেউ নাই!”

“পতি-হীনা যুবতীর বুখাই জীবন।

নারীর জগৎ শূন্য বিনা সেই জন ॥

জীবনে মরণ মোর মরণে জীবন।

জীবন জুড়াই লয়ে কৃতান্ত শরণ” ॥—

ইহা কহিয়া সেই তীক্ষ্ণ ছোরা উদরে মারিল, ও মুহূর্ত্তেকে শয্যার  
উপর পড়িয়া সরো প্রাণত্যাগ করিল। পর দিন প্রাতে সরোর গা  
তুলিতে বিলম্ব হইল দেখিয়া, তাহার পিসী “সরো—সরো” বলিয়া বার-  
ম্বার ডাকিল। কিন্তু কোন উত্তর না পাইয়া কবাট্ ঠেলিতে লাগিল।  
তাহাতেও সরোর কোন সাড়া না পাইয়া গবাক্ষের দ্বার দিয়া দেখিল যে  
সরো শোণিতাক্ত শয্যায় পড়িয়া আছে; এবং ছোরা তাহার উদরে গাঁথা  
রহিয়াছে। ইহা দেখিয়া সরোর পিসী চীৎকার করিয়া উঠিল। ক্রন্দনের  
শব্দে প্রতিবাসিগণ দৌড়িয়া আইল, ও সকলে মিলিয়া কবাট্ মুক্ত  
করিয়া দেখিল যে সরো অস্ত্রঘাতে আত্মঘাতিনী হইয়াছে। ক্রমে ক্রমে  
তথায় বহু জনতা হইয়া উঠিল, ও শেষ চৌকীদার আসিয়া সরোর মৃত-  
কায় দেখিয়া থানায় সমাচার দিল, ও জমীদারী কাছারিতেও সংবাদ  
করিল। তদনন্তর পুলীস্ আসিয়া “স্বরতহাল” করিয়া সদরে লাস্  
চালান করিল, ও অভিপ্রায় লিখিল যে সরোভাণ্ডারী গতরাত্রে  
অস্ত্রঘাতে আত্মহত্যা করিয়াছে। এবং প্রমাণার্থ রক্তাক্ত ছোরা প্রেরণ

করিল। অনন্তর লাস্ সদরে পরীক্ষা করিয়া ডাক্তর সাহেব অভি-  
প্রায় দিলেন যে প্রেরিত অস্ত্রের আঘাতে প্রাণ বিয়োগ হইয়াছে।  
ইন্স্পেক্টর স্থানীয় তদন্তের রিপোর্টে প্রকাশ করিয়াছিল যে মৃত  
স্রীলোকের নামে সর্ভবিজনের কাছারিতে অপবাদের নালিশ হও-  
য়াতে তাহার প্রমাণ হইয়াছিল, ও বিবেচনা হয়, যে সেই ভয়ে সরো  
আত্মঘাতিনী হইয়াছে।

গ্রামের মধ্যে ভারী জনরব হইয়া উঠিল।—আবাল-বুদ্ধ-বনিতা সক-  
লেই শুনিল যে সরো অভিমানে আত্মঘাতিনী হইয়াছে, এবং সকলে খেদ  
করিতে লাগিল, ও গঙ্গাধরগেজেটের প্রতি দোষারোপ করিল। স্রের  
কন্যা শুনিল যে তাহার সপত্নী সরো আত্মহত্যা করিয়াছে, ও মনে মনে  
কহিল, “বেশ হয়েছে! যেমন কর্ম তেমনি ফল!” ইহাতে বোধ  
হয় যে মরিলেও সপত্নীর প্রতি সপত্নীর দ্বেষ যায় না। তদনন্তর  
সরোর অপমৃত্যু সংবাদ শুনিয়া গেজেট্ অতিশয় দুঃখিত হইল, ও মনে  
মনে করিল যে “সরো মরিয়া নিস্তার পাইল। এখন আমার ভাগ্যে কি হয়,  
তাহা ভগবান্ জানেন্”। সেই দিন মোকদ্দমার নির্দ্ধারিত দিন। দেখিতে  
দেখিতে বেলা দুই প্রহর হইল। গেজেট্ মোক্তারকে সঙ্গে লইয়া  
কাছারিতে উপস্থিত হইল। কাছারিময় কেবল ঐ কথা। কেহ জিজ্ঞা-  
সিল “সরো কেন মরিল”; কেহ কেহ সিদ্ধান্ত করিল যে “পর্দানশিন”  
স্রীলোক হাজতে রহিল। দেখিতে দেখিতে একটা বাজিয়া গেল। সাহে-  
বের ঘোড়া দৃষ্ট হইল। লোক সকল শশব্যস্ত হইল। সাহেব আসিয়া  
এজলাসে উপবিষ্ট হইলে, উপস্থিত দরখাস্ত সকল পাঠ হইয়া বাদী-  
গণের প্রথম “এজাহার” হইল। তদনন্তর সরোর আত্মহত্যার রিপোর্ট  
শুনানি হইয়া মোকদ্দমা হইতে তাহার নাম খারিজ হইল। ও গঙ্গাধর-

গেজেটের যাহা যাহা উক্তি, ও তাহার মোক্তারের যে সমস্ত তর্ক ছিল,  
তাহা প্রণিধান করিয়া সাহেব হুকুম দিলেন—“টুমি গঙ্গাধরগেজেট্  
গুণনিজনক পটু লিখিয়া সরোর করা অপরাডের সাহায্য করিয়াছ, এজন্য  
টুমি প্রবৃত্তি দিয়াছ—অপরাডের। আমি টুমার জরিমানা করিলাম”।  
রাজাবাবুর মোক্তার অনেক “দাদ্ বেদাদ্ করিল। কিন্তু হাকীম তাহা  
শুনিলেন না। গেজেট্ জরিমানা দিয়া মুক্ত হইয়া বাটী আইল, ও মনে  
মনে করিল যে সরো মনোহুখে প্রাণত্যাগ করিয়াছে, আমারও দেশা-  
ন্তরী হওয়া উচিত। একে রাজদণ্ড, তায় জাতিদণ্ড,—উভয় দণ্ডে গেজেট্  
অত্যন্ত অবমানিত হইয়া মনে মনে করিল “দূর হউক, আর দেশে থাক্বো  
না!” ইহা স্থির করিয়া লোকলজ্জা ভয়ে আর মুখ না দেখাইয়া গ্রাম  
হইতে অদৃশ্য হইল।

শজ্জুর মোকদ্দমায় জয়ী হইয়া মনের উল্লাসে বাজনা বাদ্য করিয়া  
গ্রাম্য দেবতার পূজা দিয়া ঘরে আইল, ও সপরিবার উৎসব করিল।

## বিংশতি অধ্যায়।

### রাজাবাবুর বাটীর বৃত্তান্ত।

সরোর আত্মহত্যার সংবাদ অন্তঃপুরে আগত হইলে, স্বভাবতঃ  
সরলা ও পরোপকারে রতা গোলাপকুমারী অতিশয় বিষণ্ণা হইলেন;  
এবং মনে মনে কহিতে লাগিলেন, যে “এমন মানের ভয় বুঝি আর  
কাহারো হ'বে না। হৃতসন্মান সরো বোধ হয়—শুদ্ধ অভিমানে প্রাণ-  
ত্যাগ করিয়াছে। “যাক্ প্রাণ থাক মান” এই তা'র মুখের রব

ছিল। গায়ে হলোও তাই। কিন্তু যা-হউক, মেয়ে বটে। স্ত্রীলোক হয়ে বীর পুরুষের ন্যায় বীরদর্পে কাল কাটিয়েচে। সে যে অসতী ছিল, তাও কোন মেয়ে পুরুষে বলতে পারবে না। পৃথিবীতে কেবল সত্যিনের কাঁটাই বড় জানতো, যে হেতুক নিজে স্বামিবৎসলা ছিল। গেজেটী গেছে ভালই হয়েছে, তা'তে কা'র খেদ নাই। আমাদের সংসার অতঃপর নিষ্কণ্টক হইল। তবে দাদাবাবু নাকি তা'র জন্যে মনোহুখে আছেন, এবং শুনিতে পাই কহিয়াছেন, যে আমিই এই সকল বিষাদের উপলক্ষ। আমার ইহাতে কিছুমাত্র হুঃখ নাই। আমি দাদাবাবুর ভাগ্যোপজীবী নহি।—আজ্জি আছি কাল নাই; শ্বশুর বাটীতে অন্নবস্ত্রের অভাব নাই, এবং মা-বাপও আমাকে অপাত্রে দান করেন নাই। এবং ছুকুলেও পড়ি নাই। তবে আমার ভাবনা কি? চিরদিন এখানে আছি বলিয়া মানের লাঘব হইতেছে। স্বামীর কুটীরও ভাল, পিতার অট্টালিকাও কিছু নয়; তবে কেবল মার যত্নে এখানে থাকা। এক্ষণে আমার পিতৃগৃহ পরিত্যাগ করাই শ্রেয়ঃ। এই রূপ চিন্তা করতঃ গোলাপকুমারী বাস সাজাইতে বসিলেন; এমত সময়ে সুরেদের বাটীর জনৈক স্ত্রীলোক আসিয়া দ্বারের সম্মুখে দাঁড়াইল, এবং গোলাপকুমারীকে কহিল, “দিদি ঠাকুরাণ, কুমুদিনী একবার দেখা কত্তে আসতে চান, কি বলবো?”

গোলাপ কহিল “আসতে বল্গে যা,—এই সময় আমার অবকাশ আছে।” ইহা শুনিয়া দাসী বিদায় হইল। গোলাপ বাস সাজাইতে মনোনিবেশ করিলেন।

কিকিৎক্ষণ পরেই দ্বারের অনতিদূরে পায়ের শব্দ হইল। গোলাপ-কুমারী উর্দ্ধমুখে কর্ণপাৎ করিয়া কহিলেন, “মা আস্চেন।”

শুভ্রকায় অনতিস্থূলবপু গোলাপের মাতা মাতঙ্গ-গমনে পাদ বিচরণ করিতেন। কিয়দূর হইতে “গোলাপ—গোলাপ” বলিয়া ডাক দিলেন। গোলাপ সন্ত্রমে উঠিয়া কহিলেন “কেন-মা?” কর্তী গোলাপের একোষ্ঠে প্রবেশ করিয়া দেখেন যে গোলাপ বাস সাজাইতেছে। তাহা দেখিয়া জিজ্ঞাসিলেন, “কেন গো? একি? এসব কি? বাস পেটার সাজান কেন? বুঝি ছোট জামাই যা'বার কথা কিছু বলেচে?”

গোলাপ কহিল, “পরে বলবো।—আর দেখ মা, আমার সরোর জন্যে মন কেমন কর্ছে, এখানে আর মন টেক্চেনা। কখন কখন তা'র উপর রাগ কত্তেম বটে, কিন্তু মনে মনে তা'কে বড় ভাল বাসতেম। শুনেচি, ভয়ানক অবধাৎ মৃত্যু হয়েছে!” ইহা কহিয়া গোলাপ অক্ষুপাত করিলেন।

মাতা। আহা! অনেক দিন আশ্রয়ে ছিল, তা'র জন্যে যে মায়া হ'বে তা'র আশ্চর্য্য কি বল; তা'র যেমন কিছু কিছু দোষ ছিল, কিন্তু শরীরের মধ্যে অনেক গুণ ছিল, তা প্রায় অন্য অন্য স্ত্রীলোকের মধ্যে দেখতে পাওয়া যায় না। একটা লোক গেছে, বাড়ী যেন শূন্য হয়েছে। অবধাত মৃত্যু তা'র ললাটের লিখন,—তা কে খণ্ডন করবে বল। গেজেটী দেশত্যাগী হওয়াতে গ্রামটা স্থির হয়েছে, তবে যে হুঃখ—সে তোমার দাদাবাবুর। ধূমকেতু আবার না উদয় হয়। আর শুনেচ?

গোলাপ। কি মা?

মাতা। তোমার দাদাবাবুকে উত্তর মঠের অধিকারী কি পত্রাদিয়ে গেচে। সেই পত্রের ভয়ে নাকি গোস্বামী গ্রাম হইতে প্রস্থান করেন। অনেকে অহুভব করে যে সুরের বাটীর মেয়েদের লেখা, এবং তোমার দাদাবাবু বলেন, যে সে পত্র লেখা তোমার অজ্ঞাতে হয় নাই।

গোলাপ। মা, সেকি! আমি তাঁর ভাল মন্দ কিছুই জানিনে। দাদাবাবুর মনে যা আসে বলুন, কেবল তোমার স্নেহেতেই এত দিন এখানে ছিলাম, নয়ত দাদাবাবু—

এই কথা কহিতে কহিতে রাজাবাবুর উপরে আসার শব্দ হইল। এবং দেখিতে দেখিতে তরুণ কেশরীর ন্যায় বীরদর্পে উপরে আসিয়া গোলাপকুমারীর প্রকোষ্ঠের সম্মুখে দাঁড়াইলেন।—অতি শৌর্য্যবান, এবং রূপেও অশ্বিনীকুমার বিশেষ, চক্ষুঃ ঈষল্লোহিত বর্ণ,—দেখিলে বোধ হয় যেন সক্রোধে, কিম্বা কোন গুরুতর বার্তা বহন করিয়া, সম্মুখে আসিয়াছেন। পুত্রকে দেখিয়া মাতা জিজ্ঞাসিলেন, “কি গো—কি সমাচার?” রাজাবাবু উত্তর করিলেন, “মা বল্চি।” ইহা কহিয়া প্রথমতঃ স্বীয় অঙ্গরাখার মধ্য হইতে এক খানি পত্র বাহির করিয়া আপনি তাহা পাঠ করিলেন, এবং মাতাকে কহিলেন, “গ্রামের একটা নিন্দা হয়েছে।—পুণ্য মাস, মাঘ মাস,—গ্রামস্থ ভদ্রাভদ্র লোক শাস্ত্রকথা শুনছিল, গোস্বামীকে এমন ভয় দর্শাইয়া বিদায় করা কেন?” রাজাবাবুর মাতা মনোযোগ-পূর্ব্বক পুত্রের কথা শুনিলেন। অকুতোভয় গোলাপকুমারী ভ্রাতার দিকে দৃকপাতও করিল না। কারণ গোলাপকুমারী বিদ্যাবলে সাহসিক, মাতৃপ্রিয়া, এবং পতিগর্কিতা। রাজাবাবুর মাতা জিজ্ঞাসিলেন, “এ পত্র আমাদের দেখাবার তোমার তাৎপর্য্য কি?”

রাজাবাবু। তাৎপর্য্য এই যে পত্রখানি সুরের কন্যাদের লেখা; এবং তোমার গোলাপকুমারীরও তাতে সাহায্য থাকতে পারে।

মাতা। এ পত্র লেখার দোষের ভাগী আমার বাটীর কেহ নহে,—এ আমি নিশ্চয় জানি। তবে গোস্বামীর গ্রাম হইতে ঐরূপ প্রকারে

উঠিয়া যাওয়া গ্রামের অশ্বশ বটে। কিন্তু গোলাপকুমারীর প্রতি এর দোষারোপ করা নিতান্ত অন্যায্য। দেখ, চাঁদেও কলঙ্ক আছে, কিন্তু আমার গোলাপে তা নাই।

রাজাবাবু। মা, তুমি স্নেহবশতঃ আপনাদের দোষ দেখেচোনা। গোলাপকুমারীর বুদ্ধি না হ'লে কৃষ্ণাঙ্গের মেয়ের কি এত বুদ্ধি সাধ্য হয়। এই কথায় রাজাবাবুর মাতা অতিশয় কোপযুক্ত হইয়া পুত্রকে কহিলেন, “দেবেন্দ্র, তোর বুদ্ধিভক্তি সকলি লোপ পেয়েচে, নতুবা আমার বাটীতে এসে এক জন অপদার্থ অসার লোক প্রভুত্ব করে। গোলাপকুমারী তোর কণ্টক হয়েছে,—তা আমি বুঝি। এই সে শ্বশুর-বাড়ী চল্লে! আর আমিও বৃন্দাবনে চল্লেম। তুই গেজেটীকে ডেকে নিয়ে আয়—এনে রাজত্ব কর!”

রাজাবাবু। গোলাপকুমারী শ্বশুরবাড়ী যা'বে তাঁর জন্য আমি বড় দুঃখিত নই। আর প্রাচীন বয়সে তুমি তীর্থ বাস করবে, তাঁর জন্যই বা দুঃখ কি?

ইহা কহিয়া রাজাবাবু ক্রোধভরে নীচে নামিলেন; ও গোলাপকুমারী মাতাকে কহিল, “দেখ্লে মা, দাদাবাবু কেমন লোকটা। তুমি যাও—আমি বাই,—কিছুতেই তাঁর হুঁখু নাই। কিন্তু পরে জানতে পারবেন। আমি যেন কোথাকার কে। কিন্তু, মা, গেলেই টের পাবেন।”

রাজাবাবুর মাতা ঈষৎ চিন্তিয়া কহিলেন, “দূর হউক!—কিছু দিন তীর্থস্থানে বাস করা যাউক্। তুই শ্বশুর বাড়ী যা—গোলাপ। পরশু ভাল দিন আছে—তুই যাত্রা কর। আমি পরেই যাচ্চি। এ পাপ-সংসারে আর থাকা নয়।” গোলাপ কহিল, “মা, এর পর থাকি কেবল অপমান হ'তে মাত্র। এক মুটো ভাত্ কা'র ঘরে না আছে?”—

তবে এই স্থির। ইহা কহিয়া কত্রী প্রস্থান করিলেন। গোলাপ অবশিষ্ট বাস্ন সাজাইতে মন দিলেন।

রাজাবাবুর মাতা বিদায় হইলে, তাহার অব্যবহিত পরেই কুমুদিনী আসিয়া উপনীত হইল। কুমুদকে দেখিবামাত্র গোলাপের পূর্বরোম-ভাব দূর হইল, এবং সহাস্য বদনে গোলাপের হাত ধরিয়া বসাইলেন, এবং বারংবার কুশল জিজ্ঞাসিলেন। কুমুদ কহিল, “মকর, তোমার প্রসাদে সব মঙ্গল। এখন আমাদের আর কোন কষ্ট নাই। মকর, আর অধিক কি বলবো,—আমরা চিরকাল উপকারে বদ্ধ রহিলেম।

গোলাপ। তোমাকে নাকি নিতে এসেচে ?

কুমুদ। হাঁ ভাই,—গ্রামে নানা গোলযোগ শুনে আমাকে নিতে এসেচে। দিদিও কিছু দিন আমার ওখানে গিয়ে থাকবেন। তাঁর মেয়ে ঋগুর বাড়ী, তাঁর আর কে আছে। বউরা আছে—ঋগুর শাশুড়ীর সেবা করবে। আবার কত দিনে তোমার চরণ দর্শন পাব তা বলতে পারিনে;—তাই বলি একবার গিয়ে এই সময় দেখা করে আসি।

গোলাপ। আমরা এখানে আর মন টেকে না। সরোর অব-  
শ্যাত মুত্যা হওয়াতে গ্রামে একটা ছলস্থল হয়েছে—কাণ পাতা যায় না।  
আমিও যাচ্ছি।

কুমুদ। কেবল কি এই গোল্টি, মকর? গেজেটী দেশত্যাগী হয়েছে,  
তাঁর জন্যে তাঁর ছেলেপিলে আমাদের গাল দিচ্ছে।

গোলাপ। তাঁদের দোষ কি? সে তো আপনি গেছে।

কুমুদ। এই তো বলে কে। তার পর ধর, কথকঠাকুর গ্রাম হ'তে  
রাত্রিযোগে প্রস্থান করলেন।—লোকে বলে তোরা নন্দে ভেজে

পরামর্শ করে চিঠি লিকে তা'কে দিলি, আর এক খানা খানায় দিলি,—  
সেই ভয়ে গোস্বামী পলালেন।

গোলাপ। বিনামী পত্রের কথাটা কি বল দেখি ?

এই কথা শুনিয়া কুমুদিনী হাসিয়া ব্যাকুল হইল; এবং গোলাপের  
হাত ধরিয়া কহিল, “মকর, আমার মাথা খাও বল—কারু সাক্ষাতে  
গল্প করবে না”। গোলাপ কহিল “না না—তুই বল। তবে তোরাই  
তো একাও করেচিস্!”

কুমুদ। কথা কি, দিদি তো অতি নিরর্থক। কথকঠাকুর সরোকে  
কি কবচ দিয়েচে, এই শুনে দিদি আমাদের কাছে অনেক কাঁদতে  
লাগলো।—বলে “এই কবচেই আমি মরবো—আমার মেয়ে  
বিধবা হ'বে, ও ভগ্নি বিধবা হ'বে। তাই দিদিকে সাহসনা কর-  
বার জন্যে আমরা কথকঠাকুরকে ভয় দেখালেম।—এতে কথক  
পলাবে তা কি ছাই জানি। পত্রের কথা কেবল গ্রামের  
দামীবৈষ্ণবী জানে; আর জনপ্রাণী জানেনা। আমি বলেচি ছোট  
বউ লিকেচে। সে কি আবার লিখতে পারে। আমার অক্ষর  
অনেকে চেনে, এ জন্যে আমি নিজে লিখি নাই। ইহা কহিয়া  
কুমুদিনী পত্রের পাণ্ডুলিপি গোলাপকে দেখাইল। যেহেতু কুমুদিনী  
বিলক্ষণ জানিত যে এ কথার নিশ্চয়ই উত্থাপন হইবে। পত্র  
পাঠ করিয়া গোলাপকুমারী হাসিতে হাসিতে কুমুদিনীর হাত ধরিল,  
ও এই কথা লইয়া উভয়ে অনেকক্ষণ পর্যন্ত আমোদ করিল।  
তাহার পর গোলাপকুমারী রহস্য করিয়া কহিল, “যদি এই পত্রের  
পাণ্ডুলিপিসহিত, মকর, তোকে দাদাবাবুর কাছে ধরে পাঠিয়ে  
দিই, তবে কি হয়?” কুমুদ হাসিয়া কহিল, “বেশ্ তো দাও



না; আমিও বলবো, মকরদিদি যেমন বলেচে, আমি তেমনি লিখিচি ।

এই কথায় উভয়ে অনেক হাস্য পরিহাস করিল। তাহার পর গোলাপকুমারী কহিল, “সে যা হউক, মকর, কিছু জল খাও । আবার কত দিনের পরে দেখা হ'বে” । কুমুদ অসময় বলিয়া অনেক বিনয় করিল । গোলাপকুমারী তাহা না শুনিয়া কুমুদিনীর হাত ধরিলেন, ও আসনে বসাইয়া নানাবিধ উপাদেয় সামগ্রী ভোজন করাইলেন । তদনন্তর উভয়ে পান খাইয়া বসিয়াছেন, এমত কালে কুমুদিনীর বাটীর প্রাচীনা দাসী আসিয়া দ্বারে দাঁড়াইল । তাহাকে দেখিয়া কুমুদিনী গোলাপকুমারীকে ধরাবনত প্রণাম করতঃ বিদায় হইলেন; আর কহিলেন, “নৌকায় উঠবার সময় একবার পারিতো উঠে দেখা করে যাব” । গোলাপ কহিল “তাতো আসতেই হ'বে” । ইহা কহিয়া প্রসন্ন বদনে স্বীয় প্রকোষ্ঠে প্রবেশ করিলেন ।

### একবিংশ অধ্যায় ।

গোলাপকুমারী ও কুমুদিনীর বিদায়—

ও গোস্বামীর স্ববাসের বৃত্তান্ত ।

গোলাপ ও কুমুদের উক্ত মিলনের তিন দিবস পরে সংক্ষিপ্ত পুনঃ-সাক্ষাতের পর তাহাদের পরস্পর বিচ্ছেদ হইল । কুমুদ নেত্রনীয়ে আর্দ্র হইয়া নৌকারোহণ করিলেন; গোলাপকুমারী চক্ষের জল মুছিতে মুছিতে অন্তঃপুরে প্রবেশ করিলেন; ও তাহার পর একে একে সকলের নিকট সন্নিহনে বিদায় হইয়া শিবিকার পার্শ্বে দাঁড়াইলেন । তদনন্তর জননীকে

প্রণাম করিয়া বহুদূরস্থ স্বামীসহ যাত্রা করিলেন । এই সময় পুরনারীও দাস দাসীরা কান্দিয়া উঠিল । যেহেতুক গোলাপকুমারীর বিদায়ে সকলে শোকপর হইয়া বহু বিলাপ করিল । গোলাপ সকলের হৃৎপ্রতিমা ছিল । অতঃপর পুরী শূন্য হইল । মাতা প্রায় অচেতন । কাহারও মুখে রব নাই । গোলাপকুমারীর বিদায় হওয়ার অব্যবহিত পরেই রাজাবাবুর মাতা তীর্থগমনের উদ্দেশ্যে রহিলেন । রাজাবাবু মনে মনে করিলেন যে “গোলাপের প্রতি অনর্থক দোষারোপ করিয়া আমি একরূপ স্তূহ-স্তেদ করিয়াছি,” ইহা বুঝিয়া অতিশয় খিদ্যমান হইলেন । রাজাবাবু আর প্রায় বাহিরে যান না, নগর বনবাসের অস্থখের ন্যায় হইয়া উঠিল ।

আদিমাধব গোস্বামীকে বিদায় দিয়া তাহার পর তাঁহার কি হইল, আমরা পাঠকদিগকে তাহা কহি নাই ।

গোস্বামী গ্রাম হইতে প্রস্থান করিয়া সভয়ে প্রতিদিন দ্বিগুণ পথাতিক্রম করিলেন । এবং দ্বিতীয় দিবস অপরাহ্নে বিরূপা নামে নদীর তটে আসিয়া বৃক্ষমূলে বসিলেন । প্রাচীন ভৃত্য ছল্লভ পেটিকা মাথায় করিয়া পশ্চাতে আসিতেছে । তৈজসের শকট তাহারও পশ্চাতে আছে । গোস্বামীর তখনও “কনেষ্ঠেবেলের” ভয় দূর হয় নাই । কেবল নীলিবর্ণের পোশাক ও লাল পাগড়ী যেন সর্বদা সম্মুখে দেখিতেছেন । চিন্তায় আকুল । সম্মুখে বিস্তীর্ণ নদী । আর যদিও তৎকালে তাহা গভীর নহে, তথাচ গোস্বামী কহিলেন, “নদীকে বিশ্বাস নাই! নদী পার হইয়া ছুর্গম বন । হিংস্রক জন্তুরও ভয় আছে । কি করি? যাহা হউক, ছল্লভ আসুক—যেমত হয় হ'বে” ।

গোস্বামী এইরূপ চিন্তা করিতেছেন, এমত কালে পেটিকা মাথায়

ছন্নভ উপনীত হইল। আদিমাধব তাহাকে দেখিয়া জিজ্ঞাসিলেন,  
“আরে ছন্নভ, আলি? আয়—আয়”।

ছন্নভ কহিল “আজ্ঞে, ঠাকুর, আলাম্। কিন্তু এবার বড় দুখ পালাম।  
তবে দদি দুধু ছানা চিনি ঘেরতো যতেষ্ট খালাম্—এই ক্যাবল স্মখ”।

গোস্বামী হাসিয়া কহিলেন, “আরে বেটা, সেটা কি সামান্য স্মখ।  
যা হউক, বাপু, আলি—আমার ভাবনা দূর হলো।

তাহার পর মূহুরে গোস্বামী ছন্নভকে জিজ্ঞাসিলেন, “হাঁরে ছন্নভ,  
পথে কোন কানেষ্টেবলকে এ দিকে আসতে দেখলি?” ছন্নভ বিরক্ত  
হইয়া কহিল, “আরে ঠাকুর, না না!—কি বিপদ! তুমি থামোত!—  
রাত্রিদিন কেবল “কানেষ্টেবল”—“কানেষ্টেবল”।

আদিমাধব ঈষৎ মৌন থাকিয়া কহিলেন, “সে যা হউক, ছন্নভ,  
এখন দেখ যাওয়া যায় কি না। বেলা তো নাই। সম্মুখে বিস্তীর্ণ নদী।  
এবং নদী পার হইয়াই ছন্নভ বন। হিংস্রক পশুরও ভয় আছে”। ছন্নভ  
কহিল, “সে তো চির কালিই আছে”। গোস্বামী কহিলেন, “তাতো আশু  
বটে; কিন্তু এখন করা যায় কি?—যাওয়া যায় কি না বুঝে দেখ”।

ছন্নভ কহিল, “এখন তো কোনমতেই যাওয়া নয়। নিকটে গ্রাম  
আছে,—তথায় রাত্রি বাস করে প্রত্যুষে উঠে যাওয়া এই পরামর্শ।  
তবে গ্রামে কএক ঘর ছষ্ট লোক আছে। মধ্যে এক ঘর সংগোপ  
আছে,—অতি ভাল লোক;—সেইখানেই থাকা যাক”।

গোস্বামী প্রাচীন ভূতোর প্রস্তাবে সম্মত হইয়া একেবারে গাত্রোথান  
করিলেন, এবং বারেক নদীর কূলে নামিয়া সায়ংসন্ধ্যা সমাপন করি-  
লেন। তদনন্তর ধীরে ধীরে গ্রামাতিমুখে যাইতে লাগিলেন। ছন্নভ আগে  
আগে চলিল। যাইতে যাইতে “এ কার বাড়ী—ও কার বাড়ী” ইত্যাদি

জিজ্ঞাসাবাদ করিতে করিতে আদিমাধব সতৃত্য প্রাপ্ত সংগোপের  
ভবনে উপনীত হইলেন। আতিথেয় কান্তিযুক্ত গোস্বামীকে দেখিয়া  
সম্মান পূর্বক বসাইলেন, এবং পৃথক্ ঘরে বাসা দিয়া যথা-সম্ভব সিধা  
সামগ্রী ও জলযোগের আয়োজন করিয়া দিলেন। গোস্বামী পাদ প্রক্ষা-  
লন পূর্বক জল খাইলেন, ও তাহার পর পাকু করিবার উদ্যোগ করিতে  
লাগিলেন।

তদনন্তর যথেষ্ট মিষ্টান্ন ও শীতল বারি পান করিয়া ছন্নভ শ্রম  
দূর করিল; এবং বাটার ভৃত্যদিগের সঙ্গে বসিয়া গ্রামের বৃত্তান্ত ও সঙ্ক-  
লের পরিচয় লইতে লাগিল। এমতকালে গোস্বামী “ছন্নভ” বলিয়া  
ডাক দিলেন। ছন্নভ উঠিয়া গিয়া দেখিল যে গোস্বামীর পাকু প্রায়  
হইয়া আইল। গোস্বামী জিজ্ঞাসিলেন “সরোর কথা কে পাড়িতে-  
ছিল?” ছন্নভ কহিল, “ঠাকুর, সে অনেক কাণ্ড হয়ে গেছে। সরো  
আত্মহত্যা করেছে। এইটা সরোর বাপের বাড়ী। এই সমাচার পেয়ে  
অবধি বাটাশুদ্ধ সকলে কাতর”। গোস্বামী “কি—কি” করিয়া সতয়ে  
উঠিয়া দাঁড়াইলেন, ও পুনর্বার কহিলেন, “কি সর্বনাশ! না জানি  
আমাদের আবার কি বিপত্তি পড়ে”। আদিমাধব এই অশুভ সংবাদে  
অত্যন্ত ভাবিত হইলেন, ও সেই সময় অন্য এক ঘটনায় আরো চিন্তা-  
কুল হইলেন। অনেক বাটার পরিচারক ডাকিয়া কহিল, “গুগো, কানে-  
ষ্টেবলদের সিধে সামগ্রী দাও”। “কি—কি, কানেষ্টেবল কি, কোথা—  
কোথা!” বলিয়া গোস্বামী পাকু শালের ঈশানকোণে অন্ধকারে গিয়া  
দাঁড়াইলেন। ছন্নভ তাঁহার হাত ধরিয়া বসাইল, ও কহিল, “ঠাকুর,  
তোমার এতডা ভয় কেন? মেয়েমাঝুষেও এখন কানেষ্টেবল দেখেনে  
ভয় করে না; তবে যে দুকর্ম করে, তারি ভয়। নেও—বসো; দেখ অন

হলো কি না। গোস্বামী কাঁপিতে কাঁপিতে অসিদ্ধ অন্ন ব্যঞ্জন হইয়াছে বলিয়া নামাইলেন; ও অতি সংক্ষিপ্তমতে অশন সমাপন করিয়া ছলভকে প্রসাদ পাইতে বলিলেন। অকুতোভয় ছলভ স্বচ্ছন্দে সম্পূর্ণ ভোজন করিয়া সুখে নিদ্রা গেল। গোস্বামী শম্যাকর্টকী রোগীর ন্যায় সমস্ত রাত্রি ছটফট করিয়া সভয়ে নিশাবসানে ছলভকে জাগাইলেন, এবং অতি সত্বরতা পূর্বক সকল শৃঙ্খলা করিয়া “শ্রীহরি” বলিয়া ষাত্রা করিলেন। অর্দ্ধ-নিদ্রিত ছলভ পেটিকা মাথায় করিয়া পশ্চাতে পশ্চাতে চলিল। ভয়ে গৃহস্থের নিকট গোস্বামী বিদায় হইয়া আসিলেন না, পাছে “কানেষ্টেবল” ধরে। নদী পার হইতে হইতে প্রভাত হইল। তাহার পর বন অতিক্রম করিতে করিতে সূর্যোদয় হইল। সেই সময় গোস্বামী আর দুই একজন পথিক পাইলেন, এবং ক্রমশ তাঁহার ভয়ের লাঘব হইতে লাগিল। তন্মধ্যে একজন পথিক তাঁহার গ্রামস্থ,—তাহাকে দ্রুত গমনশীল দেখিয়া গোস্বামী কহিলেন, “বাপু, শ্রীপার্ঠে বলে ষাবে যে আমরাও এলেম্”। পথিক “যে আজ্ঞা” বলিয়া পথ ধরিল। গোস্বামী তাহার এক প্রহর পরে পথে মধ্যাহ্ন-ভোজন করিয়া সংক্ষিপ্ত বিশ্রামের পর গাত্রোপান করিলেন। এই সময়ে তৈজসের শকটও আসিয়া উপনীত হইল। গোস্বামী, তাহাদিগকে সত্বর হইতে কহিয়া গমন করিলেন। মধ্যে মধ্যে এক এক বার পশ্চাতে চাহিয়া দেখেন, যে কোন “কানেষ্টেবল” আসিতেছে কি না। ক্রমে ক্রমে বেলাও শেষ হইয়া আইল, এবং পথও শেষ হইল। গোস্বামী গ্রামে আসিয়া উপনীত হইলেন।—আজ্ঞাদের সীমা নাই। বাটীর সম্মুখে আসিয়া দেখেন যে স্তম্ভসারি ও কদলী বৃক্ষ রোপিত, ও পূর্ণকলসী স্থাপিত হইয়াছে। ইহাতে বুঝিলেন যে শ্রীপার্ঠে পূর্বেই সংবাদ পাইয়াছে। মঙ্গল।

আদিমাধব “গোবিন্দ—গোবিন্দ” বলিয়া বাটাতে প্রবেশ করিলেন। গোস্বামী-জায়া অগ্রসর হইলেন। তাহার পর দেখিতে দেখিতে শিষ্য সেবক, দাস দাসী, প্রতিবাসিগণ আসিয়া যথাযোগ্য প্রণাম—নমস্কার—করতঃ পরস্পর কুশল জিজ্ঞাসাবাদ করিতে লাগিলেন। কিঞ্চিৎক্ষণ পরে জনতা নিবৃত্তি হইল। গোস্বামী পদ ধৌত করিয়া সন্ধ্যা করিতে বসিলেন।

প্রাচীন ছলভ গোস্বামী-জায়াকে ও আর আর সকলকে একে একে প্রণাম করিয়া শকট হইতে দ্রব্য সকল উঠাইতে লাগিল। প্রথম দিন এইরূপ গোলযোগে গেল। পরদিন প্রাতে গোস্বামী প্রাতঃকৃত্য সারিয়া চণ্ডীমণ্ডপে বসিলেন। সম্মুখে প্রিয় শিষ্য। পার্শ্বে ছলভ। কিঞ্চিৎ অন্তঃপটে গোস্বামীর বনিতা।—ফলতঃ পরস্পর অতি সন্নিহিত বটে। গোস্বামী-জায়া অধোবদনে আছেন—যেন কিছু ভার ভার। কিঞ্চিৎক্ষণ পরে মুখ তুলিয়া স্বামীকে জিজ্ঞাসিলেন, “তবে আমার জন্যে কি এনেচ তা বল”। গোস্বামী কহিলেন, “এ বার যে বেঁচে এসেছি, সেই বিস্তর জান্বে। বোধ হয় সে সকল কথা শুনে থাকবে। তবে তৈজসপত্র বা কিঞ্চিৎ আছে, তা তো সকলি তোমার সম্মুখেই রয়েছে”।

আমরা পূর্বে প্রকাশ করি নাই যে গোস্বামীর বনিতা স্বভাবতঃ কলহপ্রিয়া, এবং সমস্ত স্ত্রীলোকের ন্যায় অতিশয় অভরণ-প্রয়াসিনী ছিলেন। গোস্বামীর মুখে ভূষণের স্থলে তৈজসের কণী গুনিয়া অতিশয় রুচি হইলেন। “তবে পিতলের থাল কেটে তাবিজ করি? রেকাবি ভেসে হার গড়াই?” ইহা কহিয়া সম্মুখে যে সমস্ত তৈজস ছিল, তাহা পা বিয়া চতুর্দিকে ফেলিয়া দিলেন।

এই সময় ছল্লভ দাঁড়াইয়া কহিল, “ ঠাকুর, আপুনি ভুল্‌টো কেন ? কংশবধের দিন বাঁড়ুয়োর ছোট জী আপনাকে যে হীরের আংটি দিয়েছিল, তা কি কল্‌লেন ? সেইটে দেন না কেন,—আঙুন নিবে যাক্ । গোস্বামী, “ হাঁ—হাঁ, বটে তো—বটে তো, আমার মনে ছিল না ” বলিয়া স্বকর হইতে হীরকাসুরী খুলিয়া বামদেবীর সম্মুখে রাখিয়া দিলেন । দেবী মুখ ফিরাইয়া কহিলেন, “ আমার এতে কাজ কি ! বাঁড়ুয়োর ছোট জী ওঁকে সাধ করে দিয়েচে, উনিই পরন ” । কিন্তু অঙ্গুরীয় প্রজ্জ্বল-বরণ, ও অতি স্বচ্ছ জলের ন্যায় হীরার শুভ্রকান্তি দেখিয়া মনে মনে করিলেন, “ কি চমৎকার জিনিস !—যেন তারা জ্বল্‌চে ” । এমত কালে গোস্বামীর শিষ্য ও ছল্লভ বিনয় বচনে কহিল, “ মা গোস্বামী, ক্ষান্ত হও । অঙ্গুরীটা ধর । এবার হলো না, বারান্তরে যথেষ্ট অভরণ আনবেন ” । গোস্বামী-বধু অঙ্গুরী লইয়া কহিলেন, “ তবে তোমরা এই স্থির করে দাও, যে ভবিষ্যতে শিষ্যালয় কেবল আমিই যাইব । আমি ভাগবত জানি, চপ্ জানি, কথকতা জানি, মন্ত্র দিতেও জানি । যদি তোমরা এ স্বীকার কর, ও কথকতার সমস্ত দ্রব্যাদি আমাকে অর্গোণে বুঝাইয়া দাও, তবে আমি অঙ্গুরী ধারণ করিব ” । এই কথায় গোস্বামীসহ সকলে সায় দিয়া কহিল, “ যে আজ্ঞে—যে আজ্ঞে ” । ছল্লভ কহিল, “ আপনকার স্বৈচ্ছা । আমি এই সব পুঁথি প্রভৃতি করে যা যা আছে সব এনে দিচ্ছি ” । ইহা কহিয়া নিম্নলিখিত যাবদীয় দ্রব্য সকলের প্রত্যক্ষে মা-গোস্বামীকে বুঝাইয়া দিল । যথা—

শ্রীমদ্ভাগবত পুস্তক	...	...	১ দফা ।
পিতলের অর্ধচন্দ্র খণ্ডী	...	...	১
গীত গোবিন্দ নামাবলী	...	...	১

তিলক কুতলী	...	...	১
বশাতের আসন	...	...	১
বস্ত্রের ছাতা	...	...	১
হাত ছড়ী	...	...	১
খড়ম	...	...	১ যোড়া ।
গোলাপী রঙ্গের গামোছা	...	...	১
তরী	...	...	১ টা ।
ছল্লভ ভৃত্য	...	...	১ দফা ।

প্রাচীন ছল্লভকে আমরা কথকতার একাঙ্গ জানিয়া তাহাকে তালিকাভুক্ত করতঃ “ চার্জের ” সামিলে দিলাম । পাঠক মহাশয়রা বোধ হয় তাহা অব্যবস্থা বিবেচনা করিবেন না ।

মা-গোস্বামী অতঃপর কথকতার পুস্তকাদি দ্রব্য সকল প্রাপ্ত হইয়া সহর্ষে তৎক্ষণাৎ তাহা সম্পূর্ণে বদ্ধ করিলেন । কেবল ছল্লভমাত্র চাবির বাহিরে রহিল । তদনন্তর প্রজ্জ্বল হীরকাসুরী লইয়া অনামিকায় ধারণ করিলেন, ও মনে মনে করিলেন, যে “ সোণা রূপার ডেলা অপেক্ষা হীরের চুকরোও ভাল ” । এইরূপে গোস্বামী-ঠাকুরাণীর ক্রোধ সম্বরণ হইলে সকল দিক রক্ষা হইল । ছল্লভ গুনিল যে এক্ষণে মা-গোস্বামীর অধিকার হইল ; তাহাতে করযোড়ে কহিল, “ এখন কানেষ্টেবলের ভয় গেল, আর যা হউক্ না হউক্ ” । গোস্বামী হাসিয়া কহিলেন, “ আরে ছল্লভা, এক্ষণে রাধিকা রাজা হইলেন । তাহা হুতন রাজ্যের স্মৃথ ভোগ কর । আমি খুঙ্গি পুঁথি তুলিলাম ” ।

সমাপ্তঃ ।